

KRISTIAN NUN

TUARNA THURUK

(Natna tuartute leh lusunte tan)

Rev. V.L. Zaithanga



LENGCHHAWN PRESS

Mizoram State Library
DG2189



Published

by

Lengchhawn Press, Khatla, Aizawl.

Third Edition, 1999

Copies — 1500

Copyright Reserved ©

MIZORAM STATE LIBRARY

No 09 2189
Acq. by Sh.
Class by Lib.
Date by 1999
Sub Heading by _____
Transcribed by _____
Publication No. _____



Printed at

Lengchhawn Press

Bethel House, Khatla,

Aizawl — 796001, Mizoram.

Kan fate

Andrew Lalramdina

&

Florence Lalramsangi

hriat reng nan

(V.L. Zaithanga & Zoparmawii)

A CHHUNGA THU AWMTE

1. Ni tin Lalpa nen	1
2. Tuarna khawvel	2
3. Buaina hi mihring chanvo a ni	4
4. Tihbrehawmin kan awm ta zawk a	5
5. Mi hriatpuitu vansangah a awm	6
6. Lalpan a chhanhim a	7
7. Hlau sub, ka tanpui ang che	8
8. Ka thlah lo vang che	9
9. Lalpa chu mi vengtu a ni	10
10. Ka tlachham lo vang	11
11. Mi bawhtir thin a	12
12. Chawlhna tui kamah	13
13. Ka theihngilh lo vang che	14
14. Engkim i ti thei tih ka hria	16
15. Hmangaihna nasa tak chuan ... mi hual vel dawn a ni	17
16. A chhe lai apiang siam rawh se	18
17. Natna tuar lai pawha lawmna	20
18. Hetah awm ni la chu	21
19. Lalpan a pe a, a la leh ta	22
20. Pathian mi khumah a han mut a	24
21. Thim leh eng hi thuhmun reng a ni	25
22. A hnenah a kir leh ta a	27
23. Ngawi la, awm hle hle rawh	28
24. Ka tan a tha a ni	29
25. Thinlung a lo tha si	31
26. Beiseiawm a awm loh pawhin	32
27. Nghak hram hram chu a eng a thawl e	33
28. Kan tan damna a ni dawn a ni	34
29. Pathianin in hmasah mi lo tir hmasa a ni	36
30. In that theih nan a tihrehawm che u a ni	37

31.	I phurrit chu Lalpa chungah ngàt rawh	39
32.	Thu kam khat mah an sawi lo	40
33.	Ka khawngaihna i tan a tawh e	42
34.	In dil apiang chu hmu tawhah inngai rawh u	44
35.	Mupuiin... a thlaa a chawi thin angin	45
36.	Hmangaihna bawhchhiatna a khuh	47
37.	I sawi tawh ang khan ti ang che	48
38.	I thil tih dan hi a atthlak hle mai	49
39.	Beidawng lova jawngtai	51
40.	Pathianin min thlang	52
41.	Pathianin khawvel thil chak lote a thlang	53
42.	Pathianin kan thatna turin a thawh thin	55
43.	Kan thatna turin engkimin	56
44.	A vaw hnihna pawh	57
45.	Ring mai rawh	59
46.	Pathian chuan thilthaah chantir a tum a ni	60
47.	Tibthiang dan danglam	61
48.	Ropui taka ngamtu kan ni	63
49.	Thununna bi hmangaihna a ni	64
50.	Jawng lova thusawi	65
51.	Khawiah nge i awm	66
52.	Vengtu rinawm leh rinlak	68
53.	Ka tlantlu chu a nung tih ka hria	69
54.	Isua hnen lam penin	70
55.	Thih pawh blawka	72
56.	Thlamuang takin an mu siai siai thin	73
57.	Thlarau chuan min jawngtaisak thin	75
58.	Thih hi nunna a ni	76
59.	Ka thlamuanna turin	77
60.	Ka phur pawh a zang a ni	79
61.	Lalpan a duh a ni	80
62.	Lungngaihna min hantir dawn a ni	82
63.	Lungtham a sawt lo	84

64.	Pathian nung thiltuthei	86
65.	Kei chuan Pathian ka la ring tlat astu	88
66.	Rinna lovin i hlim zawk ang em ?	90
67.	Kuta inchelhin, ngawi rengin	91
68.	Khawngaih thil nawi te te	92
69.	Tlemte a tawk, pen khat pawh ni se	93
70.	Thlamuanna thuchah	94
71.	Thu panga tawi te	94
72.	Mi dangte tana nun pek	95
73.	Pathian nen chuan engkim tih theih a ni	96
74.	Eng hunah nge i hlim ber ?	97
75.	Pathian hnena lawmthu sawina	98
76.	Kristian zalenna	99
77.	Tawngtaina	101
78.	Rinnaa tawngtai	101
79.	Khaw dur leh ni Engah	102
80.	Tapte chu taphui rawh u	104
81.	Engkim tan hun ruat a awm	106
82.	Thlir dan dik lo	107
83.	Tawngtaina	109
84.	Khawngaihna - min thlah lotu	109
85.	Keimah ka ni alawm, hlau suh u	111
86.	Ni khat hrehawm chu a tawk a ni	112
87.	Lal Isua kan thian tha ber	113
88.	Damlo pakhat leh Pastor	114
89.	Huan enkawltu leh pangpar	116
90.	Vawi khat aia tam kan thi thei em ?	116
91.	Ka kutte hi hman ang che	118
92.	Ka pa, van in, ata hla'an	119
93.	Tuarna hi mi tin chung a thlang a ni	120
94.	Manganna zingah leng mah ila	121
95.	Lalpa thatna hmuh inring suh ila chuan	123
96.	Kawng awlsam a ni lo	125

97.	Meia kal tlangin	128
68.	Mei leh tui kal tlang	130
99.	Lalpa chu ngbak fan fan rawh	132
100.	Malsawm ruah	133
101.	I thu ni se	135
102.	Engkimah lawmthu hril zelin	138
103.	Kristian lungawina	140
104.	Pathian, engkim mi tihsaktu chu	142
105.	Thlamuantu dang	144
106.	Tuarna Chanchin Tha	146
107.	Hmangaihtu kiangah	149
108.	Hlun tur an awm lo	150
109.	Hlimin kan intawk khawm leh ang	151
110.	Lal Isua ka neih phawt chuan ka rethei love	152
111.	Harsatna hmuh theih loh a awm lo	153
112.	Pathian chet bun	152
113.	Tuarna zara malsawmna	156
114.	Khawngaihna hlir	158
115.	Manganna inmanganpui	159
116.	Beiseina nghet	160
117.	Thlamuang taka awm turin i veng ang	161
118.	Thil tha lo atengin thil tha	161
119.	Sava bu thiahak	162
120.	Nung tura thi	163
121.	Anmahni ruahin	164
122.	Tawngtai zel rawh	165
123.	Ka rilru tinatu i hria em ?	166
124.	A chipuite hnenah hruiin a awm ve ta a	167
125.	Phurrit - Pathian min pek	168
126.	Pathian kawng mak	169
127.	Nun entawntlak	170
128.	Min ngaihsaktu - Krista	171

129.	Dawhtheihna rah	172
130.	I thawmhna inbelin thu a sawi	173
131.	Fakna inthawina	174
132.	Mi dangte ngaihsak	175
133.	Thil tha tak a ni	176
134.	Zin kawng kan zawh tawpah chuan	177
135.	Pathian kut phar	178
136.	Tihdamna thar	179
137.	Mei leh tui kal tlangin	180
138.	Thil tha tih ning suh	181
139.	Lalpa aub	181
140.	Ka kaah hla thar	182
141.	Pathian awmpui hriatna	183
142.	Ka mamawh tinreng mai min petu	184
143.	Lawm nachang hriatna	185
144.	Tuarna rahte	186
145.	Thlamuan nan i hmang ve thei ang em?	188
146.	Damlo tlawhtute tana hriat tur pawimawh	191
147.	Lusun khawharte lenpuinaa hriat tur pawimawhte	193
148.	Pathian rin hi hlimna a ni	194
149.	Hlau suh u	195
150.	Lawm theih loh hun pawha lawmna	196
151.	Thlarau lam malsawmna kristaah	197
152.	Lalpa rin leh amaha chawh	199
153.	Pathian chet hun	199
154.	Hlau lova awm hle hle	200
155.	Chanchin Tha tihdarhna	201
156.	Hlohna atanga blawkna	202
157.	I duhzawng tih ka lawmna	203
158.	Thlemna hneh theih dan	204
159.	Zanlaiah hla an sa	205
160.	Chhunglam mihring siam thar	206
161.	Dawhtheihna leh ngaihdamna	208

THUHMAHRUAI

Ka lehkhabu TUARNA THURUK chu Synod Publication Board-in kum 1983 khan a chhuah a. Hetiang lehkhabu hi Mizo tawngin a la tam lo va, miten an chhiar duh viau a ni ang, chhut nawn a lo tul ta a. Ka ennawn a, ka ziaak belh bawh a, kum 1988 ah chhut nawn a ni a. Chu pawh chu hralh zawh a ni leh tawh a.

A chhiartu thenkhat hnen atangin an hlawkpui leh tangkaipui thu ka dawng a. Chu chuan min tilawm hle a. Hetiang lehkhabu hi mi tin tana tul leh mamawh a nih hriain ka ziaak leh ta a. Lehkhahua chhuah thamin ka ziaak leh ta a. Kum 1993-ah Synod Publication Board-in a chhuah leh ta a. A hming ngai hmangin TUARNA THURUK 2-na tia vuah a ni leh ta a. Tunah hian he lehkhabu pawh hralh zawh tep a ni.

Mihringte ngahdana vanduaia kan tawh atanga heng thute hi ziaak thei ka ni a. Mihringten thil tha lova kan ngaih hi Pathianin thil thaah a chantir thei a ni uh, kan chungah thil lo thleng atang hian kan bre chiang hle a ni.

Kan fapa Andrew Lalramdina chu Pathianin ni 17 January 1966-ah min pe a, ni 7 January 1967-ah min laksak leh ta a. Nausen pian tha tak, duhawm tak leh hrisel tak a ni a. Kawthalo natnain a thi ta mai a. A thih lai hian Nagpur khuaah Theological Education Fund tanpuinaa lehkhabu buatsaih chungchang inhmukkhawmnah ka

kal lai a ni a. A thih thu hi thirhruin min ban hrilh a. Rin loh taka fapa thih thu ka briat chuan mak ka ti hle a, Pathian lakah pawh ka vui deuh a ni, ka awm loh hlan khera a thih avangin. Chutih laia Pathian thu ka rilrua lo lang chu : "Nangni thawkrim leh phurrit phur zawng zawngte u, ka hnenah lo kal ula, keiman ka chawlhthir ang che u. Ka nghawngkaw! bat ula, ka hnenah zir rawh u; thuhnuairawlh leh rilrua inngaitlawm tak ka nih hi : tichuan in thlarau tan chawlhna in hmu ang. Ka nghawngkaw! chu a nuam a, ka phur pawh a zang a ni" (Matthaia 11:28-30.) He Pathian thu hian min chhawk zangkhai hle mai. Lal Isua nghawngkaw! - thuhnuairawlhna leh inngaitlawmna hi chawlhna leh zangkhai a ni tih min briattir a. Lungngaihna, manganna leh lusonna phurrit kan phurh thin hi Lal Isua nghawngkaw! bata, amah nen kan phurh chuan a zangkhai a nuam thin a ni tih min zirtir a ni. "I phurrit hnuaiah chau mah la, Van thatnain a chhawk ang che," tih hla kan sak thin hi a lo dik hle mai.

Patianin fanu pahnih min pe leh a : Florence Lalramsangi leh Flora Lalramruati an ni. Lalramsangi hi ni 2 October 1968-ah a piang a, Lalramruati hi ni 27 May 1972-ah a piang a. Kan fanute hian min tihlm hle a.

Kan fanu Lalramsangi chu a damlo va. Daktortan kan rawn a, inah kan enkawl a. A hnar a thei a, a reh thei lo va, Daktorten damdawiin panpul a thin an ring a, kan pan ta a. Damdawiin pana kan kal lai chuan, ka fanu chuan, "Ka pa, Pathianni hmamin i baw leh ang aw," a ti a. Sande Skul kai nuam a ti a, inkhawm a ngaina baw a.

Pathiannia inkhawm theih leh a hlau a ni. Doktor-ten theihtawp chhuahin an enkawl a, thisen pek a ngai a, thisen pekna tur saidawium chhin chu an vit pawp zo lova. A thiakna tur an buaipui chhungin a hun a tawp ta mai a! Thirringten kan thih hun hi kan pumpelh thei lo a nih hi tih mai tur a ni. Ni 10 January 1978-ah Lalpa hnenah min kalsan ta. Pathianin fa pathum min pe a, pahnih min laksak a, pakhat chauh min kawltir ta a ni. Anin pahnih a kawl a, keinin pakhat chauh kan kawl a. Tichuan, kan fanu Lalramruati hi chu kan kawl zel tura min ruatsak a nih kan ring.

Kan fanu Lalramsangi chuan Pathian biak a ngainat em em a hmang thei ta lo va. Mahse, inkhawmpui tiak ngai lo, van khawpuiah a hmang ta zawk a ni. Kum kua leh thla thum mi a ni a, nu leh pa tan chuan nula a ni ve tawh mai. Mite pawhin min tuarpui nasa em em mai. Tuarpuina lehkha leh thirhrui tam tak kan hmu a. An mi tuarpuinain min chhawk zangkhai a, kan lawm em em a ni. Kan lehkha hmuh zinga kan hriat reng chu Pu Lalchuangliana, New Delhi te nupa han thawn a ni. Thu tawi te an ziaak a: "Kum kaw chhung lai in nupa tihlim tura Pathianin in fanu Lalramsangi a pek che u avangin A hnenah lawm-thu i sawi ang u," tih thu a ni. Kan fanu hian min tilawmin min tihlim reng mai. Naupang nunnem, thuawi, bengvar tak a ni. Pathian thu chang eng emaw zat en lovin a sawi thei a. Chung zinga mi kan rilrua cham reng chu: "Pathianin khawvel a hmangaih em em a, chutichuan a fapa mal neih chhun a pe a," tih te (hei hi Hindi lawngin a sawi thei baw). "Sum tam tak aiin hmingthat hi thlan

zawk tur a ni..." Thufing 22:1-7 te hi a ni. A hla duhzawngte lehkhahuah a ziaak chhuak a, a sa thin a. A hla duhzawng leh sak thin zinga mi, kan rilrua cham reng chu :

*"Ka van in khi ka ngai mang e,
Leiah chawlhna ka hmu si lo;
Ka chhandamtu lenna ramah,
Chutah lungngaih jah reng a awm lo,"* tih hi a ni.

A van in, a chhandamtu lenna ramah min chawhlsan ta a ni. Keini pawh chu hmunah chuan kan la chawl ve ang.

An unau hriat rengna lungphun Mission Veng thlanmualah kan siam a. Chu chu anmahni kan hriat rengna a ni a. He lehkhahu TUARNA THURUK pawh hi anmahni kan hriat rengna a ni bawh.

TUARNA THURUK bu hnih Synod Publication Board-in an chhuah chu keimahin ka chhuah zui turin ka dil a, min phalsak a; ka lawm hle. Tunah hian bu khatah siamin, a thute rem danglamin, thu dang 29 ka ziaak belh chu telhin, chhuah a ni ta a. Ka nau V.L. Zaikiman, Lengchhawn Press-ah min chhutsak avangin ka lawm hle.

He lehkhahua thu ziaakte hi a chhiartu leh a mamawhtute tan Pathian malsawmna thar an dawnna a nih theih nan Pathianin malsawm rawh se.

V.L. Zaithanga
Bethel House
Khatla, Aizawl.
21 August 1997

1. NI TIN LALPA NEN

"Aw Lalpa, zingah chuan ka aw hi i lo hre thin ang a; zingah chuan ka tawngtaina hi i hmaan ka rel fel diam ang a, ka lo ngaihven thin ang." (Sâm 5:3)

Nilengin hna kan thawk a, hah tak leh chau takin kan awm thin. Pathianin kan taksa leh rilru hahchawlh nan zan min siamsak hi a va lawmawm em! Zannah muttui taka kan muhil thei te hi a va lawmawm em! Mi tam tak chuan, ni tur rengah ngaiin a lawmawmzia pawh kan hre awm lo ve. Zannah muthilh theih loh hun han nei la, muttui taka mut theih hi Pathian malsawmna a nihzia i hre chhuak thei ang.

Zingah kan han tho va, kan tih hmasak ber chu, hmai phih fai leh inthiar a ni a. Kan inphih fai chuan kan mu thophang kan harh sawt thin. Ringtute'n zing thawh hlina kan tih tur pawimawh tak chu Bible chhiar leh tawngtai a ni. Pathian hnenah lawmthu sawia, nilenga kan thil tihnaah min hruai tura dilna neih a pawimawh a ni. Tuk tin Pathian nena inpawlina hun neih hian nilenga kan hna thawh leh thiltihna kawng tinrengah min kai-hruaiin, min tanpui thin a ni.

Mi tam tak chu kan ni tin hna thawh zawh hman loh hlauvin kan hmanhlel a. Pathian pawlna hun pawh nei hmanin kan inhre lo thin a ni. Kan duhzawng tih nan hun kan pe thei a. Kan kawm ngeih zawngte kawm nan hun kan pe thei bawh a. Mahsc, Pathian pawl nan hun pek harsa kan ti fo thin a ni. Kan ni tin nunah Pathian kan mamawh-

zia hi kan hre tawk lo fo thin a ni. Pathian aum keimahni leh mi dangte kan dah pawimawh fo thin a ni. Pathian lova nung thei ni aum fahranin. Pathian kan han ngaihsak tha duh lo va. Kan thla-phan leh kan mangan hunah meuh chuan a tel lovin kan aum thei leh si lo. Hla phuahtu hian a lo sawi dik hle mai - "Kan thlaphan mangan lain Amah kan hre leh si thin. Chu mai chu a tawk lo ve" Martin Luther-a chuan he thu hi a sawi thin an ti : "Zingah Pathian pawlna darkar thum ka neih loh chuan ka ni tin hna ka thawk zo hman lo vang." Ni tin Pathian nen ni hmang tan thin ila. Nilenga kan hnathawhnaah pawh Amah nen thawk dun thin ila, a va tha dawn em !

2. TUARNA KHAWVEL

He khawvel hi tuarna khawvel a ni a, a chhunga cheng mihringte pawh hi tuartu mihring kan ni. Tuarna hi mihring thlahtu bulte sualna avanga lo aum niin a lang. Mihring thlahtu hmeichhia, Evi chu rulin a bum a, Pathianin Eden huana thing rah ei loh tur a tih chu a ei ta a. Pathianin Evi hnenah, "I thiltih hi engtzia nge ni le ? I hrehawmna leh i nau paina chu nasa takin ka ti-pung ang a; hrehawm takin fa i bring thin ang," a ti a. Evi chuan a pasal Adama pawh thing rah chu a citir a. Tichuan, Pathianin Adama hnenah, "I nupui thu i zawm a, thing pakhat, a rah i ei tur a ni lo, tia thu ka pek che kha, a rah i ei avangin, lei hi nangmah avangin anchhe dawngin a aum ta a ni; i dam chhung zawngin rim taka thawkin a rah chu i ei tawh ang; hling leh buarte pawh a chhuah-

sak ang che; tin, leia thlai chu i ei tawh ang; tin, leia i kir leh hma loh chuan i hmaia thlan tui luang zawih zawihin chaw i ei tawh ang; lei atanga lak chhuah i ni si a; vaivut i ni a, vaivutah i kir leh tur a ni," a ti a (Gen. 3:13-19).

Adama fate pahnih Kaina leh Abela chu an mngciis lo va, Kaina chuan a nau Abela chu a that ta mai a. Mihringte zingah suai a a lo pung chho zel a, tuarna pawh a lo nasa chho ta zel a. "Tin, Lalpa chuan, leiah hian mihring suai a a lo nasa tak a ni tih leh, an rilru suangtuahna reng reng chu suai hlii a ni fo mai tih a lo hria a. Tichuan, leiah hian mihring a lo siam tak avangin Lalpa chu a inchhir a, rilru nat nan a hman phah ta a. Tichuan, Lalpa chuan, "Ka mihring siam hi lei chung ata ka tiboral teh mai ang; mihring te, sa te, rannung te, chungleng sava te nen lam hian; ka siam tak avangin ka inchhir a ni," a ti a (Gen. 65:7).

Mihringte suai man chu thihna a lo ni ta a. "Suai man chu thihna a ni si a" (Rom 6:23). Mihring nun hi kan pian ni atanga kan thih ni thlengin tuarnain a khat tih mai tur a ni. Nausen a lo pianin, nuin hrehawm nasa tak tuarin a hring a. Mihring dam chhung hun hi lungngaihna, tuarna, natnain kan hmang a. Kan dam chhung hun chu thihnain kan hmang zo thin a ni. Khawvel hi tuarna khawvel a ni a, a chhunga cheng mihringte pawh hi tuartu mihringte kan lo ni.

Hei hi a tawpna ni mai sela, mihring nun hi a hrehawmin, a va rapthlak dawn em! Tuarna leh thihna lak ata chhanchhuah kan ngai a. Chhanchhuaktu kan mamawh a ni. Tuarna leh thihna laka chhanchhuahna thu chu he lehkhahuah hian kan ngaihtuah zui zel dawn a ni.

3. BUAINA HI MIHRING CHANVO A NI

Tuarna hrehawm tak kan chung a lo thlenin, inngaihtuah buai mai awl tak a ni. Zawhna tam tak kan rilruah a lo lang thin. Engati nge he tuarna hi kan chungah a lo thlen bik? Pathian duh loh zawng kan ti em ni? Tuar hi a hrehawm êm a, pumpelh kan duh thin. Tuarna hi mi tin chungah a thleng thin tih hre reng mah ila, kan chung a lo thlen hian hriatthiam harsa kan ti thin a ni. Engati nge, tiin kan zawt thin. A chhanna hre vek lo mah ila. Pathian thu atengin chhanna thenkhat kan hmu thei a ni. Joba chuan, "Tuarna hi vaivut ata lo chhuak a ni lo va, buaina pawh hi lei atanga lo to chhuak a ni hek lo; buai turin mihring hi a lo piang a ni zawk, mei si chung lamah a chho angin. Kei zawng-in Pathian lam ka zawng ang a, Pathian hnenah ka chungthu ka kawltir ang," a ti a (Joba 5:6-8). Buaina hi mihring chanvo a ni. Mihring hi buai tura lo piang kan ni a, kan chungah buaina lo thleng tur reng reng hi, lo thleng lo se kan duh vangin hriatthiam harsa kan ti thin a ni. Buaina hi kan chanvo a ni tih hriain, buaina kan chungah a lo thlen pawhin, engati nge, tiin zawt mai lo ila, kan chanvo a ni tih hriain pawm mai ila. Mi tin chungah thleng thei a ni a, kan chungah pawh a lo thleng a ni tih hria ila. Inngaihtuah harh nan hmang zawk ila. Hei hi Joba tih dan a ni. Tirkoh Paula min zirtir dan pawh a ni baw. "Engah mah mangang suh u, engkimah pawngtai leh dilin, lawmthu hril tel zelin, in duhna te chu Pathian hnenah hriattirin awm zawk rawh se. Tichuan, Pathian thlamuanna, rilru reng renga hriat sen loh khan in thinlung leh in ngaihtuah-nate chu Krista Isuaah chuan a vensak ang che u." (Phil. 4:4-7).

Kan chungá buaina lo thleng hi ngaihtuah vak vak a, a chhan zawn chhuah tum hi thil sawt a ni lo va. Pathian hnena then hi a tha ber mai. Pathianin min chhâwk zangkhai thei a, Pathianin min thlamuan thei a ni. Joba ang hian. "Kei zawnin Pathian lam ka zawn ang a, ka chungthu Pathian hnenah ka kawltir ang," i ti ve thin ang u.

4. TIHREHAWMIN KAN AWM TA ZAWK A

"Makedonia ram kan thlen pawh khan tsam muanna reng reng a nei chuang lo va, lehlam lehlamah tihrehawmin kan awm ta zawk a, pawn lamah insualnate a awm a, chung lamah hlauhate a awm a" (II Kor. 7:5).

"Lehlam lehlamah tihrehawmin kan awm a." uh hi, "Kil tinrengah tihrehawmin kan awm a," tiin a lehlin theih a. Paula hian hrehawm a tawk nasa hle mai - 'Kil tinah tihrehawmin ka awm' a ti hial a ni. Engtizia nge, Pathianin a rawngbawltu hi heti taka hrehawm a tuar a phal le. tin kan rilruah kan ngaihtuah âwm e.

Harsatna leh hrehawinna chi hrang hrang kan chungá a lo thlen hian, Pathian kan mamawhzia min hriattir a ni. Pathian chakna te, thiltihtheihna leh khawngaihna kan mamawhzia min hriattirtu a ni.

Lal Isua meuh pawhin hrehawm tinreng a tuar a. Keini amah zuitute pawhin hrehawm kan tuar hi a âwm rêng a ni. Nun nawmna chen aiin nun hrehawm tuar hi kan tan a tha zawk a ni. Keimahni maia kan awm theih lohzia leh Pathian rin a tulzia kan hriat chhuah theih nan hrehawm kan

tuar hi a tangkai a ni. Harsatna leh tuarna sikula
tuain chhuakte chu an chhel thin a, an rintlak thin
a ni. Pathianin chu chu min zirtir a duh a ni.

5. MI HRIATPUITU VANSANGAH A AWM

Joba chuan chhiatna rapthlak tak a tawka. A
fate zawng zawng an thi zo va, a ran rual an thi
vek bawka, a taksa a pumin pâuin a bâwm a, a
nupur lah chuan a Pathian sawichhe turin a lo
ngen sek bawka nen! A thiante, a tuarna thlamuan
tura lo kal lah chu thlamuantu aiin tuarna tizualkar-
tu leh belhchhahtu lek an ni bawka. Joba'n an
hinenah heti hian a sawi nghe nghe a ni: "In zain
thlamuantu tuar hrehawm in ni e," tiin.

Joba tuarna hi nasa tak a ni. Joba tuar ang
hi tuar ve ta ila, mi tam tak chuan Pathian kan
sawichhe mai âwm e. Mahse, Joba chuan Pathian
a sawichhe mai lo va, Pathian a rinna a chau chuang
hek lo. A tuarna chu Pathianin a hriatpui tih a
hria a ni. "Ka thuhretu vanah a awm a, mi hriat-
puitu chu vansangah a awm," tiin a sawi thei a ni
(Joba 16:19).

Keini pawhin harsatna te, manganna te, buaina
te leh thinna te kan tuar thin. Kan chung a tuarna
lo thleng tam tak chu kan hriathiam loh leh hriat-
thiam harsa kan tihte pawh a ni thin. Chung hunah
chuan min hnemtu tur leh thlamuantu tura kan
ngaih, kan thian inate pawhin min hnem zo lovin,
thlamuantu tuar hrehawm lek an nih ve mai châng a
awm thin a ni. Chutiang dinhmun a kan awm lai
chuan, Pathian chu min hriatpuitu leh thlamuantu a
ni, tiin kan sawi ve thei thin em le? Joba hnen
atengin "Tuarna Thurûk" zir chhuah tur a awm a ni.

Joba thiante ang hian, kan thianten tuarna leh harsatna an tawhin, anmahni thlamuan aiin an tuarna tizualkaitu mai a nih theih a. Chuvangin kan thiante tuarna briatpui leh tuarpui tum mai lovin, tuarpuitu leh thlamuantu tangkai nih i tum zawk ang u. Mihringten tuarna kan inhriatpuiin, kan inthlamuan theih chin a awm ngei mai. Hriatpuitu leh thlamuantu tak chu vansângah a awm a ni. Chu ngei chu min hriatpuitu leh thlamuantu atan i hmang thin ang u.

6. LALPA'N A CHHANHIM A

"...An buainaah chuan Lalpa chu an au va, ani chuan an manganna ata te chu a chhanhim a." (Sâm 10:76)

He khawvelah hian buaina leh harsatna chi hrang hrang kan tawk thin. Kan buaina leh harsatnaah chuan min tanpui thei tura kan ngaihte kan zawng a, min tanpui turin kan sawm thin. Mihringte pawh hian intanpui theih chin kan nei ngei mai; mahse, kan theih bâk chham hi a awm thin a ni. Chung hunah chuan tanpuitu kan neih chhun chu Lalpa, Pathian chauh hi a ni. "Mangan laia tanpui vartu hnai reng" a ni.

Kan buaina leh mangannaa min tanpui turin mi dangte kan au thin angin Lalpa i au thin ang u. Min tanpuitu tura kan beisei mihringte chuan min tanpui theih loh hun leh peih loh hun an nei thin. Lalpa erawh chuan englai pawhin min tanpui a peih reng a, min tanpui theih loh hun leh peih loh hun a nei ngai lo a ni.

Israel fate Aigupta-a an tâng au thawm a hria a, anmahni a chhanhim a. Babulon-a Israel sal

tângte au thawm a hria a, anmahni a chhanchhuak leh bawk a. I manganna leh i buaina lak ata pawh a chhanchhuak thei che a ni.

"I mangan a hnenah thlen la,
Ani'n a lo tanpui zel ang che."

7. HLAU SUH, KA TANPUI ANG CHE

"Nang Jakob changpât leh Israel mite u, hlau suh u, ka tanpui ang che u, Lalpa'n a ti." (Isaia 41:14) Israel mi, sal tâng, chak lo tak leh nep tak chuan, changpât ang maia kea rahbeha rah sawm theih dinhmuna an din lai chuan, beisei tur an va nei tlem dawn em! Changpât chu nungcha zinga nêp ber leh tihnat leh tihchhiat awlsam ber zinga mi a ni a. Chutiang dinhmunah chuan Jakoba (Israel mite) chu Pathianin a dah a ni. Changpât ang leka chak lo, chau leh dimdawi ngai an ni. Israel mite chuan an chhehvel hnam leh sawrkar lian, ro-pui leh chak tak kut an tuar fo reng a ni. An dinhmun chu a chau em em a ni. Hetih lai hian Israel mite chu Babulon salah an tang a ni. Anmahni chuan an ding chhuak zo dawn lo, rah sawm mai an hmabak a ni. An chauvin, an zâm hle âwm e!

Mahse, an hnena Lalpa thu lo thleng chu a va mak em! "Nang Jakob changpât leh Israel mite u, hlau suh u, ka tanpui ang che u, Lalpan a ti" Rin ngam a va har dawn em! A thlamuanthlakin, a va lawmawm dawn si em! An thu dawnna hi Israel-ho mithianghlim, thiltitheh a nih avangin, a rin tlak a ni. Lalpa chuan a tanpuiin, a chhanchhuak ta ngei mai lo? A va lawmawm dawn em! An sal tang chhuak lawmzia chu Sâm ziaktuin hetiangin a lo ziak reng a ni -

"Lalpan Zion salte a hruai kir leh lai khan,
 Mumanga mangtute ang mai kan ni a.
 'Chumi lai chuan kan kâ chu nuihin a khat a,
 Kan lei chu hla sakin;
 Chumi lai chuan hnam tin zingah,
 Lalpan an tan thil ropui takte a tihsak a ni,"

an ti a. Engmah ti thei lo, hmuhsitawn leh nêp
 tak kha, Lalpan thil ti thei leh chak takah siam a
 tum a nih chu !

Keini pawh harsatna leh manganna chi hrang
 hrang hnuaiah chau tak leh zâm takin kan awm fo
 thin. Tanpuitu leh chhanchhuaktu kan mamawh
 thin. Keini pawhin Lalpa kan au vang a. Ani'n
 kan manganzia hriain a kut chakin min chhanchhuak
 dawn a ni.

8. KA THLAH LO VANG CHE

"Tin, ani chuan, 'Mal mi sawm loh chuan ka
 thlah lo vang che,' a ti a.... ..Mal a sawmsak
 ta a." (Genesis 32:26—29)

Jakoba leh Pathian inbuan chanchin hi a ngaih-
 nawm hle mai. Zankhuain an inbuan a, Pathianin
 a hneh lo zawk a, Jakoba malpui ruh chuktuah a
 khawih sak a, a lo pelhsawlh ta a. Chuti chung
 pawh chuan Jakoba chuan Pathian chu a chelh tlat
 a, a thlah duh lo. Pathianin Jakoba hnenah, "Mi
 thlah rawh, khawfing pawh a chah dawn tawh hi,"
 a ti a. Jakoba chuan, "Mal mi sawm loh chuan ka
 thlah lo vang che," a ti tlat a. Tichuan, Pathian
 chuan mal a sawm ta a.

Jakoba hian Pathian malsawmna a beisei a, a
 dil a; a pek hma loh chuan thlah a tum lo. Pathian

malsawmna a mamawh tih a hria a, a pe thei tih pawh a ring tlat a ni. A pek hma loh chu a beisei tlat a, a beidawng duh lo. A tawpah chuan Pathian-in mal a sawm ta nge nge a ni.

Keini pawhin Pathian malsawmna kan mamawh kan hria a, kan dil thin. Kan beisei huna min pek loh chuan kan beidawng mai thin. Jakoba hnen atang hian zir tur pawimawh tak kan nei a ni. Beidawng lova Pathian hnena dil a, nghah tlat mai hi a malsawmna dawnna a ni. Jakoba hian Pathian malsawmna a dawn hma loh chuan Pathian chu a chelh tlat a, a thlah duh lo. Abrahama, Rinna Patia vuah hial chuan mihring ngaiha beiseiawm a awm loh hnu pawhin a ring tlat a, Pathian malsawmna a dawng ta a ni. Hetiang mi, entawn tur kan nei hi kan va vannei em !

9. LALPA CHU MI VENG TU A NI

“Lalpa chu mi vengtu a ni.” (Sâm 23:1)

Keini chuan, ‘Vengtu chu sipai leh pulis-te an ni,’ kan ti mai awm e. Mi thenkhat chuan vengtu atan ul te an hman thin. Vengtu atan kan hman chi hrang hrang an awm awm e. Chung vengtute chuan mi sual lakah te, kan chung a thil tha lo lo thlang thei lakah te min vengin min hum thin. Amaherawhchu, min venghimtu tak, tak an tling zo lo.

Lal ropui tak - sipai leh pulis rinawm tak takin an ven te pawh, an nunna a him loh chang a awm fo mai. Vengtu atana an rint pawh an chung a chhina leh thina hial thlentu an ni thei baw a ni. India ram Prime Minister Pi Indira Gandhi pawh kha amah vengtuten an kap hlum a nih kha !

Sâm ziaktuin, "Lalpa chu mi vêngtu a ni," a tih hi a awmzia tak chu hetiang hi a ni: "Berampuin a beramte a vêng angin Lalpa chu mi vêngtu a ni." Palestina ram chu beram vulhna ram a ni a. Beram hi ran â tak, vên ngai tak an ni a. An khaw hmuh a tawi a, ahuhova an awm khawm lohva, an inhlat deuh chuan an inhloh mai thin. Tin, ramsa kawlh lakah pawh vênhim an ngai a ni. Rukru lakah pawh vênhim an ngai a ni.

Mhiring pawh hi â tak kan ni a, vêngtu kan mamawh a ni. Min vêngtu atana tha ber leh rinawm ber chu sipai te, pulis te leh ui te an ni lo va, Lalpa a ni zawk.

Berampuin a beramte tana tha tura a vêng thin angin, Lalpa chuan a mite chu kan tana tha turin min vêng thin a ni. A rinawm ôm avangin vêngtu atan a rin tlak a ni. Vêngtu mihring chu a muhil thei a; Lalpa erawh chu a muthluin a muhil ngai lo va, a vênna hnuaiah kan nun a him a ni. "Lalpa chu mi vêngtu a ni."

10. KA TLACHHAM LO VANG

"Ka tlachham lovang." (Sam:1)

Mibringte hian tlachham kan nei thin. Hriselna te kan tlachham a, hmangaihtu te kan tlachham a, pawisa te kan tlachham a. Kan neia kan hriat te pawh hi neih loh hun a lo awm a, kan tlachham leh mai thin.

Sâm ziaktu erawh chuan, "Ka tlachham lo vang," tiin a lo sawi thei hi thil mak tak niin kan ngai awm e. Engtin nge a tlachham loh theih bik? A tlachham phuhruk theitu a nei alawm!

Engmah tlachham ngai lo leh tlachham neite phuhruksak theitu, Lalpa a neih vang a ni. Lalpa chuan engkim a nei a, a tlachham ve ngai lo. Amah ringtute pawh an tlachham ngai lo. "Sakei-baknei vanglaite chu an tlachhamin an riltham thin a; Lalpa zawngtute erawh chuan thil tha reng reng an tlachham lovang." (Sâm 34:10)

Sâm ziaktu hian Pathian venna leh enkawlina a hriat chian em avangin engmah tlachham theiin a inring lo a ni. Engkim hi Pathian ta a ni a; chuvangin, Pathian ringtu leh neitu tan chuan engmah tlachham a hlauhawm lo a ni.

Hlaphuahtu pakhat pawhin hetiangin hla a lo phuah a :

*Lal Isua ka nelh phawt chuan ka rethei lo ve,
Ka mamawh engkim a nei, Lal Isua'n;
Ni tinin Ama'n min pe, ka mamawh tinreng,
Engkimah ka tan engkim a ni si."*

11. MI BAWHTIR THIN A

"Ani chuan hlobet hringdup hmunah te mi bawhtir thin a." (Sâm 23:2)

Sâm nambar 23 hi, "beram vengtu hla" an ti thin. Beramvengtu chuan a beram vente a ngaihsak em em thin a ni. Beram tan hlobet hring hi chaw tha a ni a. An mamawh chaw an hmuhna tur hmun, hlobet hring awma hmunah a hrui thin. Hlobet an ei puar hnu chuan, hlobet chungah an bawkin, an chawl bahdam thin. Thlamuang taka an awm theihna hmun ramuangah a hrui thin a ni.

Mihringte hi beram anga tehkhin kan ni a. Pathian chu berampu anga tehkhin a ni thin. "Min

Siamtu chu amah chu a ni a, A mite leh a ran tlat-na hmuna beramhote chu kan ni," (Sâm 100:2). Pathian chu min siamtu a ni a, Ama ta kan ni. Kan thatna tura kawng tinrenga min ngaihsak thin-tu a ni. Kan taksa mamawh tinreng min ngaihtuah-sak thin a. Kan tlakchham min phuhruksak thin a ni. Kan taksa mamawh thil, kan neihte hi kan thawh chhuah emaw tih a awl hle. Ti thei leh thawk thei tura kan nunna leh hriselna min petu chu Pathian a ni. Keimahni tihtheih nia kan ngaih hi, kan hriat chian loh vang a ni a. Pathian tan-puina leh malsawmna tel lo chuan engmah kan ti thei lo. Hriselnate hi Pathian min pek a ni a. Chakna leh thawh theihna te hi Pathian min pek a ni. Engkim mai hi Pathian min pek leh min tihsak a lo ni vek mai. Lal Isuan, "Keimah lovin eng-mah in ti thei si lo," tia a lo sawi hi a dik hle a ni.

Harsatna te, lungngaihna te, natna te, thihna hial kan tawh châng a awm thin a. Chung hunah chuan tanpuitu kan mamawhin, kan zawng thin. Lal Isua awm nghenga bawha chawlh hahdamna tluk chawlhna hmun dang a awm lo. A hnenah i tluk luba, hahdamna i zawm phawt chuan, Ani chuan a chawlh hahdamtir ang che.

12. CHAWLHNA TUI KAMAH

"Chawlhna tui kamah te mi hruai thin."
(Sâm 23:2)

Beramte chaw ber chu hlobet hring a ni a. Be-rampu chuan a beramten chaw tha an ei theihna turin hlobet hring dup hmunah te a hruai thin. An tui a halin tui in tur an mamawh bawh thin a.

Beram hi ran dawihzep tak an ni a, tui luang ri rawk rawk hmunah tui an in tha ngam lo. Heta "chawlhna tui kam" tih hi a awmzia tak chu, "tui luang dam diai hmun" tihna a ni. Chutianga tui a luanna hmunah chuan an tuihal reh nan tui an in thin a ni.

Lal Isua chu Berampu Tha a ni a. Amah ring-tute hi beramte kan ni. Ani chuan Nunna tuiin min chawm thin a ni. Lal Isua hnenah lo chuan chawlh hahdamna tak tak a awm lo. "Ka hnenah lo kal ula, keima'n ka chawlh tir ang che u," tiin min sawm a ni. A sawmna aw ngaithlaa zawmtute hnenah chawlh dahdamna a pe thin a ni.

Hlaphuahtu pakhat chuan hetiangin hla a lo phuah a:

*"Hetah hian munna tui a luang,
Kalvaria lo chhuak chu;
Mi tam tak tihdam nan a luang,
Tupawh a in duh zawng chu.
Nang Eden natna veitu kha,
Lo kalin va in thuai la;
Tin, Kalvari tui fim tak kha,
I thihlungah a luang ang.
Heta tanguin chatuan thlengin,
He munna tui hi a luang;
Tho leh fate'n a tui thlanghlum,
Chatuanin an in tawh ang."*

13. KA THEIHNGHILH LO VANG CHE

WNU "Nuin a fapa, a rila rah chu khawngaih lohna
tuin, a sau hute hno lai chu a theihngilh thei
ang ai? Thei e, chungte chuan an theihngilh a ni"

thei e; nimahsela, kei chuan ka theihngihl lo vang che." (Isaia 49:15)

Mihring inkara inhmangaihnaah hi chuan nuin a fa a hmangaihna aia nasa hi a awm thei lo hial awm e. Nuin a fa hnute hne lai chu a theihngihl theih rin harsa tak a ni. Mahse mihring hi kan famkim loh avangin, nu hmangaihna pawhin, a fa, hnute hne lai pawh a theihngihl thei a ni. Mihring hi kan rinawm lovin, kan va rintlak loh em!

Kan Pathian erawh chu Hmangaihtu Pathian a ni a. Mihring ang mai a ni ve lo; Ani chuan Amah ringtute chu a theihngihl ngai lo, a hre reng a, a ngaihtuah a, an thatna turin, engkimin a thawhsak thin. Hmangaihtu Pathian rin leh a hnena inngbah hi a va thlamuanthlak em! Pathian hmangaihna hretute chuan Amaha inngbah hi a thlamuanthlakzia leh a hahdamthlakzia an hria a, a hnenah an tlu lut thin a ni.

Tirhkoh Petera chuan, "Ani'n a ngaihsak thin che u avangin, in manganna zawng zawng Ama chungah nght vek rawh u," a ti. Kan mangannate hi keimahni chungah leh midangte chungah nght mai lovin, min chhâwk zangkhai theitu leh min thlamuan theitu Lal Isua hnenah i nght thin ang u.

Hlaphuahtu pakhat chuan heti hian a lo phuah a:

*Manganna ka tawhte zingah,
Hrehawm taka ka awm lain;
Ka ngaihtuahin ka lawm zawk e,
Lalpa mi ngaihtuah hi*

*Nangin mi ngaihtuah thin,
I kiangah eng nge ka hlauh vang?
Nangin mi ngaihtuah thin.*

14. ENKIM I TI THEI TIH KA HRIA

"Engkim i ti thei tih ka hria e,

I tum dāl rual engmah a awm lo." Joba (42:2)

Joba chungah harsatna namên lo a thleng a. Joba chungah thil lo thleng hi thil awm thei a ni hial dawn em ni tih mai awl tak a ni. A chungah vanduaina tawp, chhiatna rapthlak a thleng a ni. Mahse, Joba chu Pathian lakah a vui mai lo va, amah hriatchianna thar a chhar chhuah phah ta zawk a ni. Pathian chu engkim tithei a nihzia leh a tum dāl rual a nih lohzia a hre chhuak a ni.

Pathian a hriat chian bâkah amah pawh a inhre chiang bawh a ni.

"Benga hriatna mai zawngin ka hre tawh che a;

Mahse, tunah zawng ka hmu ta che ;

Chuvang chuan, ka inten a,

Vut leh vaivuta thuin ka sim ta e."

(Joba 42:5-6)

Joba chu Pathian hmaah a inpuang ta a. Pathian hi bengah hriat mai a tawh lo va, thlarau lam mita hmuh a ngai a ni. Pathian hmutute chuan anmahni pawh an inhmu chiang thin a ni.

Harsatna leh buaina nasa takin min tlakbuak lai chuan Pathianah beidawn mai awl tak a ni. Pathian chhanchhuahna kan hmu dawn lo emaw, a tlai lutuk dawn emaw tih awl tak a ni. Pathian thiltihtheihna ka ring kan ti thin a, mahse, kan ring tak tak ngam lo fo mai. Joba chuan a fate leh a ran rual zawng zawng a chhân vek a, engmah nei lo, kutbengin a awm a. Mahse, Pathianin a let tam takin mai a sawn leh mai a ni. Aigupta rama Israel sai tangte tan chuan Farawa thinlung sak ata

chhanchhuahna hmuh chu beisei a har hle âwm e. Farawa thinlung chu a sak ngiang rêng a. Pathian-in Mosia hmanga bruai chhuah a tumin a dang zel a. Mahse, Pathian a chet tak tak meuh chuan Farawa meuh pawhin a dang zo lo va, a chhanchhuak ta mai a ni. Pathian chuan engkim a ti thei a, a tum dal rual a ni lo. Chu Pathian chu kan rin Pathian a ni a, rin man a awmin, a rin tlakin, Engkimtithei Pathian a ni. Engkimtithei Pathian a nihzia hi kan nunah kan tem chhin tawh em le ?

15. HMANGAIHNA NASA TAK CHUAN... MI HUAL VEL DAWN A NI

"Ka Pathian, a hmangaihna nasa tak chuan, kil tinah mi hual vel dawn a ni." (Sâm 59:10)

He thu hi Davida that tura Saula'n mi a tirhte'n a in an hual laia Davida sawi a ni. A nunna chu thih hlauhawmin a awm a. Mahse, chutih lai chuan Pathian awmpuina leh venhimna a ngaihtuah a : "Ka Pathian, a hmangaihna nasa tak chuan kil tinah mi hual vel a ni," tiin a au chhuak a ni.

Harsatna mak tak kan tawh châng te a awm thin a. Buaina rapthlak takten min chim lai te a awm thin. Chung hunah chuan harsatna leh buaina ringawt kan ngaihtuah chuan kan buai zual ting mai a ni. Chhanchhuahna awm thei pawhin kan ring lo va. Pathian thiltihtheihna pawh kan ring zo lo fo thin a ni. Mahse, chung hun tak chu Pathian thiltihtheihna kan rin hun a ni si. Harsatna rapthlak takin a hual vel lai pawhin, Davida chuan Pathian hmangaihna hual velna a bre tel tlat mai. A nunna Pathian kutah a kawltir a, a him tih a ring tlat a ni. A va thlamuanthlak dawn em !

Pathian ringtu pakhat chuan heti hian a lo sawi baw a : "I thil tih tum chu Pathian duhzâwng a nih phawt chuan, ropuiin lang lo mah se, a paw lo ve. I harsatna chu eng anga nasa pawh ni sela, Pathianin mawhphurhna a lâk zawngin a zâmawin chuang lo ve. Pathian ringtute hi harsatna chu hrang hrangin min tlakbuak thei a. Chung harsatnate chu kan ât vang leh kan tih dik loh vang pawh a ni thei e. Eng pawh ni se, Pathian kuta kan jikawltir phawt chuan, Ani chuan Lal ang leh Pa angin min ngaihsak dawn a ni. Kan tan a thawk ang a, harsatna leh buaina lak ata min chhanchhuak ang a, a lalzia leh a hmangaihzia a lan chhuahtir remchângah a hmang mai dawn a ni."

Kan chunga harsatna leh buaina lo thleng thin te hi Pathian lalzia leh a hmangaihzia lanchhuahtirna remchâng atan kan hmang ve ngai em le? Harsatna leh buainate'n min chim a, min hual vel lai hian Pathian hmangaihna leh thlamuannain a aia hnai zawkah min chenchilh tih kan hre ngai em le?

16. A CHHE LAI APIANG SIAM RAWH SE

"A chhe lai apiang siam rawh se," (II Lalte 12:5)

Judai rama Jehoasa a lal laiin puithiamte hnenah miten Pathian thilpek an hlante chu Lalpa In chhe lai apiang siam nan hmang turin a hrilh a. Kum 23 a lal hnu pawhin puithiamte chuan a thupek angin an ti chuang lo va. Thilpek an dawnte chu in chhe lai siam nan hmang lovin, anmahni tan an lo hmang zawk thin a ni. Tichuan, mite hnen atanga thilpek an dawn thinte chu Lal Jehoasa chuan a tih-tawpsak ta a. Puithiam Jehoiada chuan bâwm a la

a, a chungah a rek pawp a. Lalpa In luhna ding lam maicham bulah a dah a. Tichuan, Lalpa Ina tangka dah luh zawng zawng chu bâwmah chuan an dah ta zel a. Bâwma tangka chu a lo tam hle hnu chuan an la chhuak a. Lalpa In satute hnenah, Lalpa In sak nan an pe ta a. Hnathawktute chuan rinawm takin an hmang a, an enzuipui lem lo va. Hnathawktute chu an rinawm avangin ven an ngai lo va, rinawm takin an thawk a, tangka pawh chu a hmanna tur dik takah an hmang ta a.

Armenian Kristian tha tak chuan ram hla takah sumdawng a tir chhuak a. Sumdawna thil, man tam tak chu sanghawngsei rualin an phur a. An zingah chuan, zanah ramhnuaiiah an riak mai thin a. Suamhmangte'n an suam fo thin a ni. Vawikhat chu, suamhmangte'n Armenian Kristian sumdawng chu suam an tum a. A bula an kal hnaih chuan lung bang sâng pui puiin a lo hual velin an hmu a. Ni dangah chutiang an hmu ngai si lo va, mak an ti hle mai. Zan thum lai suam lumin an bei a. A zan thumnaah chuan lung bang pawp hmun thenkhatah an hmu ta a, a chhungah an lut ta a. Suamhmang hotupa chuan an thil hmuh chu mak a ti em em mai a. Sumdawngtute hnenah chuan an thil hmuh chu a hrilh a. Engtiziana lung bang hual chhunga awm nge an nih a zawt ta chawt mai a. Thil awmzia a hrilhfiah chuan suam loh a tiam a. Sumdawngtu chuan heti hian a hrilh ta a: "Zan tin Pathian hnenah ka inkawltir thin a. Pathian hnena ka inkawltir chuan thil tha lo lakah min humin kan ring tlat a. Mahse, zaninah hian ka chauh êm avangin ka jawngtai tha peih lo va; chuvangin, lung bang min hualtu hmun thenkhatah luh theihna pawp a lo awm a ni ang," tiin a chhang a.

Suamhmangte chuan mak an ti hle a, an rilru a khawih hle a. Tichuan, Isua Krista chu an ring ve ta a, Chhandamtu atan an pawm ve ta a ni.

Tawngtaina i thlahthlam avanga nangmah hualtu lung bang pawp a awm i hre ve ngai em ?

17. NATNA TUAR LAI PAWHA LAWMNA

“Aw, ka dil chu hmu thei teh ila ! Pathianin ka thil châk chu mi pe teh se ! Pathianin mi rawtsawm mai duh teh se ! A kut lekin mi tan chhum mai teh sela ! Chuti pawhin, thlamuana ka la nei cheu a ni, ka lawm cheu vang, natna thlah loh chung pawhin, Mithianghlina chu ka phat loh avangin.” (Joba 6:8-10)

Joba tuarna hi a nasain a hrehawm ên mai a, tuar zel aiin thih a thlang hial a. Mahse, nunna leh thihna chu Pathian kutah a awm tih a hria. Thih chu châkin duh hle mah se, a duh thua thi thei a ni lo tih pawh a hria. A chungah thihna a lo thleng a nih pawhin thlamuang takin a tâwk mai dawn a ni. Pathian kutah a nunna a awm tih a hria a. A thih pawhin Pathian thu a ni a. Chuvangin, a tan chuan lungawi loh tur a ni lo va, lawmna a ni zawk dawn a ni. Pathian awmpuina hrechiantute chu, an chungah engpawh lo thleng se, an lawm zel mai a ni. “Thil eng pawh lo thleng se, ka him a ni; A kutpah ropui chhungah,” an ti mai a ni. “Thihna ka hnaih pawhin, Isuan min zui. A hnenah min hruai ang, vanram thlengin,” an ti leh mai a ni.

Pathianin a nunna a laksak lohva, tuar zel a tul pawhin, Joba chuan lawm chungah tuar zel a

huam a ni. "A ni, ka lawm cheu vang, natna thlah loh chung pawhin," a ti mai a ni. Heti taka Joba lawmna leh thlamuanna hi Pathian kuta a innghaha, a rin tlat vang a ni.

Joba chanchin kan hriat atang hian kan nun inenfiah ila. Pathian kan rinna leh amaha kan innghahnate hi i enfiah ang u. He khawvel hi tuarna khawvel a ni a. Kan chungah tuarna chi hrang hrang a lo thleng thin a, a lo thleng leh thei bawk a ni. Harsatna leh tuarna kan tawh lain eng rilru nge kan put thin le? Pathian kan rinna pawh engtin nge a awm thin le? Entawn tur Joba kan nei te hi a lawmawmin a va thlamuanthlak em!

18. HETAH AWM NI LA CHU

"Marthi chuan Isua hnenah, 'Lalpa, hetah awm ni la chu ka nuṭa a thi lo tur,' a ti a."

(Johana 11:21)

Kan chungah harsatna te, lungngaibna te, vandaina te, natna te leh thihna te a lo thlen hian, min hmangaihtu nia kan hriatte kan ngai thin a; kan hnenah awm ve se kan duh thin. Mihringte pawh hi kan inhnemin kan inthlamuan thei a ni. Fakna hlaah pawh : "Lungngaibna kan inlawm, ritphurh inchhâwk tawnin. Chutin, Lalpa dan kan lo zâwm, Thlarau malsawm changin," kan ti thin a nih kha. Mari leh Marthi-te unau pawhin an nuṭa Lazara a damlohvin Lal Isua an ngai hle a. Lazara nat thu hrili turin zualko an tir a. An beisei ang erawh chuan Lal Isua chu an hnenah a lo kal lo. An beisei tawh loh hnuah, a tlai tawha, a sâwt tawh lova an ngaih hnuah an hnenah a lo kal a. Lal Isua a

hmuh veleh Marthi chuan, "Lalpa, hetah awm ni la chu ka nuṭa a thi lo tur," tiin a hrilh thui a Mahse, a thi tawh a, a tlai zo ta! An hnena a lo kal chu an lawm hle na a; mahse, a lo kal har deuh a ni. Anni'n tlai tawhin ngai mah se, Lal Isua chuan tlai a inti kher lo vang le! Lal Isua chuan Lazara chu a kaitho leh ta mai a ni. An va lawm dâwn em!

Keini pawhin kan mangan laiin Pathian kan au thin a. Kan ṭawngṭai a chhang harin kan hre fo thin âwm e. Kan ṭawngṭai chhanna pawh kan beisei angin kan hmu lo fo âwm e. Kan duh dan anga min tihsak loh chuan a lakah pawh kan vu fo thin a ni. Kan rinna fiah a duh avangin kan beisei hunah a che lo a ni mai thei. A thiltihtheil-zia lantir a duh vangin, keinin a hun tawh lova kan ngaih hnuah thawh a duh a ni mai thei. Beisei tawh loh hnu leh beidawn hnua thil lo thleng hi a lawmawm duh hle asin! Lal Isua hi Lal a n a, kan thu thua dah kan tum fo hi kan ti dik lo a ni. Kan Lal a ni a, a thu kan ngaichâng tur a ni a, a thu thua awm kan tum zawk tur a ni. Keini aiin kan tana ṭha tur a hre zawk a. A rorel leh a thiltih hi kalh tum aiin zawm leh pawm tum zawk ila Tichuan, Pathian thlamuanna, rilru reng renga hriat sên loh chuan, kan thinlung leh ngaihtuahnate chu min vensak dawn a ni. Kan hnenah a Thlaraubin englai pawhin a awm reng a, kan chung a thil thleng engkim hi a hriat loh a awm lo tih i ring tlat ang u.

19. LALPA'N A PE A, A LA LEH TA

"Lalpa'n a pe a, Lalpa'n a la leh ta a; Lalpa hming chu fakin awm rawh se." (Joba 1:21)

Joba chu Pathian malsawmna nasa taka dawngtu a ni a. Fanaumalsawmna a dawng nasa a, a ran vulhah pawh a hmuingil hle a ni. Mi tha tak leh Pathian thih mi a ni. Pathian pawhin, 'mi famkim, mi ngil, Pathian thih mi, thil tha lo laka insûm thei mi,' a ti hial a. Joba anga mi tha hi an tam lo hle âwm e.

Chutiang taka mi tha leh famkim ni mah se, harsatna leh natna lakah a fililim bik hauh lo mai. Setana chuan, Joba chu Pathian malsawmnate lak kiansak ni sela, harsatna leh vanduainate a chungah thleng se, Pathian a sawichhe mai dawnin a ring a. Setana'n Joba rinawmzia a fiah chu Pathianin a phalsak a.

Joba chungah chuan vanduaina namên lo a lo thleng ta tuk tuk mai le ! A hmelmate'n a ran rualte an laksak vek a, a chhiahhlawhte an that vek bawh. A fate an thi zo vek bawh a. Ama taksa pawh pân chhiain a bawm khat tlat a. Hetiang taka vanduaina nasa hi a thleng khât hle âwm e ! A fate leh a ran rualte an thih zawh vek pawhin, Joba chu Pathian chungah a vuiin, a phunnawi mai lo va : "Lalpa'n a pe a, Lalpa'n a la leh ta a ni ; Lalpa hming chu fakin awm rawh se," a ti mai a ni. Tluk loh rim a va nam êm !

Kan chungah thil lo thleng, vanduainate hi a chhau kan dap a, mawhchhiat tur kan zawng fo thin. Pathian chungah pawh kan vui chhawk thin a ni. Joba erawh chuan Pathian a mawhchhiat lo va, mi dang tumah a mawhchhiat hek lo. Pathian hming a fak ta zawk a ni. Harsatna te, manganna te, vanduaina leh lusunna kan tawh laite hian, Pathian ringtu Joba, entawn tur kan neih hi i hre reng ang u.

“Ka nu pum ata saruakin ka lo chhuk a, sa-ruak vêkin ka kir leh dawn a nih hi; Lalpa’n a pe a, Lalpa’n a la leh ta a ni; Lalpa hming chu fakin awm rawh se.”


20. PATHIAN MI KHUMAH A HAN MUT A

“Tin, a chho va, Pathian mi khumah a han mut a, kawng a khar khum a, a chhuak ta a... ‘Pathian mi hnenah ka va tlan ang a, ka lo kir leh ang e,’ a ti a.” (II Lalte 4:21, 22)

Zawlnei Elisa chu Pathian rawngbawlin a zin chhuak thin a. Sunam khuaah a va zin a. Chu khuaa mi pakhat chuan a Ina chaw ei turin a kai lut a. Chu mi achin chu, chu khuaa a kal apiangin chu Inah chuan a thleng thin a. Sunam nu chuan a pasal hnenah, Zawlnai Elisa tan pindan pakhat siamsaka, khum leh dawhkante buatsaih turin a hrih a. Tichuan, a buatsaih ta a.

Zawlnei Elisa chu an duat hle a, a lawm hle a ni. Tichuan, a thlen inte tan thil eng emaw tihsak ve a duh a. A thlen inte chuan fa an nei lo va, an pa lah chu a tar hle tawh si a. Sunam nu hnenah chuan, “Tun ang hun a lo thlen leh tikah fapa i pawm tawh ang,” tiin a hrih a. A sawi ang tak chuan, Sunam nu chu a rai a, fapa a bring ta a.

A fapa chu a lo seilian a. Nikhat chu, an lova buh lakna hmunah a kal ve a. A lu a na thut a, a nu hnenah an hruai a, a nu chuan a lo pawm a. Tichuan, a nu mal chungah chuan a thi ta mai a. An fapa neih chhun a thi ta mai chu an mangang hlein kan ring theuh awm e. Mahse, an mangang ‘hu kan hre hauh lo mai. Sunam nu chuan a fapa



thi chu Pathian khumah a han mut a, kawng a khar a, a chhuak ta a. Eng nge a tih dawn Te? A pasal a au va, Pathian mi hnenah kal dan a ngaih-tuah a, a kal ta a. Elisa chuan a lo hmu a, a chhiahhlawh Gehazia chu amah hmuak turin a tir a. Gehazia chuan Sunam nu chu a hmuh chuan, "In chhungkua in dam tlan lai a ni em?" tiin a zawt a. Ani chuan, "Dam e," tiin a chhang a. Chhanna mak tak a ni ti rawh u! Elisa hnenah thlen chuan, a kephah a vuan tlat a, "Ka pu, fapa ka dil che a ni lo'm ni kha? 'Mi tihder suh ang che' ka ti a ni lo'm ni kha?" a ti a. Elisa hnenah chuan a fapa thih thu a sawi hauh lo va. Mahse Elisa chuan a manganzia a hria. A mangannaah chuan tanpui turin a in lamah chuan a kal ta a. Elisa chu naupang thi chungah chuan a bawkkhup a, Lalpa hnenah a tanngtai a. Naupang chu a lo dam leh ta mai a, a nu hnenah a pe ta a. Sunam nu chuan a fapa chu a pawm a, a chhuak ta a.

Sunam nu hi a entawn tlak hle mai. Pathian a rinzia leh Pathian mi a rinzia hi a ropui hle mai. A fapa thi chu Pathian mi hnenah a thlen a, ani'n Pathian hnenah a tanngtaisak a, a lo dam leh ta. Kan damlohvin daktawrte kan rawn thin. Pathian mite kan rawn ve thin em? (Jakoba 5:14, 15)

21. THIM LEH ENG HI THUHMUN RENG A NI

"Thim pawhin i lakah chuan engmah a hliah lo va, zan hi chhûn angin a êng zawk a ni: I tan chuan thim leh êng hi thuhmun reng a ni." (Sâm 139:12)

America rama India mite chuan thil chin dang-lam tak an nei a. An fate huaissen zirtir nan, an

fapate kum 13 an tlin champha zanah ramhnuai an dah thin a. Chumi zan chuan ramhnuai an hruai chhuah dawnin an mit an tuamsak a, khaw êng hmu thei lovin an siam a. Tichuan ramhnuai hmun hla takah an hruai a, amah chauhvîn an kalsan ta a. A mit tuamna an phelh hnu pawhin engmah a hmu thei lo va. Thil ri eng emaw a hriatte chuan a tihlau em em mai a. A hma lawk, hla vak lovah a pa chu zankhuain a awm ve bawk a. Mahse, a pa a awm tih a hre lo va, khua a thim avangin a hmu thei bawk hek lo. Amah chauhvâ awm nia a inhriat avangin hlahnain a khat a.

Zingah khua a lo var a, a bula hnim te, thing te leh pangpar te a hmu thei ta a. A hma lam a han hawi phei a, a rin loh takin a pa a va hmu ta reng mai a. A pa chuan a fapa chu zankhuain a awmpui a, sairawkherh leh thal kengin a vêng a ni. Ramhnuai hmun hla tak leh thim taka a awm lai khan, a bulah a pa chu a awm ve reng tih hria sela chuan a hlahna a reh vek tur a ni a. Mahse, a pa a awm tih a hre lo va, a hmu thei bawk hek lo. Kristian tam tak pawh hi buaina leh harsatna hmun kan awm lain, kan pa, Pathianin min awmpui reng tih kan hre thin lo va, kan mangang a, kan hlau thin a ni. Buaina leh harsatna chuan thim angin min hlih a, kan Pa hmel kan hmu thei thin lo a ni. Pathian erawh chu thimin a hlih thei lo va, a tan chhûn leh zân a danglam chueng hek lo. Sâm ziaktu hian a Pathian chu a hre chiang hle mai; "Thim pawhin i lakah chuan engmah a hlih thei lo va, zan hi chhun angin a êng zawk a ni: I tan chuan thim leh êng hi thubmun reng a ni," tiin a lo sawi a.

Ringtute hian kan pa, Pathian awmpuina hi kan hriat chian chuan hlahh tur engmah a awm lo va. Manganna leh buainate'n thim angin min khuh mah sela, Pathian chu a hlahh thei chuang lo a ni. Kan hmuh theih loh lai pawhin Ani chuan min hmu reng a. Kan muthihh lai pawhin Ani chu a muhil ve ngai lo a ni. A tan chuan thim leh êng hi thuhmun reng a ni.

22. A HNENAH A KIR LEH TA A

"Nimahsela, ðhuro chuan fûkna reng reng a hmu lo va, a hnenah, lawngah a kir leh ta a; tui chu lei chung zawng zawngah chuan a la awm si a. Tichuan, a kut a han zen chhuak a, a man a, lawng chhungah a hnenah a la lut leh ta a" (Genesis 8.9).

Mihringte suauna avangin anmahni hrem nan Pathianin tui a lêtir a. Pathian mi Nova erawh chuan Pathian mit a tlung a. A dam rualpuite zingah chuan sawiselbo a ni a, Pathian nen an lêng dun ðhin. Tichuan, Pathianin Nova chu lawng siam turin a hrih a. Lawngah chuan an chhungkuain an lut tur a ni. Thil nung tinreng zinga mi, pahni zelin. lawngah chuan a hruai lut bawh tur a ni.

Mihringte sualzia Pathianin a hmuhin, tihboral a tum a. Mahse, mi fel awmchhun Nova leh a chhungte chu a hum dawn a ni. Tui chu a lo lêt ta a. Nova leh a chhungte leh thil nung, lawnga awmte chauh lo chu an boral ta vek a. Tuilêt chu zawi zawiin a lo kâm a. Nova chuan ðhuro a thlawh chhuahtir a. Mahse fûkna tur a hmuh loh avangin lawngah chuan a lo kir leh a. Nova chuan a kut a han zen chhuak a, ðhuro chu a man a, a la lut leh ta a.

Harsatna leh tuarna tui lianin min chim a, mang-ang tak leh thlaphang takin kan awm thin. Thlamuantu kan zawng a, kan hmu zo lo va. Chutiang hun chu, Thlamuantu Pathian hnena kir hun a ni. A hnena kan kir chuan, Ani'n a kut a han zen chhuak ang a, a kutin min la ang a, a thlazar hnuaiah min humhim dawn a ni.

*"Ka Chhandamtu min vengin a hnai reng,
Thil engpawh lo thleng se ka him a ni ;
Thlipui leh ruahpuia'n min thukru a,
A kutpah ropui chhungah."*

23. NGAWI LA, AWM HLE HLE RAWH

"Tin, chumi ni vêk chuan khua a lo tlai lamin, ani chuan an hnenah, 'Ral lehlamah sâwn i kai ang u,' a ti a. Tichuan, mipuite chu kalsanin... lawngah chuan an kalpui ta nghal a... Thlipui nasa tak a lo tleh a, tui fâwn te chu lawngah chuan a lo fâwn hlawp hlawp a... Tin, ani chu a lo harh a, thli chu a hau va, 'Ngawi la, awm hle hle rawh,' a ti a. Tin, thli chu a lo bâng a, a lo reh ta thup mai a." (Marka 4:35-39)

Kristian thenkhat chuan Lal Isua ringtute hian harsatna leh mangannate kan pumpelh dawn ernaw kan ti âwm e. Lal Isua kan hnena a awm chuan malsawmnate dawngin, hlimna leh lawmnain kan khat reng dawn emaw kan ti a ni âwm e. Lal Isua he khawvela a awm laia, a zirtirte hnena a awm lai pawh khan, a zirtirte khan harsatna leh manganna an tawh ve tho mai. An lawng chuan-naah Lal Isua a awm reng lai pawhin, thlipui nasa takin a nuai a, an mangang hle a ni. An mangan

thu Lal Isua hnenah an thlen a, "Zirtirtu, kan boral hi paw i ti lo vem ni?" an ti a. Thlipuiin an lawng nasa taka a nuai lai pawhin Lal Isua chu tui takin a muhil a. A lo harh chuan a zirtirte manganzia a hmu a Thlipui chu a hau ta a. "Ngawila, awm hle hle rawh," a ti a Tichuan, thlipui chu a bâng ta a, a reh ta thuap mai a. Lal Isua'n thlipui leh tui fâwn a hau reh mai chu a zirtirte chuan mak an ti a, "Thli leh tui pawhin a thu an awih hi!" an ti a. Keini pawhin mak kan ti ve âwm e!

Lal Isua hi lei leh vana thuneihna zawng zawng ncitu a ni tih leh a lalzia leh a thuncihzia hi ringtute pawh hian kan ring ngam lo fo thin a ni.

Lal Isua chu mibringte chungah lal a ni a. A thil siam dang zawng zawng chungah pawh lal a ni a, Lal a nih avangin engkim mai hian a thu an awih mai a ni. Thlipui leh tuifawn pawh a siam a ni a. Thlipui leh tuifawn pawhin a thu an awih zel a ni. Lal Isua thu an hriat meuh chuan tuifâwn pawhin fâwn laklawh a sawi thei lo, a reh mai a ni. Kan mihring nun hi manganna leh lungngaihna tuifâwnten min nuai thin. Chung hunah chuan kan mangangin kan thlaphang thin. Lal Isua koh hun a ni. Kan mangannate a hnena kan thlen chuan Ani chuan min tihrehsak dawn a ni.

*"Engkimin an awih thin,
Isua hnenah hlauh tur a awm lo,
Engkimin a thupek an awih thin."*

24. KA TAN A THA A NI

"Tihhrehawma ka awm kha ka tan a th̄a a a ni." (Sam 119:71)

Kan nunna atana pawimawh, a lova kan awm theih loh, chaw kan ei thin pawh hi, tuarna nasa tak kal tlanga kan dawn a ni. Buhfai hi buhbum, khâwla an her emaw, suma an den emaw aṭanga kan hmuh a ni a. Chawa ei theih turin tuisova chhum a ngai a. Chung hrehawm tam tak a kal tlang hnu ohuan chaw atan kan lo ei thin a ni. Uain thlum tui tak kan in thin pawh hi, grep rah sâwrna khura nasa taka sâwr chhuah aṭanga lo awm a ni a. Thingpui kan in thin pawh hi, thingpui hnah sih chhum, ni saa pho vuai, a her khawla an herna aṭanga lo chhuak a ni.

Kan thil ngaihhlut thenkhatte pawh hi tuarna pasa tak kal tlanga lo chhuak a ni. Thleng mawi tak (China hlum aṭanga siam) pawh hi vawi tam tak meia an rawh aṭanga lo chhuak a ni. Rangka-chak, kan ngaihhlut êm êm pawh hi meia tihthianghlim a ni asin !

Thing tar leh upa tak pawh hi a ṭang han hlawi ila, a lo duah tha leh thin a ni.

Mihring nun pawh hian tihthianghlim nan leh siam that nan hrehawm tam tak a kal tlang a ngai thin a ni Hlaphuahtu pakhat chuan, "Mihring siam that nan khawdur a ngai a ni," tiin a lo phuah a; a hre dik hle a ni. Sam ziaktu pawh hian he thuruk hi a hrechiang a ni. Mi tam tak chuan harsatna leh hrehawm kan tuar loh chuan Pathian pawh kan ngaihsak duh lo va, A hnen aṭangin kan vak bo thin a ni. Sâw ziaktu chuan heti hian a lo sawi a : "Tihhrehawma ka awm hma khan ka vak bo thin a; tunah erawh chuan i thu ka zâwm ta... Tihhrehawma ka lo awm kha ka tan a tha a ni" Hrehawm tuar hi vanduzaina niin kan

ngai thin; mahse, malsawmna a lo ni hluah zawk a
 nih chu ! Tihrehawma kan awm hi kan tan thatna
 tur lo ni se.

25. THINLUNG A LO THA SI

“A tha zawk e hmingtha, hriak to aiin,
 Pian ni aiin thih ni.
 Lusun ina kal a tha e,
 Ruaitheh ina kal ai chuan,
 Chu chu mi zawng zawng tawpna a ni si;
 Nungdamin thinlungah a vei chu,
 A tha zawk e lungngaih, nuihza aiin;
 Hmela lungngaih lo lang zarah,
 Thinlung a lo tha si.” (Thuhriltu 7:1-3)

Thuhriltu hian mihring nun chi hrang hrang a
 hre Chiang hle mai. Amah ngei pawh hian a tawh
 ve hlawn a ni ngei ang. Kan thu tarlanah hian
 Thuhriltu chuan thil tha zawk leh tha lo zawk min
 kawhmuh a.

A tha zawk

Hmingtha

Thih ni

Lusun ina kal

Lungngaih

A tha lo zawk

Hriak to

Pian ni

Ruaitheh ina kal

Nuihza

Keini chuan Thuhriltuin tha lo zawka a ngaih
 hi tha zawkah kan ngai mai awm e ! Hlimna aia
 lungngaihna tha zawka ngaih tlat te hi hriatthiam
 harsa kan ti awm e. Mi hlim thei takte hi mi awh-
 awm takah kan ngai awm e. Mahse, mihring hlim-
 na tam tak hi pawnlang takah a awm a. An hlim
 laiin hlim takin lang mah se, harsatna leh lungngaih-

na an tawhin an tuar thiam lo fo mai. Lungngaih-nain nun a sawizawi mite hi mi ngbet leh mi rintlak an ni châwk a ni. Harsatna leh lungngaihna nei lova i awmin lawm mai suh. Harsatna leh lungngaihna i tawh hunah engtin nge i awm dawn i hre si lo. Harsatha leh lungngaihna i tawhin vui mai suh. Harsatna leh lungngaihna hian mihring nun a siam tha thin tih hria ang che. Harsatna leh lungngaihna hian mihring nihna dik tak a tar lang thin a. Lungngaihna hi mihring nun let thaa, rah tam tak chhuahtirtu a ni tih hria ang che. Lungngaihna hian Pathian hmangaihna leh thatnate min hriat chhuahtir thin a. Mite thatzia te pawh min hriat chhuahtir thin a ni.

26. BEISEIAWM A AWM LOH PAWHIN

“Beiseina âwm a awm loh pawhin, ani chuan beisei takin a ring a.” (Rom 4:18)

Mi thenkhat chu kan beidawng hma hle mai Beisei tur a awm pawhin kan beisei ngam lo fo thin. “Pathian ka ring” te pawh kan han ti thin a. Mahse, harsatna leh buainaten min tlakbuak a, thihna te kan chungah a lo thleng a, Pathian rin ngam harsa kan ti leh mai thin. Pathian chu thil ti thei tak niin kan sawi thin a. Mahse, a thiltihtheihna kan ringhlel leh mai thin. Pathian rin a tul hunah kan ring ngam leh lo mai thin.

Abrahama chu Pathianin fapa pek a tiam a. Mahse, mihring ngaih chuan fa nei thei tur a ni tawh lo, a upa lutuk tawh a ni. Kum 100-a upa a ni a, a nupui Sari pawh kum 90-a upa a ni a. Sari phei chuan a ring ngam lo reng a, “Tar ka nih tawh

hnu hian lawmna ka nei ang a maw, ka lalpa lah a upa tawh bawk si a," tiin a ngaihtuah a. Mihring ngaih chuan fa a neih a beiseiawm loh a ni. Mahse, Pathian chuan 'Fapa ka pe ang che' a ti tlat si! Mihring tana tih theih loh hi Pathian tan tih theih a ni mai thin. Mihring ngaiha fa brin hun tawh loh vah Abrahamah leh Sari chuan fa an nei ta mai le!

Abrahamah hi a fakwinin a entawn tlak hle a ni. Ani chuan beiseina awm a awm tawh loh hnu pawhin beisei takin a ring tlat a. Heti hian an sawi thin: "Pathianin engkim a ti thei. A tili theih loh awmchhun chu hlawhchham hi a ni," tin. Pathianin engkim a ti thei a, a hlawhchham ve ngai lo a ni. Pathian tih theih loh awmchhun chu, a hlawhchham thei lo hi a ni.

Engkimtithi Pathian, hlawhchham ve ngai lo chu, keini hian kan ring ngam ve ang em le?

27. NGHAK HRAM HRAM CHU A ENG A THAWL E

"Nghak hram hrama, ni sangkhat leh zathum leh sawnthum leh panga thleng zo chu a eng a thawl e." (Daniela 12:12)

Hna thawk lova awm mai mai te hi nuam awm takin a lang a. Hna thawk lovin han awm mai mai ila, rin aini a lo nuam lo. Nghah pawh hi hrehawm vak awm lo tak a ni a; mahse, a ninawm hna khawp mai. Hna thawh hah lai chuan chawlh kan chak a, chawlh hahdam pawh a nuam thin. Mahse, hna thawh lohva, awm mai mai chu a hahdam chuang lo. Kea kal rei deuh chuan din kan chak a. Mahse, din reng mai chu a nuam chuang hauh lo. Kal reng ai chuan din reng hi a ninawm zawk awm

asin! Nghah peih pawh hi thil awlai a ni lo, zu a ngai a ni. Pathian hnenah jawngtaina kan hlân a, a chhâna kan nghak thin. Nghah dan chi thum i ngaihtuahho ang u. Pakhatna chu: Jawngtai chungah nghah a ni. Pathian chhanna i beisei huna i hmuh mai loh pawhin jawngtai chungin nghak zel rawh. Nghah chhuah hun a awm thin.

Pahnihna chu: Rinna nghet tak neiin nghak rawh. Pathianin a hlawhtlindir che ringin nghak rawh. I jawngtaina a chhân thin dan erawh chu i beisei ang a ni lo mai thei. Pathianin kan jawngtaina a chhang thin. A chhanna nghak chhuak peih lova chauh mai erawh chu awl tak a ni. Pathumna chu: Tuarchhel tak leh beidawng lovin nghak rawh. Nghah hun chung a rei chuan tuar chhuah peih a har thin, beidawn mai a awl a ni. Mahse, tuar fan fan la, beidawng lovin nghak rawh. Lalpa nghaktute chuan an chakna an tithar leh thin tih ring chungin nghak fan fan rawh.

Pathian chu a hma lutuk ngai lo va, a tlai lutuk ngai hek lo. Pathian thawh dan kan hriat phak loh avangin a tlai lutuk emaw kan ti mai thin. Keimahnin hun tiam kan neih avang leh beisei dan kan neih avangin kan beidawng mai thin. Pathian hun chu kan hun aiin a dik zawkin a tha zawk tih ring ngam ang che.

"Pathian ring la, beidawng mai suh,
Amah chu Thian rinawm a ni;
I buaina chu eng ang pawh ni se,
Isuan a chhandam ang che."

28. KAN TAN DAMNA A NI DAWN A NI

"Tichuan, heng dan zawng zawngte hi zâwm tur leh kan that rengna turin Lalpa kan Pâthian

chu tih turin Lalpa chuan min pe a, vawun ni te anga mi nungdama min zuah reng theih nan. A thu min pek anga Lalpa hmaa a thupek zawng zawng zawm tura kan fimkhui chuan, kan tan damna a ni dawn a ni." (Deut. 6:24,25)

Mizoramah buaina a lo chhuak a, kum 20 lai kan tuar a. Buaina a kian hlan kan nghakhlel hle a ni. Buaina a reh theih nan kawng hrang hrang-in beih a ni a. Kan ram leh hnam a din chhuaha, hmasawnna lam pan kan duh a ni. Pawl hrang hrangten kan ram buaina reh theihna turin kawng hrang hrangin an bei a, a tirehtu nih pawh an duh a ni. "Kan hnam damna tur chu hei hi a ni," an ti theuh mai. Mahse, damna nia an hriat a inang si lo va, a buaithlak a ni.

India sawrkar leh ramhnuata awmte inkarah remna awm sela, kan buaina a reh theih kan beisei a. Inremna an han siam a. Kan ram dinhmun pawh a lo danglam a, dinhmun tha zawk kan han chang a. Tharum thawha buaina chu a lo reh ta. Mahse buaina kawng dang a lo chhuak leh tho mai. Hnam damna, mihringte kuta awm nia kan ngaih chu a lo awm tak tak lo tih a chiang a ni. Thu dik nia lang chu : "Buaina hi mihringte kutah a awm a, damna hi Pathian kutah a awm a ni," tin hi a ni.

Pathianin, a mi, Israel fate hnena damna a kawhhmuh chu hei hi a ni — Lalpa thupek zawm hi Pathian an tih a, a thu an zawm theih nan an fate chu Pathian thupekte taima taka zirtir turin Israel fate chu fuh an ni a. Keini pawh Israel thar kan ni a, hnam damna chu kawng dang a awm chuang lo; 'Pathian tih a, a thupekte zawm' a ni mai.

Mizo hnam damna hi khawvel thilah leh ni-hringte kutah a awm lo va, Pathian kutah a awm a ni. Mizo Kristian hmasate chu, "Pathian thu awih" tiin an vuah thin. He hming hi hming maw tak a ni a. Pathian ringtute hming ni awm rêng pawb a ni. Keini an thlahte hian, "Pathian thu awih" kan invuah ve ngam em le? Kan awih chuan kan hnam a ding chhuak dawn a ni. A eng zawk hi nge kan thlan dawn le?

Thuhriltu chuan a thu ziak tlangkawmna atan he thu hi a sawi a: "Pathian tih la, a thupekte zawm rawh: hei hi mi zawng zawng tih tur chu a ni," tiin.

29. PATHIANIN IN HMAAH MI LO TIR HMASA A NI

"Nimabsela, heta kal tura mi hralh avang hian lungngai suh ula, mahni inhaw hek suh u, mite nunna chhandam turin Pathianin in hmaah mi lo tir hmasa a nih hi." (Genesis 45:5)

Kan chungah harsatna leh manganna a lo thlen hian, engati nge, eng vangin nge kan chungah a lo thlen, tiin kan ngaihtuah thin. A chhan leh a vang tam tak kan dap kual thin. Mawbphurtu awmin kan ring thin a ni. Harsatna thlentu nia kan ngaih chu kan huain, a chungah kan lungawi lo thin. Keimahni dik lohna leh fimkhur loh vang nia kan hriat pawhin keimahni kan inhaw thin a ni. Mah-se, chutianga ngaihtuah chu thil sawt lo a ni a, thil tangkai a ni lo.

Josefa chu a unauten an hralh a, Aigupta ramah a awm ta a. Josefa hnenah Pathian a awm a, dimhmun pawimawh takah a dah ta a. Kanaan

ramah jâm a ula a, Josefa pa Jakoba leh a unaute'n ei tur an tlachham a ; an pa chuan Aigupta rama pûr chaw turin a tir ta a. Josefa chu thuneitu pawimawh tak leh anmahni tanpui theitu a lo ni a. Anmahni a tanpui hnu chuan an unau, Josefa a ni tih a inpuang ta a. A unaute chuan an hlau ta em em mai a. Mahse, Josefa chuan an hnenah, "Hetâ kal tura mi hralh avang hian lungngai sub ula, mahni inhaw hek sub u : mite nunna chhandam turin Pathianin in hmaah mi lo tir hmasa a nih hi," tun a jawng thlamuan ta zawk a ni. Josefa chuan a unaute'n an hralh avangin anmahni huatna a nei lo va, Pathianin anmahni leh mi dangte tanpui turin a lo ruat niin a ngai mai a ni. Harsatna tam tak kal tlangin Pathianin Josefa nun a lo buatsaih a. Josefa nun atang hian keini pawhin zir tur pawimawh tak kan nei a ni. Kan chungâ harsatna leh manganna lo thlengte hi Pathian laka beidawanna leh mite chungâ lungawi lohna atan hmanng mai lo ula. Heng thil kal tlang hian Pathianin kan nun min lo buatsaih a ni tih i ngaihtuah ve thin ang u. Kan harsatna tawh ang tâwk leh kan tuar ang tuarte tanpui turin Pathianin min buatsaih a ni tih i ngaihtuah ve thin ang u.

30. IN THAT THEIH NAN A TIHREHAWM CHE U A NI

Ani chuan thlaler zau tak leh rapthlak tak, rûl chuk na mite leh khawmualkaikuangte awmna, tui awm lohna ram rovah a hruai tlang ang che u a; meilung lungpui atangin tui a tihchhuahsak che u a, in pi leh pute hriat ngai loh manna chuan a chawm che u a, tun hnu lam thua in that theih nan a tihrehawm che u a, a fiah theihna tur che uin." (Deuteronomy 8:15, 16)

Israel fate chu Pathianin Aigupta rama an salanna ata a hruai chhuak a. Aigupta rama sala an tan lai chuan an hrehawm em em a. Pathianin a hruai chhuah hnu chuan nuamsa deuhva awm pawh an beisei mai awm e. Mahse, Pathianin thlalerah a hruai chhuak a, harsatna leh hrehawm tam tak an tuar zel a. Kum 40 lai an vak vel a ni. A beidawnthlak hle ang ti rawh u! Mahse, harsatna an tawh lai pawhin Pathianin a thlahthlam ngai lo va, anmahni a tanpui zel thin. An tlakchham tinrêng a phuhrûksak thin a ni.

Hetianga harsatna tinrêng tawka Pathianin a tihbrehawm hi an thatna tura a tih a ni tlat mai. Mahse hriatthiam a va harsa dawn êm! Mihring thinlung hi a sak êm avang leh a luhlul êm avangin thununnaa sawizawi a ngai thin. Hrehawm tuartir kher lo pawhin Pathian chuan an thatna tur a tih-sak thei ngei ang. Mahse, hrehawm an tuar hi an tan a tha dawn a ni.

Thil siam tha tur chuan tihchhiat phawt a ngai thin. Kan pheikhawk te a chhia a, siam that a ngai a. Pheikhawk siamtu chuan a aia chhe zawkin a that a, a siam tha leh thin a ni. Kawng chhia te pawh a tha lai thlengin an chek chhia a, an siam tha thin. Thing upa leh tar tawh pawh tichawrno leh turin a zârte sah thlak a ngai thin.

Kan mihring nuon pawh hi siam tha tur chuan tihbrehawm a ngai a ni. Tuar hi a hrehawm êm avangin kan tana thatna tur a ni ang tih hriatthiam harsa tak a ni. Mahse, a nuam apiang hi a tha chuang lo va, a hrehawm apiang hi a tha chuang hek lo. "A tha lam kawng a chho va, a chhe lam kawng a phei," an ti thin a ni. Mihring siam that

nan pawb khawdur a ngai a ni. Hrehawm kan tuar hian mahni inkhawngaih mai lo ila, beidawng mai lo ila. Tuarna atangin kan tan thatna leh malsawmna a lo chhuak thei tih hriain, chhel tak leh lungawi taka tuar i zir ang u.

31. I PHURRIT CHU LALPA CHUNGHAH NGHAT RAWH

"I ritphurh chu Lalpa chungah nghat la; ti-chuan, Ani'n a tichak ang che. Mifel chu engtikah mah tihnghin a phal lo vang. (Sâm 55:22)

Mi tin hian phurrit eng emaw kan nei theuh mai. Mi thenkhat phurrit chu chhungkaw harsatna te a ni thei a. Mi thenkhat phurrit chu natna te a ni thei a. Heng phurritte hi min tihrehawmtu leh min tichautu a ni thin. Heng harsatna lakah hian ringtute pawb kan fihlim chuang lo a ni. Joba - Pathian mithmuha mifel leh tha meuh pawhin harsatna namen lo a tawh a nih kha! Pathianin chung harsatnate chu a tawh a phal a ni. Abrahama - Pathian thian tia vuah hial pawhin harsatna tam tak a tawh a. Paula - tirhkoh zinga ropui ber ni hiala ngaih theih pawhin a taksaah natna khirh tak a nei bawh a. Pathian hnena lak kiansak a dil pawhin Pathianin a lak kiansak chuang lo. "Ka khawngaihna i tan a tawh e; "ka thiliththeihna hi chak lobnaah asin tihfamkimin a awm ni," tiin a chhang mai zawk a.

Kan tarlan tak Pathian mite kbian harsatna karah pawb Pathian an ring tlat mai. Kan tan entawn tur tha tak an ni. Hla phuah thiam William

Cowper-a chuan hetiangin hla a lo pbuah a: "Pathian chal chuar phenah a nui hmêl a awm a ni," tiin. Pathianin kan tuarna leh harsatnate hi min hriatpui lo emaw kan tih châng a awm thin. Mah-se, Pathian chuan engkim a hria a, kan harsatna leh tuarnate pawh min hriatpui thin a ni. Min hriatpui chauh pawh a ni hlei nê̄m, min tuarpuiin, min thlamuanin, min chhâwk zangkhai thin a ni. Tuarna leh harsatna ațang hian min zirtir tur thil pawimawh tak a nei thin. Kan rinna chak leh chak loh te fiah a dub a ni ang. Pathian hnenah i manganna leh harsatnate i thlen a, i beisei anga chhanna i hmuh mai lohvin, Pathianah i beidawngin, i vui mai thin em?

Hla phuah thiam pakhat, George Neumark-a chuan harsatna nasa tak a tawh ațangin Pathiau fak-na hla ropui tak tak a phuah chhuak a ni. A hla phuah zinga pakhat chu hei hi a ni

"I harsatna hnuaia i kun reng lai pawhin,

Pathian hruaina chauh beisei la;

Tichuan, chakna thar a pe ang che,

Harsatna i tawh lai pawhin u hre reng che a ni."

Ringtute'n kan tih tur pawimawh chu- Pathian hnena kan harsatna thlen thin a ni a; Pathian tih tur ve thung chu - kan harsatna min chhâwk zangkhai a ni.

32. THU KAM KHAT MAH AN SAWI LO

"Chutichuan, ni sarib leh zan sarib leiah an thutpui a, tu mahin a hnenah thu kam khat mah an sawi lo; a natna chu na êmin an hria a ni" (Joba 2:13)

Lusûnte leh natna tuarte tuarpui turin an hnen-
 ah kan lêng thin a. Kan intuarpui dan tângpui
 ber chu - mahni ngeia kala an hnena va awm ve a
 ni a. Mi tam tak chuan tuarpuina thu sawi tur
 kan hre lo va, sawi pawh kan sawi thiam hek lo.
 Kan tuarpuizia sawi chhuah kher pawh a tul lo va.
 Kan hmel kan va inlan khan, thu sawi kher lo mah
 ila, kan tuarpuizia a lantir a ni.

Thu sawi hian tuartute a chhawk zangkhai thei
 a, an rilru a tina thei bawh a ni. Mi thenkhat
 chuan kan duh dan leh kan ngaih danin kan sawi-
 pui a. A dawngtute duh dan leh ngaih dan a nih
 loh chuan tuarpuitu tuar brehawm mai kan ni thei
 awm e, Chuvangin, lusûnte leh natna tuarte tuar-
 pui tura kan kalin, kan hriat tur pawimawh tak chu
 an dinhmun leh an rilru put dan hriat hmasak a ni.
 Chumi hnuah an hnena thu sawi emaw, ngawi renga
 tuarpui dan emaw kan ngaihtuah thiam thei ang.
 Kan tuarpuizia chu thua sawi kher lova, ngawi renga
 an bula awm kha a ni thei bawh a ni.

Mi thenkhat chu pawisa leh thil pek tur neih
 loh chuan kan kal hreh thin awm e. Mahse, kan
 pawisa leh thil pek hi lusûnte leh natna tuartute hian
 an mamawh ber a ni lo tih hriat a pawimawh khawp
 mai. Pawisa leh thil pekte mamawh ni sela, kei-
 mahni kal kher lo pawhin a pek theih a. Kan thil-
 pek aiin kan hmel hmuh leh kan awmpuina an ma-
 mawh zawk. Sap ram lalnu Queen Victoria chuan
 usûnna a tawh tawh avangin lusûnte tuarna a hriat-
 thiampui hle mai a. Vawi khat chu nu pakhat fa
 thih thu a hria a. Tichuan, chu nu lusûn chu
 tuarpui turin a inah a kal ta a. Engmah sawi
 lovin hun eng emaw chen a awmpui a, a hawsan

leh ta a. A haw hnu chuan a thenawmte chuan lu sunnu hnenah chuan, eng thu nge a sawi an zawt a. Ani chuan, "Engmah a sawi lo. Ka kut a chelh a, ngawi rengin kan tap dun a ni," tiin a chhang a Tuarpuina thu sawi kher lovin, kan tuarpui a ni tih kan hnel lan dan leh kan awm danin kan entir thei a ni. Chu chu thu sawi dan kawng khat a ni kan ti thei awm e.

Joba thiante pawh hian Joba tuarna a natzia an briatin thu sawi hun niin an hre lo va, ngawi rengin an tuarpui ta zawk a ni.

33. KA KHAWNGAIHNA I TAN A TAWK E

"Tin, hriattirrate chu a nasat em em avanga ka inngaihhlut lutuk loh nan tisaah hling mi pe a ni, Setana tirhkoh kut thak hnawih nana mi hmangtu tur chu; chutichuan, ka inngaihlu lutuk dah ang e... "Ka khawngaihna i tan a tawk e, ka thiltihtheihna hi chak lohnaah asin tihfam-kimin a awm ni" (II Korinth 12:7-9).

Tirhkoh Paula chu rawngbawltu ropui tak leh tangkai tak a ni. Pathian tana a thawh nasatzia leh a thahnemngaihzia chu a lehkhathawn atangtein kan hre thei a ni. A hun lain zin kawngte a chhiain zin vel a harsa hle a; mahse, a zin nasa em em mai. Ram hrang hrang tlawbin Chanchin Tha a hrii thin a ni.

Tirhkoh Paula hi a briselna pawh a tha vak lo a ni awm e. Daktawr Luka nen an inkawp hle a. A briselna a that loh avangin a mamawh a ni mai thei a ni. Korinth khuaa Kristiante hnena lehkha a thawnah chuan taksa lama harsatna a neih tha a

sawi a. Chu chuan a rawngbawl na pawh a tibuai hle niin a lang. Pathian hnenah lâk kiansak turin a ngen thin a. Mahse, a natna chuan a kiansan thei chuang lo. A tawngtai chhanna, Pathian hnen a tanga a dawn chu, "Ka khawngaihna i tan a tâwk e, ka thiltihtheihna hi chak lohnaah asin t.hfamkimin a awm ni," tih thu hi a ni. Paula hian taksa natna hi nei lo sela, Pathian khawngaihna leh thiltihtheihna a dawn ang hi a dawng lo mai thei a ni. Pathianin a chhanna hi mak a ti ve hle mai thei a ni. Mahse Pathian chungah a vui mai lo. A natna a tangingin a chhuah pawimawh tak leh tângkal tak a hmu chhuak ta a ni. A natna leh chak lohna chu Krista thiltihtheihna hriat chhuah phah nan a hmang ta hlauh a ni. Hrisel tak leh chak takin rawngbawl sela, a hlawhtlinna chu ama tih theih emaw tiin, a chhuangin, a chapopui mai thei a ni. Mahse, hrisel lo tak chungah nasa taka Pathian rawng a bawl theihna kha ama chakna leh theihna a ni lo tih hriain, Pathian tanpuina leh chakna avang a ni tih a hria a. Pathian hnenah lawmthu a sawi a, a chawimawi ta zawk a ni. A chak lohzia a hriat apiangin Pathian chakzia leh thiltihtheihzia a hre chhuak thin a ni.

"Chutichuan, Krista thiltihtheihna chu ka chungah a awm theih nan, lawm êm êmin ka chak lohnate hi ka chhuang tawh zawk ang. Chuvangin, Krista avangin chak lohnaah te, chhiatnaah te, neksawrnaah te, tihduhdahnaah te, hnawhchêpnaah te ka lawm thin a ni; ka chak loh apiangin a ni ka chak thin ni..." tiin Krista chakna leh thiltihtheihna chu a chhuang ta zawk a ni.

Natna leh tuarna kan tawh ve thinthe hi engtin nge kan ngaih ve thin le? Pathian thiltihtheihna

hriat chhuab nan leh Pathian chawimawi nan kan hmang ve thei em le ?

34. IN DIL APIANG CHU HMU TAWHAH INNGAI RAWH U

“Chuvangin, ka ti a che u, engkim - in tawngtaia in dil apiang chu hmu tawhah inngai ula tichuan, in hmu ang,” (Marka 11:24).

Tawngtai dan chi hrang hrang a awm. Tirhkoh Paula chuan Timothea hnenah beti hian a sawi “Thil dil tawngtaina te, tawngtaina hrim hrim te, tawngtaisakna te, lawmthu sawina te, mi zawng zawng tan siamsak turin ka fuih a che.”

Kan thu ngaihtuah laia tawngtaina hi thil dil tawngtaina a ni. “Engkim - in tawngtaia in dil apiang,” a ti a ni. Mihring hian duh leh mamawh tam tak kan nei a. Chungte chu Kan Pa, Pathian hnenah kan dil thin. Pathian hnena tawngtaia kan dil chu hmu tawhah inngai turin Lal Isua'n min zirtir a ni. Pathian hnena tawngtaia kan dil tam tak kan hmuh loh a awm si a, engtin nge hmu tawhah kan inngaih theih ang, tiin kan ngaihtuah awm e.

Pathianin kan tawngtai hi kawng thumin a chhang thin an ti. Chungte chu : pakhatna chu - kan dil anga min chhanna, pahnihna chu - nghak rih tura min chhanna, pathumna chu kan dil aug min phalsak loh a ni. Pathian hnena tawngtaia kan dil hi kan dil ang zelin min chhang kher lo va, a duh dan leh kan tana tha turin min chhang thin tih kan hriat a pawimawh. Kan dil anga Pathianin kan tawngtai min chhang lo pawh hi, kan vui mai thin na a, kan tan a tha zawk a ni. Kan tana tha

tur a hria a ni. Kan rinna min fiah a duh vangin min ngahtir bawh thin. Rinna chak lo chuan a ngak peih lo va, a beidawng mai thin. Rinna chak crawh chuan a ngak fan fan a, a ngak enhuak nge nge thin a ni.

Pathian chu kan Pa a ni a, kan tana tha tur ngkim hretu a ni a, kan tana tha turin kan tawng-laina a chhang thin a ni tih hi ring ngam ila, Ama kutah inngat ila, a thu chu kan thu aiin a tha a ni tih hi ring ngam ila; tichuan, kan tan a hahdam-thlak dawn a ni.

Kan thu ngaihtuah hian, 'In dil apiang chu in dil anga hmu tawhah inngai rawh u,' a ti lo va, 'Pathian hnenah in dil a, in dilna chu Pathian hnenah in thlen tawh a. Ama'n a ngaihtuah mai dawn tih ring ngam ula, hmu tawhah inngai rawh u,' tiin min hrilh a ni.

35. MUPUIIN... A THLAA A CHAWI THIN ANGIN

"Mupuiin a bu-a a no a chawh thova, a no chung a thla a zâpa, a thlate a zâra, a laa, a thlaa a chawi thin angin : LALPA chauhvîn a hruai thin a... Lei hmun sângahte a chuantir thin a," (Deuteronomy 32:11-13).

Mupui hian a bu-a a no an lo changkana, thlawk tura a ngaih hunah an awmna bu a thai darhsak thin. A note chuan a bu-a awm chu nuam an tiin an thlahlel hle thin a. Mahse, thlawh an zir a ngai tlat mai. An bu-a an awm reng chuan thlawh an tum dawn lo a ni. Chuvang chuan, a puiin an awmna bu a thai darhsak thin a. Tichuan, thlawk lo thei lovin a siam thin a ni. An nu thil-

tih dan an briatthiam hma chuan, suai an tiin, an haw viau mai thei a ni. An bu-a thlamuang taka awm thin, hlauthawng taka a awmtir chu mak pawh an ti hle ang. Mahse, mupui chuan a note zirtir tur a neih avangin an awmna bu a thai darhsak a ni.

An bu a thai darhsak chuan, tlâk thlâk an hmabâk a ni mai a. Thei leh thei lovin an thla an zâr a, an zâp vel a; thlawh an zir a ni ta reng mai a ni. Leia an tlâk thlâk loh nan mupui chuan a note hnuaiah a thla a zâr pharh a, a lo dâwm thin a ni. Chutichuan, mupui chuan a notêê chu thlawh a zirtir thin a ni. Pathian pawh hian, mupui a note tlawh a zirtir thin angin, a fate hi min zirtir duh a nei thin a ni. Thil min zirtir turin kan awm dan pangngai a tidanglam thin a ni. Kan chung a thil a tih dan hi kan brethiam lovin kan ngaithiam lo a ni thei e. Mahse, kan tana tha tur leh min zirtir tur pawimawh tak a nei thin a ni. Mangang leh thlaphang taka kan awm lai hian tanpuitu kan ngai thin. Amah kan mamawhzia kan hriat theih nan Pathianin manganna leh hlauthawngna hmuna kan awm a phal a ni. Pathian chu kan Pa a ni a, min hmangaihtu leh kan tana tha tura engkim min tihsaaktu a ni. Mangang leh hlauthawng taka kan awm lai pawhin min tanpui turin a hnai reng thin a ni.

“Pathian chu kan inhumhimna leh kan chakna, mangan laia tanpui vartu hnai reng a ni,”
(Sâm 46:1)

“Chutichuan, anmahni Chhandamtuah Lalpa a lo awm ta a. An manganna zawng zawngah chuan ani chu a mangang ve thin a... hmasanga

ni zawng zawngah chuan anmahni a puain anmahni a pawm thin," (Isaia 63:7-9).

"Tuite in dai kai lai pawhin kei in hnenah ka awm ang a; luite in dai kai lai pawhin a chîm pil lo vang che u: meia in kal tlang lai pawhin in kâng lo vang," (Isaia 43:1,2).

36. HMANGAIHNAIN BAWHCHHIATNA A KHUH

"Hmangaihna erawh chuan bawhchhiatna zawng zawng a khuh thin." (Thufingte 10:12)

Mihring hi awmho tura Pathian siam kan ni a, mahni chauhvin a awm theih loh a ni. Mi dangte nena kan awmhonaah hian kan inkarah harsatna leh inhriattbiam lohna chi hrang brang a tbling thei a. Mi dang chung a kan rilru put dan dik lo leh kan thiltih dik lovin an rilru kan tina thei a. Chutiang bawkin mi dangte'n kan rilru an tina thei bawh a ni.

Mi pakhat chu mi dang bawhchhiatna a rilru a tihrehawm a, zanah pawh a muhil tha thei lo va. Chutia hrehawm taka a awm lai chuan he Pathian thu châng hi a rilru a ngaihtuah chhuak a, chu chuan a rilru hahdamna a pe ta a ni. "Hmangaihna erawh chuan bawhchhiatna zawng zawng a khuh thin," tih thu hian a rilru a hneh êm êm mai a. Chutiang dinhmuna a awm lai chu hetiangin a sawi a: "Pathian hnenah ka tawngtai a. Ka rilru ngaihtuahnain lei ka lai khuar a, chutah chuan bawhchhiatna chu ka phîm ta a, leiin ka vur leh vek a. A chungah chuan pangpar chi hrang hrang

ka ching a, mawi takin a lo pâr chhuak ta a. Ti-chuan, ka rilru brehawmna zawng zawng chu a reh ta vek mai a ni," a ti.

Bawhchhiatna leh sualnate hi ngaihdam leh theihngihl harsa kan ti thin. Mihring thinlung chuan a ngaidamin a theihngihl thei mai lo a ni. Kan ngaihdam theih loh pawhin a tuartu chu keimahn kan ni mai a, kan intihrehawm thlawn mai a ni. Kan ngaihdama, kan theihngihl theih erawh chuan kan rilru brehawmna zawng zawng a reh thin. Pathian hmangaihna ang hmangaihna thinlung kan neihin bawhchhiatna leh sualna kan ngaidam thu thin a ni. Bawhchhiatna chu bawhchhiatna vêka kan do !êt chuan bawhchhiatna chu a lo pung thin a; hmangaihna a khuh erawh chuan a lo reh thin a ni. Kan bawhchhiatna zozai pawh hi Pathian hmangaihna khuh lo se ngaihdam a ni dawn lo va. Pathian chuan a hmangaihna min ngaidam thin a ni.

"Sual tin Pathian hmangaihna a ngaidam vek ta a, Ngaihdamna, inremna kan nei, Isua thisen remna."

37. I SAWI TAWH ANG KHAN TI ANG CHE

"Tichuan, aw Lalpa, i chhiahhlawh chungchâng thu leh a chhungte chungchâng thu i sawi chu kumkhua atan tinghet la, i sawi tawh ang khân ti ang che" (I Chronicles 17:23).

Lal Davida chuan Pathian bâwm puan in maia a awma, amah sidar thing Ina a awm chu thil dik ni thein a hre lo va. Pathian bâwm dahna tur lo the tak sak dahna rilru lian tak a nei a; Zawlnai

Nathana hnenah Pathian thu a lo thleng a: "Ka awmna turin nangen (Davida) In mi saksak tur a ni... Puan In leh Biakbûkah ka awm zel zawk thin a ni," tiin. Pathianin Davida chu a beram veng lai a koh thu te, a kalna apianga a hruaia mal a sawm thinzia te leh amah leh a chhungte chu a awmpuiin, a hruaiin mal a sawm zel dawn a ni tih thu te a hriattir zel a.

Davida chuan Pathian hnenah lawmthu a sawi ta a: "Aw Lalpa, tu nge maw ka niha, ka chhungte pawh tu nge an niha, heti chen chen nu hruiti? . Ti-chuan, aw Lalpa, i chhiahlawh chungchâng thu leh a chhungte chungchâng thu i sawi chu kumkhua atan tinghet la, i sawi tawh ang khan ti ang che." A chungah leh a chhungte chungah Pathian a that-zia leh a rinawmzia a hriatin a lawm em em a ni. Pathianin amah leh a chhungte chungchâng thu a sawi zawng zawng chu a tinghetin, a sawi ang chu a ti ngei dawn a ni tih a ring that a.

Mihringte hi kan thutiamah kan rinawm lo thin. Pathian crawh chu a thutiamah a rinawm a, a rintlak a ni. Mahse, Pathian rinawmzia hi kan bre tawh lo fo thin a, kan ring ngam lo fo thin. Davida ang hian Pathian rinawmzia hrian, Amah chu i ring ve that ang u. 'I sawi tawh ang khân ti ang che,' tiin kan tawngtainate huai takin i thlen ve thin ang u.

38. I THILTIH DAN HI A ÂTHILAK HLE MAI !

"Tin, Samuela chuan Saula hnenah chuan, i thiltih dan hi a âthlak hle mai : Lalpa i Pathian thupek, thu a pek che hi i zâwm lo a ni :

Lalpa chuan Israel-te chungah hian i lalna lu kumkhuaa tihngheh tum zawng a ni a le. Ni mahsela, i lalna chu a kin tawh ang; Lalpa thupek che i zawm loh avangin. Lalpa chuan ama thinlung ang pu mi a zawng a, a mite chungah hotu ni turin Lalpa'n a ruat tawh a ni," a ti a. (I Samuela 13:13,14)

Philistia mite chu Israel mite bei turin an inpu khawm a; Saula leh a sipaite chu Gilgal-ah Samuela nghakin an awm a. Israel mite chuan hnawh chëpin an awm tih an hriatin an mangang a, Saula chu an tlan darhsan ta a. Samuela chu a hun tiam ang a lo thlen loh avangin Saula chuan halral thilhlän chu a lo hlän a. Saula hnena Samuela a lo thlen chuan a chungah thu khi Saula hnenah a sawi ta a ni.

Mangang taka kan awma, Pathian hnena tanpuina dila kan tawngtaia, kan beisei huna a chhanna kan hmuh loh chuan nghah zel harsa kan ti a, kan beidawng mai thin. Saula pawh a mangang a, a beisei huna Samuela a lo thlen loh avangin a tih loh tur a lo ti mai a ni. Nghah a peih loh avangin, dawhtheihna a tlakchham avangin a lalna hial a chän phah ta a ni. A va paw! ên!

Keini pawhin Lalpa kan nghah peih loh avang leh dawhtheihna kan tlakchham thin avangin, a hnen atanga thil tha kan dawn tur tam tak kan chän phah thin a ni. Thlarau rah chu dawhtheihna te, insumtheihna te a ni tih i hre reng thin ang u. Harsatna leh manganna kan tawh lai hian kan harsatna leh manganna chauh ngaihtuah lo ila, dawhtheih a tulzia leh nghah peih a tulzia te i ngaihtuah thin ang u.

China thufing chuan hetiang hian min zirtir a: "Dawhtheihna avangin chhiatna rapthlak tak a pum-pah theih a; dawhtheih lohna avangin chhiatna rapthlak tak a thleng thei a ni." Dawhtheih leh nahah peih hi i zir zel ang u.

30. BEIDAWNG LOVA TAWNGTAI

"Beidawng lovin an tawngtai fo tur a ni."
(Luka 18:1)

Ringtu nunah tawngtai harsa tih hun a awm thin. Chung hunah chuan engtin nge kan tih tak ang le? Tawngtai loh mai tur em ni ang? Chaw kan ei chhak loh apiang hian, chaw ei hunah pawh chaw ei duh ta lo ila, kan hriselnain a chhiat phah mai ang. Chuvangin, chaw ei kan chhak loh pawhin chaw ei hunah chuan ei hram mai tur a ni. Chu chu kan taksa tan leh kan nunna atan a tha a ni. Tawngtai harsa kan tih chhang pawhin, tawngtai loh mai aiin, tawngtai hrâm thin ila. Tawngtai harsa kan tih hun lai leh kan tawngtai peih loh lai hi tawngtai a tul lai tak a ni.

Pathian hnena kan tawngtaia, kan beisei anga chhanna kan hmuh loh chuan, beidawn vanga tawngtai tawh loh mai pawh awl tak a ni. Tawngtai ta lo ila a tangkaina eng nge awm ang le? Kan tawngtai chhanna kan beisei anga kan hmuh loh chuan mahni inenfiah a tha a ni. Kan dilna rilru dik lo a ni em? Kan dil chhan a dik lo a ni em? Inenfiah a pawimawh a ni. Pathian hian beini aiin kan tana tha tur a hre zawk a. Kan dil nga min chhang lo pawh hi kan tana tha zawk a ni ang tih te ngaihtuah ila. Pathian hi kan duh-tawng apiang tihtir kan tum fo thin. A chung

thuneitu kan ni lo va, kan chung a thuneitu a ni zawk si. Kan tawngtaina pawh Pathianin kan duh angin chhan a tum lo va, a duh angin a chhâng zawk thin a ni. Pathian duh dan chu kan duh dan aini a tha zawk tih rin ngam pawh a pawimawh a ni. Kan dil ang leh kan beisei anga min chhâng lo a nih pawhin, beidawng lovin tawngtai zel mai tur a ni.

40. PATHIANIN MIN THLANG

“Nangni’n min thlang lo, keima’n ka thlang zawk che u a ni.” (Johana 15:16)

Ringtute hian Isua Krista hi, “Lal leh Chhandamtua ka pawm/thlang,” tiin kan sawi thin a. A dikna chen a awn ngei mai. Mahse, Pathianin ringtute min thlanga hi a hmaza zawk a, a ropui zawk bawh a ni. Lal Isua pawhin, “Nangni’n min thlang lo, keima’n ka thlang zawk che u ni,” a ti a ni.

Lal Isua, Lal leh Chhandamtua kan neihna hi kan duhthlangaah inngat ni se, inngahna tlak a tling lo vang. A chhângin kan thlang ang a, a chhângin kan thlang lo leh mai thin dawn a ni. Mihringte hi kan rintlak loh êm avangin, kan duhthlanga ngei pawh hi rintlak a ni zo lo fo thin. Pathian erawh chu a rinawm a, a fa ni tlak lo, a fa atan min thlang hi a va vanneihthlak êm! Kan vanneihzia hriain hlaphuahtu pawhin hetiangin hla lo phuah’a:

“Kan vannei em ! Pathian faah te chuan Krista’n min ruat tak hi ! A ropui e, lawmin i zai ang u,”

Ephesi 1:4-8-ah chuan Pathianin min thlang dan chiang takin Tirkoh Paula’n a lo sawi :

- 1) Leilung pian hmam Kristaah chuan min thlang a
- 2) Ama lungduh leh lawmzâwng angin fa atan min sian a.
- 3) Min ruat lâwk a.
- 4) A khawngaihna chu Duhtaka-ah chuan a thlawm-in min pe a.
- 5) A thisen vangin amahh chuan kan tlanna kan nei.
- 6) A khawngaihna ngahzia ang zela kan bawh-chhiatnate ngahdamna chu.
- 7) Chu khawngaihna chuan min vur a.

He Pathian thu châng hian ringtute dinhmun leh chanvo ropuzia min hrilh a ni

Hmeichhe naupang pakhat chu amah hringtu ni lo, nu leh pate'n an fa atan an la a. A thian-nuin fa tak tak pawh ni lova, an fa ni lo, an fa atan an lâk a ni tuh hriain a hmusit a, "Nang chu fa tak pawh i ni ve lo," tiin a sawi thin a. Chu hmeichhe naupang chuan a thiannu chu heti hian a chhâng lêt ve ta thung a: "Nang chu, i nu leh pate'n an duh che emaw, duh lo che emaw an neih loh theih loh i ni a. Kei erawh chu ka nu leh pate hian naupang dang zing atanga an duh taka min lâk chhuah ka ni asin," tiin. Pathianin amah ringtute a fa atana min siam pawh hi a lungduh leh a lawmzâwng anga siam kan ni a. A fa duh tak kan ni.

41. PATHIANIN KHAWVEL THIL CHAK LOTE A THLANG

"Pathianin khawvel thil âte chu a thlang zawk a, mifingte chu a tihmualpho theihna turin; tin, Pathianin khawvel thil chak lote chu a

thlang a, thil chakte chu a tihmualpho theihna turin," (I Korinth 1:27)

Mihringte hian mi finge kan ngaisang a, mi âte kan hmusit a; mi chakte kan hlau va, mi chak lote kan ngainêp thin. Pathian erawh chuan mi finge a thlang lo va, mi â te a thlang zawk a; mi chakte a thlang lo va, mi chak lote a thlang zawk thin. Lal Isua pawhin, "Mi fel takte lam tura lo kal ka ni lo va, mi sualte lama, simtir turin ka lo kal zawk a ni," a ti. Mi tam tak chuan mi finge kan nih loh avang leh mi chak kan nih loh avangin pawh kan ti thin awm e. Mi finge leh mi chak nih pawh kan chak thin a ni ang. Mabse, mi â leh mi chak lo nih hi Pathian lamah chuan thil lawmawm tak a ni zawk dawn a ni. Thil ho taka kan ngaihte hmangin Pathianin thil ropui tak a ti thin a ni. Berampa ki hmangin Jeriko kulh ropui tak chu a tichim a. Hmeichhe chak lo tak Debori leh Jaeli hmangin tiduhdahtute a hnehtir a. Hlum bêla khawuvar chhutin Midian mite a hnehtir a. Sabengtung khaberuh hmangin Philistia mite a titlawm a. Virvawm hmangin mi lian Goliatha a tihhlumtir a. Mi mawl leh mi chak lo tak tak hmangin mi tam tak chhandamna hna a thawk thin a ni.

I chak lohzia te, i mawlzia te leh i âtzia te hrian, i insitin, engmah ti thei lovah i inngai a ni mai thei e. Pathianin mi â te, mi chak lo te leh mi tlawm te a tichakin, a hna ropui tak thawkah a hmang dub a, a hmang thin tih hria ang che. Pathian hnenah i nihna ang angin inhlal la, a hman turin inpe la; tichuan, ani'n a tichakin a hna ropui tak thawk turin a hmang ang che.

42. PATHIANIN KAN THATNA TURIN A THAWK THIN

“...Kan thatna turin engkimin a thawk thin.”
(Rom 8:28)

Pathianni tûk khat chu Spurgeon-a chu inkhawm turin a chhuak a. Vur a tlâk nasat avangin a inkhawm tumna Biak luah a kal thei lo va. Biak In dang pakhat a inkhawm ta zawk a.

Chu Biak Ina thusawitu tur Pastor chu vur a tlak nasat avangin a inkhawm thei lo va. Mi pakhatin thu a lo sawi a. Chu pa chuan Pathian thu a sawi ngai lo va, sawi tur pawh a hahchham hle mai a. Mahse, chu pa thusawi chuan Spurgeon-a rilru a khawih hle mai a. Lal Isua a hmuh phah ta a ni. Thil dik lo leh thil kal sual pahuih intawkin Spurgeon-a piantharna a thlen a. A piantharna chu mi tam tak tan malsawmna a lo ni ta a ni.

China putar pakhat Saia chuan fapa pakhat leh sakawr pakhat a nei a. Nikhat chu, a sakawr a bo va, a mangang em em mai a. Mi pakhatin a hnenah, “Saia, mangang duh suh, a lo kir leh mai ang,” a ti a. A sawi ang chuan a sakawr chu a lo kir leh ta mai a. Nikhat chu, a fapa neihchhun chu a sakawr chung atangin a tla a, a ke a tlak a, a ke a bai ta a. Saia chuan, “Fapa pakhat chauh ka nei a, a ke a bai ta lehngal a,” a ti a, a lungawi lo hle mai a. Mi pakhatin a hnenah, “Saia, lungngai duh ma ta che, tuar fan fan rawh,” a ti a. Indona a lo chhuak a, tlangval zawng zawng sipaia tang vek turin sawrkarin thu a pe a, an kal ta vek a. Vanduaithlak takin indona hmunah an thi zo ta vek mai a. Saia fapa, kebai chauh chu an khaw chhunga

tlangval indonaa kal ve lo, a dam awmchhun a ni ta a A ke bai hlah lo se chuan indonaah a kal ve ang a, a thi ve ngei ang. A ke a bai avangin indonaah a kal ve lo va, a dam phah ta hlah a m. Tichuan, Saia fapa kebai chu a pa tilawm turin a dam rei ta ber zawk a ni. Kan thatna tur nia kan ngaih theih loh, kan chung a thil lo thleng tam tak hi kan thatna tur a lo ni thei fo thin tih hriain lungawi i zir ang u.

43. KAN THATNA TURIN ENKIMIN

“..... Kan thatna turin, engkimin a thawk thin ”
(Rom 8;28)

Hla phuah thiam William Cowper chuan rilru hahna nasa tak a nei a, Thames luah zuan thlak a, intihhlum a duh a. Tichuan, Taxi a la a, London Bridge-a hruai turin a hrih a, driver chuan a kalpui ta a. London khawpui chhungah chhâm a lo zing phui tlat mai a, driver chuan a kalna tur a hre chiang thei ta lo va, darkar hnih lai kawng a bo va, kal ngaihna a hre ta lo va. Cowper chuan driver hnenah chuan a in lamah a hawpui thei ang em, tiin a zawt a, ani chuan a theih thuin a chhang a. Tichuan, a in lam pan chuan an haw leh ta a. In an thlen chuan, Cowper chuan driver chu eng zat nge a pek dawn a zawt a. Driver chuan, “I kal duhna hmun ka hruai thleng thei lo che a; chuvangin, kal man pawh ka la lo vang,” tiin a chhang a. Cowper chuan, “Ka kal duhna hmunah min hruai thei lova; mahse, ka nunna i chbanhim alawm ! London Bridge atanga Thames luah zuan thlak a, intihhlum ka tum a ni a; mahse, kan thlen theih tak loh avangin ka tum chu ka hlen thei ta lo a ni,” tiin a chhang a.

Cowper-a chu a pindanah a lut a, hla a phuah a nghal a ni. A hla phuah chu :

*"Pathianin mak takin hna a thawh a,
A thawh dan hriat phak rual a ni lo:
Tuifinriat chhungah a ke a nghat a,
Thilpui chungah a chuang."*

Pathianin mak taka hna a thawh avangin Cowper-a nunna chhanhim a ni. Pathian fakna hla ropui tak a phuah ta zawk a.

*"Pathian thil rel dan chu a va mak em !
Hriat phak rual loh a ni - a tum zauzia;
Thil te ber pawh a veng, van thil a rel kim e.
Pathian ruat ang zelin engkim a thleng."*

44. A VAWI HNIHNA PAWH

"Awm rei suh ila chuan, tunah pawh a vawh hnihna pawh kan lo thleng leh tawh ngei ngei tur a ni," a ti a. (Genesis 43:10)

Kanaan ram, ram tha, khawizu leh hnute tui Juanna ramah pawh tam a tla ve thei a. Jakoba leh a fate pawh ei tur tlachhamin an awm a, an mangang em em mai. Aigupta ramah buh lei tur a awm tih an bria a; tichuan, Jakoba fate chu buh lei turin Aigupta ramah an kal ta a.

An unaupa Josefa, sumdawngtute hnena an hralh kha Aigupta ram zawng zawng chungah hotu a ni a. Aigupta ram an thleng a, Josefa hnenah chuan buh lei tur an dil ta a. Josefa chuan a lo khawngaih a, buh lei tur a pe a, Kanaan ramah an haw leh ta a. Buh an ei zawh chuan Aigupta ramah bawh buh lei tura kal a ngai leh ta a

Buh lei tura an kal hmasak khan, an unau zinga pakhat Simeona kha a hransak a. Buh lei

tura an kal leh chuan an urau zinga naupang ber hruai turin Josefa chuan a phôt a. Jakoba chuan Benjamina hruaitir chu a ngai ngam lo va. Juda chuan Benjamina hruai a ngen tlat a, an hruai loh chuan Josefa an hmu thei dawn lo va. A tawpah chuan Jakoba chuan Benjamina an hruai a phal ta a. An chhungkuain ei tur an neih theih nan Jakoba chuan a fate zinga a naupang ber, a duat ber pawh a kal a phal ta a. A fate chu Pathian hnenah a kawltir a, a khawngaihna a dilsak a ni. Tichuan, an kal ta a. Josefa chu Benjamina a hmuh chuan a insûm zo lo va, a unaute hmaah chuan a inpuang ta a. A chhiahhlawhte chu an ipa an phurh zawh tawh buh pe turin a ti a. Simeona leh Benjamina pawh an ruala an haw a phalsak a Tin, a pa hruai nan tawhlailirte a thawn a. An chhungkuua Aigupta rama pêm luta, thil tha zawng zawng chang turin a sawm ta a.

Harsatnate hian Pathian kan mamawhzia min hriat chhuahthir a, a hnen lamah min hruai thin. Kan neih tha berte nen Pathian hnena kan inhlan phal chuan, kan neih aia tha zawk, kan mamawh tinrêng phuhrûk thei khawp min pek a phal a ni. Jakoba chuan a neih tha ber Benjamina, Aigupta rama an hruai dawn chuan a ngai ngam lo va. Amaherawhchu, amah leh a chhungte'n ei tur an neih theihna tur a nih dawn avangin, harsa ti tak chung in Benjamina kal a phal hram a. An ei tur vaw khat phurh nan mai pawh ni lovin, an chhungkuain ei tur awmna hmun leh thil tha tinrêng an neih theihna hmunah hruai luh an ni ta zawk a ni. Pathianin kan tan thil tha tinrêng min buatsaihsak a. A hnenah kan neih tha ber nen kan inhlan phal chuan kan mamawh tinrêng min pek a phal a ni.

45. RING MAI RAWH

"Hlau suh, ring mai rawh." (Marka 5.36)

Inkhawmna in hotu pakbat Jaira fanu chu thin ngamin a nâ a, Lal Isua ko turin a kal ta a Lal Isua hnen a thlen chuan a ke bulah a bawkkhup a. "Ka fanu a damlo va, a thi lek lek a; lo kal la, a chungah i kut nghatin tidam turin ka ngen a che," tiin Lal Isua a ngen a. Lal Isua chu mipui tam takin an zui a; an nêk huar huar a, Jaira sawmna pawh chu a chhâng lawk thei lo a ni. A in atangin zualko an lo kal leh a, "I fanu a thi ta. Engah nge Zirtirtu hi i la tihhah cheu dawn?" an ti a. Lal Isua chuan an thu sawi chu a lo hria a, Jaira hnenah, "Hlau suh, ring mai rawh," tiin a brilh a.

Jaira tan chuan rin mai a harsa âwm teh e! Lal Isuan a ngaihsak har deuh a ti mai lo'ng maw? Kan mangan lai leh kan mamawn laia Pathian hnenah kan jawngtaia, a chhanna kan hmuh mai loh hian kan beidawng mai thin! "Pathian hian min va ngaihsak lo êm!" tia vui mai awl tak a ni. Jaira chuan Lal Isua a sâwm a, a ngaihsak mai loh pawhin a beidawngin, a vui mai lo; a nghak lui tlat mai! A va entawn tlak êm! Pathian hian kan dub dan leh beisei ang hian thawh a tum lo va, a duh dan leh ama hun tih ang n a thawk zawk thin a ni. Kan duh dan leh beisei ang a thawhtir kan tum hian kan nghakhlel a, kan beidawng mai thin a ni.

Lal Isua chuan Petera, Jakoba leh Johana a hrui a, Jaira in lam an pan ta a. Inah chuan an lo huar mur mur a, a hente chu lungchhe takin an lo tap a. Lal Isua chu inah a lut a, mipui awmkhawm hnenah chuan, "Engah nge in bengchhena in jah

ni? Naupang chu a thi lo ve, a muhil a ni zawk,"
tiin a hrilh a. Awmkhawmho chuan a thu sawi
chu an ring lo hle a, an nuihsan a. Lal Isua chuan
naupang nu leh pa leh a zirtirte chu a hruai a, nau-
pang awmnaah chuan an va lut a. A kutin nau-
pang kut chu a chelh a, a hnenah, "Talitha Kumi,"
a ti a. Chumi awmzia chu, "Chêmtê, tho rawh ka
ti a che," tihna a ni. Tichuan, hmeichhe naupang
chu a lo tho va, a kal ta mai a.

Lal Isua chu Tidamtu a ni. Damlote a tidam
a, mitthite pawh a kaitho thin. Amah chu englai
pawhin a pangngaiin a awm reng a. Jaira hnenah
"Hlau sub, ring mai rawh," tia a sawi ang hian
kan hnenah pawh a sawi thin a ni. Hlau lovin kan
ring mai ngam ve em le?

46. PATHIAN CHUAN THIL THAAH CHAN TIR A TUM A NI

"Josefa chuan an hnenah, '...Nangni zawngin
ka chungah thil sual tih in rilrûk a; nimahsela,
Pathian chuan vawiin ang hian, mi tam tak
nungdama chhanhimna turin thil tha chantir a
rilrûk zawk a ni si a," a ti a (Genesis 50:20).

Josefa nun kawng zawh chu a bumbohvin, a
hrehawm hle mai. A unaute'n an hralh a, ram hla
takah mi ohhiahhlawhah a awm a. A pu nupui
thlêmnna a tâwk a. Dik lo takin lung inah khung
a ni a. A chungah thil tha lo leh hrehawm tam
tak a thleng a. A tuar lai chuan briatthiam a va
har dâwp êm! Mahse, Josefa chuan a chungah thil
tha lo thleng chu a lungngai zâwng leh a beidawng
zawngin a ngaihtuah ngai lo va. A chungah thil

tha lo thlentute pawh a haw bawk hek lo. Pathian a ring a, Pathian kutah a nunna a kawltir mai a ni.

Miten a chungah thil tha lo tiin hrehawm nasa tak a tuar a. Mah se, Pathianin a chungah thil tha lo thlengte chu thil tha a chantir a tum tlat mai. Pathian thil tum chu dan rual a ni lo va. Miten a chungah thil tha lo thlentir tum mah se, Pathianin thil tha a chantir a tum tlat avangin an hlawh-tling chuang lo a ni. A tawpna chu amah chawimawi leh mite chhandamna a lo ni ta zawk a.

Josefa chungah thil thleng leh Lal Isua chungah thil thleng hian inanna tak a nei a. Lal Isua chungah pawh amah dotute'n thil tha lo thlentir an tum a, thlen pawh an thlentir ngei a. Mi fel chu mi sual thihin raptihlak takin Krawsah an khengbet a, mite hmuhsit leh endawng a tawk a; mah se, chu chu a tawpna a ni lo. Ani chu Pathianin nasa takin a chawimawi ta zawk a, hming zawng zawnga hming chungnung ber a pe ta a. A va ropui em!

Kan chungah thil lo thleng, thil tha lo nia kan ngaihte hi Pathianin thil tha a chantir a duh a, a chantir thin a. I chungah thil tha lo leh harsatna te a thlen lain he Pathian thu châng hi ngaihtuah thin ang che: "Pathianin thil tha a chantir a tum zawk a ni."

47. TITHIANG DAN DANGLAM

"Ngai teh u, ka tithianghlam che u a ni; ni-mahsela, tangka tithianghlam angin a ni lo; hrehawmna rawhtuina meiah chuan ka fiah che u a ni." (Isaia 48:10)

Israel hnam, hnam luhlul tak leh tihmawh tak mai chu, Pathianin a mi atan a thlang chhuak a,

Mahse, anmahni thlangtu Pathian chu an hre lo va, an sual bosan fo thin a ni. Anmahni siam that nan salah te an awm a, hrehawm nasa tak an tuar thin. Hun harsa leh hrehawm an tawh lai pawhin Pathianin a hre reng thin a, anmahni a chhanchhuak leh thin a ni. Chuti chung pawhin an chung a Pathian thatzia briat chhuah harsa an ti thin a ni. An hrehawm tuar zawng zawng chu Pathianin anmahni fiah nan leh siam that nan a ti a ni.

Keini pawh rilru luhlul tak leh tihmawh tak kan ni ve bawk. Pathian min hmangaihzia leh kan chung a thatna hre reng mah ila, amah kan ring ngam lo fo thin a ni.

Kan rilru luhlul tak leh tihmawh tak hi sawi-zawi a ngai fo thin a. Pathian kan rin theihna tur leh kan rin ngamna turin harsatna leh hrehawm kan tuar pawh a tul fo thin a ni. Chutiang hmuna kan awm chuan mi dang tumah rintlak an awm lohzia briain, Pathian chauh lo chu rin tur dang an awm lo tih kan hre chhuak thin a ni.

Chuvangin, kan nun a thiangblim theih nan hrehawmna leh harsatna kan tawh thin hi a tul fo thin a ni.

Hla phuahtu chuan mihring rilru luhlulzia briain hetiangin hla a lo phuah a:

"Hrehawmna i chungah lo thlang fo sela,

Ka thatna tur a nih chu tiin ngai la;

Rangkachak thianghlim nan mei an hmang ungin,

Pathianin thil harin mi a siam tha thin.

I chungah khua lo dur sela ringhlel suh la,

Pathianin engkim chungah ro a rel a,

Khaw dur, khaw thiang nenin lei a tha si,

Mihring siamthat nan khawdur a ngai a ni."

48. ROPUI TAKA NGAMTU KAN NI

“Chung zawng zawngah chuan, min hmangaihtu avangin ropui taka ngamtu kan ni.” (Rom 8:37)

Tirhkoh Paula chuan Pathian hmangaihna thiltihtheihzia a hre chiang hle mai. Pathian kan lama a fan chuan tumahin min do thei lo va, tumahin min hêk thei lo va, tumahin thiam loh min chantir thei lo a ni. Min hmangaihtu Lal Isua chu amah ringtute lama a fan avang leh Pathian ding lama thua min sawisaktu a nih avangin, Pathian ro-relna hmaa din pawh a zâmawm loh a ni,

Krista hmangaihna ata engmahin a then thei lo tih pawh a hria a. Hrehawmna te, manganna te, tihduhdahna te, fam te, saruakna te leh khandaih te pawhin Krista hmangaihna ata chu a then thei dawn lo tih a hria a ni. “Then suh e! Chung zawng zawngah chuan ropui taka ngamtu kan ni,” a ti mai a ni.

He thu pawimawh tak, hnehna thu ropui tak hi hrehawm i tuar lai te, i mangan lai te, tihduhdah i tuar lai te, fam i tawh lai te, saruaka i awm lai te, khandaih thiltihtheihna hnuaia i awm lai tein hre reng ang che. He thuchah ropui tak hi i lungngaih lai te, i tuar lai te, i chak loh lai te, i khawhar lai te, i lusun lai tein hre reng la; tichuan, Kristan chakna thar a pe ang che. Amah avangin, chung zawng zawng chu ropui taka ngamtu kan ni si.

He thuchah hi hnehna thuchah mai pawh a ni lo va, hnehna aia ropui zawk a ni tih pawh hria ang che. Ropui taka ngamtu kan ni tih hi hnehtu ropui tihna mai a ni lo va, hnehtu aia ropui tihna a ni zawk. Eng vangin nge hnehtu aia ropui kan nih

theih ang le? Thlemna kan hneh apiang hian, thlemna hneh theihna chakna kan nei pung tihna a ni. Hmelmate kan hneh hian kan thuhnuaiah kan dah mai a ni lova, hmelma dangte min beihpui turin kan lama t̃angah kan siam tihna a ni. Har-satna kal tlanga hnehna hi awlsam taka hnehna aiin a ropui zawk. Kraws a awm loh chuan lallukhum a awm thei lo, an ti t̃hin r̃eng a ni.

49. THUNUNNA HI HMANGAIHNA A NI

“Ka fapa, Lalpa thununna che ngainêp suh la, A zilhhauna che ning hek suh.

Lalpa chuan a hmangaihte a zilhhaun t̃hin a ni Pain fa a lawm apiangte a zilhhaun t̃hin ang hi.” (Thufingte 3:11,12)

Nu leh pate’n an fate an t̃hatna turin an thunun t̃hin. Thununna hi hremna emaw tih a awl hle; mah se, a ni lo; thununna hi duhsakna a ni. Fa, thununna dawng lo chu s̃awn a ni a, nu leh pa thununna a dawng phak lo a ni.

Pathian hi kan pa, min hmangaihtu a ni a. A fa dub takte kan nih avangin, kan t̃hatna turin min thunun t̃hin a ni.

“Ngai rawh, Pathianin mi a thunun chu a eng a th̃awl a; chuvangin, Engkimtitheia thununna chu ngainêp suh.” (Joba 5:17)

Pathian thununna dawngtu chu duhsakna dawngtu, mi vannei, mi nihlawh leh ength̃awl a ni.

Thununna kan dawn hian ngaihuêp mai tur a ni lova, t̃hinrim mai tur a ni hek lo. Min thununtu chu huat mai tur a ni lo, a lakah vui mai tur a

ni hek lo. Min thununtu chu min hawtu a ni lova, min hmangaihtu a ni tih i hre reng ang u.

Thununna hi tuar lai chuan hriatthiam a har lo thin. Tuar chhuah hunah erawh chuan nun a siam tha a, a hlawl thin a ni.

“Thununna reng reng hi tuar lai chuan lawm awmin a lang lova, lungch'iatthlak in a lang zawk thin; tuar hnuah erawh chuan, chumiz sawizawia awmte tan chuan rah thlamuanawm tak, felna chu a chhuabsak thin.” (Hebrai 12:11)

Thununna hi kan nun sawizawitu a ni In-sawizawina nei tha chu a chakin a hrisel thin Thununnaa sawizawia awmte nun chu an chakin an hrisel thin a, hmantlâk leh tangkai an ni thin a ni

50. TAWNG LOVA THU SAWI

“... Ngawih hun a awm a, tawng hun i awm”
(Thuhriltu 3:7)

Tawng lova ngawih reng hi ngaihsak lohna niin kan ngai awm e. Pathian nena kan inkarah pawh hian, Pathian hi ngawi renga kan hriat chuan kan chungah a lawm lova, a lungawi lova, min ngaihsak ta lo emaw kan ti thin awm e. Thusawina hmanraw tangkai ber chu tawng hi a ni a. Tawng thei lo te chuan thu an sawi ve thei lovin kan ngai awm e. Mah se, tawng hi thusawina hmanraw awmchhun a ni lo.

Susan Lengke chuan lehkhabu pakhat a ziak a, a hmingah, “Ngawi renga thusawi” tiin a vuah a Chu lehkhabuah chuan, “Inbiak tawna atan thu sawi (tawng) chauh hi hman a ni lo va. Thu sawi hi a châng chuan inbiak tawna dâltu a ni thei a ni,” tiin. Thu sawi hian mihring inkarah inremna

leh inhriatthiamna a thlen thei angin, inngeih lohna leh inhriatthiam lohna pawh a thlen thei a ni.

Mi pakhat hi a awm a. Vanduaiana chi hrang hrangin a tlakbuak a. Pathian a rinna pawh a lo chau tial tial a, Pathianin a thlahthlam ta hial emaw tiin beidawng taka a awm laiin mumang a nei a. A mumangah chuan a nun hlui a lo thlir kir a. Tuifinriat kama tiauphovah mi pahnih kalna hniak a hmu a; hmun khawkrawk deuhah chuan mi pakhat hniak chauh a hmu a. Mi pakhat hniak chauh a hmuhna hmuhah chuan a Lalpain a kalsan a, ama hniak chauh a awm niin a ngai a. A Lalpa chu a be ta a. A Lalpa chuan hetiang hian a chhang a : "Mi pakhat hniak i hmuhna hmun kha hun khirh leh harsa i tawh laia ka hniak a ni a. Chung hunah chuan ka chawi kang thin che a, i hniak a lang ve lo a ni," tiin a brilh ta a.

Pathianin a thlahthlam che a, a theihngilh ta che emaw i tih lai pawhin Ani chuan a thlahthlamin, a theihngilh ngai lo che a, a kuangkuahin a chawikang thin che a ni. Ani chuan, "Tui te in daikai lai pawhin kei in hnenah ka awm ang a, lui te in daikai lai pawhin a chim pil lovang chu u; meia in kal tläng lai pawhin in kang lo vang," a ti a ni. A va thlamuanthlak em !

Pathian hian min ngaihsak lova, a ngawi reng emaw kan tih lai pawhin tawng lovin kan hnenah thu a sawi thin a ni. Tawng lova a thu sawi chu hre turin ngun takin i ngaichang thin ang u.

51. KHAWIAH NGE I AWM ?

Pathianin mihring a siam hmasak ber Evi leh Adama chu Eden huanah an awm a. Ni tin Pathian

nen an inpawl thin a. Mahse, Pathian thu an awih lohva, a duh loh zâwnga an awm hnu chuan Pathian an hlau ta. Anmahni pâwl tura Pathian a lo kal pawhin an hlau va, an bihruksan ta a ni. Pathianin, "Adam, khawiah nge i awm?" tia a kohna chu hetiangin Adama chuan a lo chhang ta a : "Huanah i thâwm ka hria a, saruaka awm ka nih avangin ka hlau ta a; tichuan, ka biru ta a ni." Ni tin Pathian nena inpâwla, hlim taka awm thin kha, Pathian thu an awih loh avangin Pathian an hlau ta a ni. Pathian nena inpâwlna nun a chah chuan mihring nun hi a buai thin a ni. Pathian aw a briat thin, a nun tihlimtu leh tilawmtu kha hlauhawm a chang zo ta. Pathianah inngat lovin, amahah a inngat a; mahse amah chu inngahna tlak a nih loh avangin a nun a buai zo ta a ni.

Adama nun ang hian kan nun pawh a awm châng a awm thin. Pathiana inngat lovin, keimahni leh mi dangah kan inngat thin a. Kan dinhmun leh kan hausaknaah te kan inngat a. Mahse, inngahna a tling zo si lo. A danglam thei a. a danglam rualin kan nun a buai mai thin.

Tirhkoh Paula chuan Krista hi nun inngahna him ber a nih a hria. "Kei atan zawng nun hi Krista a ni si a, thib pawh hlâwkna a ni," a ti mai a ni. Tarsa khuaa pianga seiliap ni mah se, chu chu a awmna leh a nun inngahnaah a ngai lo. "Kristaah ka awm, ka nung," a ti zawk thin. Mi dangte pawh Kristaa an nunna ngat turin a sawm a ni. Krista hi kan nunna bul leh inngahna a ni. Kan nun hruaitu a ni a, kan nun infâwkkhawmna tur a ni.

"Kan nunna chu Pathianah chuan Krista hnenah thubrôkin a awm si a," tiin Tirbkoh Paula chuan a lo sawi a. He zawhna pawimawh tak : "Khawiah nge i awm?" tih hi engtin nge kan chhân ve dawn le ?

52. VENGTU RINAWM LEH RINTLAK

"Nangmah vêngtu chu a muthlu lovang.

Ngai teh, Israel-ho vêngtu chu

A muthluin, a muhil hek lovang.

Lalpa chu nangmah vêngtu a ni a". (Sâm 121:3-5)

Sâm 121 thu hi ngun takin han chhiar teh. Thlamuanna thuchah ropui tak a ni. Kan nunna hi min vêngtu rinawm leh rinawm loh avangin a a himin a him lo thei a ni.

Lalte leh ran, bruitute chu venhim an ngai thin a. Vêngtu an nei thin. Vêngtu chu sipai emaw pulis emaw a ni thin a. Chung vêngtute chu anmahni vêngghim tura dah an ni. Mah se, vêngtu rinawm lo an awm thei a ni. India ram Prime Minister Indira Gandhi pawh a vêngtute, amah vêngghim tura ngaihten an kap hlum der mai ! Mihringte hi kan rinawm lovin, kan rintlak loh thin a ni. Mah se, chung mihring rinawm lo leh rintlak lohte chu kan nunna vêngghim turin kan ruai fo mai.

Vêngtu rinawm leh rintlak ber chu Lal Isua a ni. Vêngtu dang chu rinawm hle mah se, an muthlu thei a. An mutthlûk hlânin kan chungah thil tha lo a thleng mai thei a ni. Lal Isua chuan min mut-hilhsan ngai lova; min hmu reng a, kan chungah thil lo thleng engkim hi a hre vek a ni. Kan manganna te, kan lungngaihna te, kan harsatna te, kan tuarna te a hre vek a - min tanpui turin a hnai reng thin.

*"Ka chhandamtu min vengin a hnai reng,
Thil engpawh lo thleng se ka him a ni;
Thlipui leh ruahpuian min thukru a,
A kutphah ropui chhungah."*

53. KA TLANTU CHU A NUNG TIH KA HRIA

*"Ka tlantu chu a nung tih ka hre si a,
Nakinah chuan leiah hian a lo la dung ang;
Ka vun hi tihchhiata a awm hnuin,
Ka tisain Pathian ka la hmu ang
Keima tan ngei ka la hmu ang,
Ka mitin a la thlr ang, midang ni lovin."
(Joba 19:25-27)*

Joba chu chhiatna tinrengin a tlakbuak a. A fate zawng zawng an thi zo va, a chhiahhlawhte leh a ran rualte an thi bawk a. A taksa chu a pumin pânin a bâwm khat vek a. A nupui lah chuan a Pathian phat turin a thlên châmchi mai bawk a. A dinhmun hi a rapthlâkin a va lungchhi it-thlak em! A thiante, amah tuarpui tur leh thlamuan tura a hnena lo kal lah chu thlamuantu tawrhhlelhawm an ni mai bawk si a.

Mahse, heng zawng zawngah hian Joba chu Pathian lakah a vui lo. Joba Pathian rinna leh Pathiana a inngahna hi a va ropui em! A nupuiin Pathian sawichhe tura a thlem pawhin a duh lo va. "Pathian hnen atangin thil tha kan hmu a, thil tha lo pawh kan hmu lo vang em ni?" tiin a chhang mai a ni. Amah hmangaih bertua a ngaihte - a nupui, thian thate leh a chhiahhlawhte lamin an ngaihsak duh lo va, hnêntu leh thlamuantu tumah

a nei lo. Mahse, Pathian a ring tlat a : “Ka tlantu chu a nung tih ka hria,” tiin a lo au chhuak a. A tlantu chuan tunah a tuarna rapthlak tak ata a la chhanchhuak rih lo va; mahse a beidawng mai lo va. A tlantu chuan nakinah a la chhanchhuak dawn tih a ring tlat a ni. Chuvangin, harsatna leh tuarna karah pawh a zâm mai lo va, a beidawng mai hek lo. Pathian chu a nunna chung a thuneitu a ni tih a hria a. A chung a thil lo thleng leh a tuarna zawng zawng pawh a hriatpui tih a hria.

Tirhko Paula pawhin he khawvela tuarna nasa tak pawh hi nakina ropuina a dawn tur nen chuan tehkhin thamah a ruat lo va. Joba pawh hian Pathian chhanchhuahna leh chawimawina a dawn tui chu a hre chiang a, a tuar lai pawhin a mangang mai lo a ni.

Keini pawhin harsatna leh mangannate kan tâwk thin Chung hunah chuan Joba tuarna leh a tuar dante i hre reng thin ang u. Mi huaisen kal hmasa te, kan tan entawn tur an lo awm hi kan va vânnai êm !

54 ISUA HNEN LAM PANIN

“Isua hnen lam panin tui chungah chuan kein a kal a Nimahsela, thli tleh chu a hmuhin a hlau va; tin, a pil dawn a, ‘Lalpa, mi chhandam rawh,’ tiin a au ta a.” (Matthaia 14:29,30)

Zirtirten Lal Isua tui chung a kal an hmuh chuan an hlau va, Lal Isua aw an hriat erawh chuan an thlamuang ta a. Petera’n Lal Isua hnenah, “Lalpa, nang i nih chuan tui chung a hnena kal thu mi pe rawh,” tiin a ngen a. Lal

Isuan, "Lo kal ta che," tiin a chhang a. Petera chuan Isua a en a, a hnen lam panin a kal ta a. Mahse, Isua lam en lova, tuifawn a en chuan a hlau va, a pil dawn ta mai a. "Lalpa, min chhandam rawh," tiin Petera chuan Lal Isua a ngen a. Ani chuan a kutin a ban a, a chelh a.

Kan mihring nun hi lungngaihna thlipui leh manganna tuifâwnte'n a lên thin. Hlauthawng tak leh mangang takin a awm thin. Lal Isua hnenah kan lungngaihna leh mangannate kan thlen chuan Ani'n min hnehsak thin. Lal Isua lam en lova kan lungngaihna leh manganna kan en erawh chuan min chim pil mai dawnin kan hre thin a ni. Harsatna leh manganna kan tawh lain min tanpui turin Lal Isua au thin ila, Ani'n min hnehsakin min thlamuan dawn a ni. Amah pan lova, kan harsatna leh manganna ringawt kan ngaihtuah crawh chuan, "Mi vanduai ber kan ni," tih mai a awl thin.

Petera'n tuifawn chung lamah Lal Isua a en a, a hnen lam pana a kal ang hian, kan lungngaihna te, manganna te leh tuarna te en khûmin Lal Isua lam en ila. A hnenah kan lungngaihna te, manganna te leh tuarna te thlen ila: "Lalpa, mi chhandam rawh," tiin i au ve thin ang u.

Petera hian Lal Isua chhanchhuahna a dawn hi a rilruah a vawng reng a ni ang. Kristian harsatna tawkte hnena lehkha a thawnah pawh fuihna thu a la sawi ta zel a: "Ani'n a ngaihsak thin che u avangin, in manganna zawng zawng chu Ama chungah nghat vek rawh u," tiin. Kan phurh zawh loh lungngaihna leh mangannate hi Pathian chungah i nghat ve ang u; tichuan, Ani'n min lo chhâwk dawn a ni.

55. THIH PAWH HLAWKNA

"Kei atan zawng nun hi Krista a ni si a, thih pawh hlâwkna a ni." (Philippi 1:21)

Bible-ah thihna tâwk lo mi pahnih an awm a chungte chu Elija leh Enoka an ni. Anni tih loh chuan thihna hi kan tâwk theuh dawn niin a lang. Thihna hi châna leh hlohna niin kan ngai a. Mi hring tan chuan thihna hi hlâwkna nia ngaih theih har tak a ni. Thihna hi chhiatna, boralna te kan ti thin.

Tirhkoh Paula erawh chuan, "Thih hi hlâwkna a ni," tiin a lo sawi a. Engtin nge Paula hian thih hi hlâwkna a ni tia a sawi theih bik le? Paula chuan he khawvela dam zel aiin kal chhuaha, Krista hnena awm a châk zawk a. He khawvel lungngaihna te, manganna te, natna leh tuarna te kal-an a, Krista hnena thlamuang taka awm chu a châkawm zawkin a hria a ni.

Vawikhat chu, ka thianpa a thi a. Sawrkar Officer hnathawk a ni a. A thawhna department hotu chu hnam dang, Kristian ni lo a ni a. An department aiawhin thu a sawi a. "Vawiin hian thlamuanna thu sawi tur ka nei lo," tiin a sawi a. Krista ring lo mite chuan thihna chungah thlamuanna thu sawi tur an nei lo a ni. Ka thusawi inghahla chu Marka 6:50 thu a ni : "Thlamuang takin awm rawh u, keimah ka ni alâwm, hlau suh u," tih hi. He thu hi Lal Isua sawi a ni. A zirtirte Galili dilah thlipuin a nuai a, an hlauvin an mangang em em mai. Chutih lai tak chuan anmahui tanpui turin dil chungah keim a lo kal a. A zirtirte chuan amui thla emaw an ti a, an hlau va. Lal Isuan an hnen-

h he thu hi a sawi a ni. Zirtirte chuan an Lalpa
 a ni tih an hriat chuan an hlauhna a reh a, an
 thlamuang ta a.

Krista neitute tan chuan thihna hi a hlauhawm
 o. Equador rama Missionary panga an thahte chan-
 chin, an zinga pakhat nupuiin a ziaa a. Chu leh-
 habu hmingah chuan, "Ropuina kawngkaa lutin,"
 ih hi a hmang a. Missionary panga thihna rap-
 thlak tak chanchin ziaa lehkhabu hning atan chuan
 a mak mang e, kan ti mai thei a ni. Mahse, heng
 Missionary te hi thihna kal tlangin Chatuan
 ropuinaah an lut a ni.

Pathian thu sawi thiam hmingthang Spurgeon
 chuan betiangin thu a sawi a: "Kan taksa hi lo
 wngrawpin, lo chau tial tial mah se, kan nunna chu
 Pathian kutah siam tharin a awm mek a ni. Min
 hmangaihtu hmel kan la hmu dawn a ni," tiin.
 Hmangaihtu hmel hmuh chu a va châkawm dawn
 êm ! Kristiante tan chuan thih hi hlâwkna a ni.

56. THLAMUANG TAKIN AN MU SIAI SIAI THIN

".....dik taka titute chu thlamuang takin an
 khumah an mu siai siai thin." (Isaia 57:1, 2)

Mi tinin thih hi kan hmabâk theuh va Eng
 hunah nge, engtiangin nge kan thih dawn kan
 hre lo. Thihna hi mihringte tan a rapthlak a, tuar
 thiam pawh a har thin a ni. Mahse, Pathian ring-
 tute tan chuan thihna hi kan tawpna a ni lo va,
 nun ropui zawk leh hlu zawk kan channa a ni.
 Ring lo miten thihna an hlau va, an thlaphang
 angin keini ringtute chu kan thlaphang ve tur a ni

lo. Thihna hlau lo leh thlamuang takin kan tâwk zawk tur a ni.

*"Thihna te hlau tawp lo turin,
 Kan nunna thuhruk a ni;
 Amah a lan hun apiangah,
 Ropuiin kan lang ve ang."*

Bangladesh-a Missionary nupa Harry & Nancy Goebing chu Bengali-ho zingah rawng an bawl a. Bengali-te kristian an nih hlan an nghakhlel em em mai. Engtin nge Pathianin hna a thawh dawn an hre lo. An rin loh takin Harry chu kum 32 mi lek niin a thi ta mai a. Harry-a thih lai chuan an puansutute nupa an awm ve a. Harry-a thi tur hmel chu an en reng a, thlamuang taka a thi an hmuh chuan mak an ti êm êm mai. Thih sual pawh nei lovin, bahdam tak leh thlamuang takin a thi a. An puansutute nupa hian Kristiante chu thlamuang tak leh bahdam takin an thi a ni tih an hmuhin an rilru a khawih êm êm mai a. Anni Hindu-te chuan thih an hlauvin, an thih dawnin an mangangin, an thlaphang êm êm thin a. Kristianah an inpe ta a. Harry-a thihna chu Kristian an nih phah ta a ni. Thihna pawh Chanchin Tha hrilhna hmanraw tangkai tak a lo ni reng mai.

Harry-a hi dam zel se, an hnenah Pathian thu hrilh thin se, he mite nupa hi Kristianah an inpe ang em, kan hre lo. Mahse, Harry-a thihna chuan an hnenah thu a sawi a, Kristian an nih phah ta a ni.

Kan thih hun lo thleng ve ta sela, thlamuang takin kan thi ve thei ang em? Kan chhuangte thih laiin thlamuang takin kan awm thei ang em?

57. THLARAU CHUAN MIN TAWNGTAI SAK THIN

“Thlarau chuan kan chak lohnate a pui thin a, engtia tawngtai tur nge tih kan hre si lo va; nimahsela, Thlarau chuan rûm sawi hleih theih lohvin min tawngtaisak thin.” (Rom 8:26)

Harsatna leh manganna nasa tak kan tawh laiin, kan rilru a hamhaihin, engtia tawngtai tur nge tih pawh kan hriat loh châng a awm thin. Tawngtai tulzia kan hria a, tawngtai kan duh a; mahse, tawngtai ngaihna kan hre thin lo. Kan chhungte an dam lo va, thih ngamin an nâ a, an dam leh kan duh a; mahse, an dam a beiseiawm si lo. Chung hunah chuan engtin nge kan tawngtai ang le? Tawngtai dan thiam a harsa hle thin a ni

Helai Pathian thu hian chutiang huna kan awm laia kan awm dan tur leh kan tih tur min hrilh a ni. A va lawmawm em! ‘Engtia tawngtai tur nge kan hre si lo va, nimahsela, Thlarau chuan rûm sawi hleih theih lohvin min tawngtaisak thin.’ Tawngtai dan kan thiam lohva, tawngtai ngaihna pawh kan hriat loh lai pawhin Thlarau chuan min tawngtaisak thin a ni. A va vanneihthlak em!

Pastor pakhat chu a damlo va, a na hle mai a. A kohhran miten an hmangaihin, an thlahlel hle mai a. Dam chhuak leh se an duh a; mahse a damchhuah leh a beiseiawm loh hle mai. A damna turin thahnemngai takin an tawngtai a; mahse, a thi ta a. A vuina inkhawm chu a rawngbawlpui Pastor-in a kaihruai a. Pastor chuan hetiangin thu a sawi a: “Kan Pastor damchhuah lehna tura kohhran mite thahnemngai taka tawngtaina chu Pathianin a chhang

lo a ni, tia ngai tam tak kan¹ awm ka¹ ring a. Mahse, Pathianin kan¹ jawngtaina a ngaithla a, kan tana tha turin a chhang thin a ni. Jawngtaina chi hnih Pathianin a dawng a. Pakhat chu Pastor dam lehna tura jawngtaina a ni a; a dang chu a nunna laksak tura Thlarau jawngtaina a ni. Pathianin Thlarau jawngtaina chu a chhang a, kan Pastor nunna chu a la ta a ni," tiin.

Pathianin kan¹ jawngtaina hi kan duh dan leh beisei dan ang kherin a chhang lo va. Pathianin kan tana tha tur a hria a, kan tana tha turin kan¹ jawngtaina a chhang thin a ni. Pathianin kan¹ jawngtai a chhanna hi kan¹ jawngtainaa kan dilna aiin a tha zawk a ni. Chu chu kan pawm thei em le?

58. THIH HI NUNNA A NI

"Thi lek lek angin, ngai teh u, kan nung si" (II Korinth 6:9). "Buh fang hi leia a tlaka a thih chuan a mal chauhvvin a awm reng thin; a thih loh erawh chuan tam takin a rah thin," (Johana 12:24).

Thih hi nunna a ni tih hi hriatthiam harsa kan ti hle awm e. Mahse, thu dik a ni tlat mai! Nunna nei chu eng hunah emaw a thi thin tih chu kan brethiam mai a. Mahse, thihne atengin nunna a lo chhuak tih hi hriatthiam bar tak a ni.

Talai chi leia kan thlak hi a thih zet loh chuan nunna, thar a lo chhuak thei lo. He thu dik hi thlai nunna chanchin zir mite chuan an bre Chiang em em mai. Keini chuan, "A thihin engtin nge a nun theih?" tiin kan zawt thin. Chu thuruk brette chuan, "A thih zet loh chuan a nung thei lo a ni," tiin min chhang ang. Hriatthiam loh chuan a mak a ni ti rawh u."

Thih chu nunna chauh pawh a ni lo va, punna a ni tih Lal Isua thusawi aṭang hian a Chiang hle mai. "A thih erawh chuan tam takin a rah ṭhin," tiin a sawi a ni. Thih hi nunna mai a ni lo va, tam taka rah chhuah theihna a ni. Lal Isua vêkin hmun dangah be thu hi a sawi a : "Tupawh a nun humhim duh apiangin a chān ang a, tupawh keimah vanga a nun chān apiangin a humhim ang," tiin. Nun humhim duh chuan chān huam tur a ni.

Lal Isua chuan mihringte mun hmangaih avangin a nun a chān a. A nunna a pek avangin keini'n chatuan nunna kan nei thei a ni. A tuarna chu keini tan hlāwkna a lo ni si. Tuarna hi hlāwkna a ni, tuar hlau suh. Tlawmna hi hnehna a ni, tlawm hlau suh.

"I nunna chu hlawkna atanga teh lovin,
Chānna aṭangin teh la.
Tuar nasa apiangin pek tur an ngah ṭhin
Tih hria ang che."

59. KA THLAMUANNA TURIN

"Ngai teh, ka thlamuanna turin a ni, thawpikna nasa tak ka neih kha ni: Nimahsela, nang chuan, ka nunna i hmangaih avangin, chhiatna khwar-khurum ata chu i chhanhim ta." (Isaia 38:17)

Harsatna leh manganna kan tawh lai te, natna leh tuarna kan neih lai te hian kan thawpikin, kan thlaphang ṭhin. Thihna kan tawh meuh phei chuan, "chhiatna kan tâwk," kan ti ṭhin a ni. Ngaihtuah ulh chāng phei chuan, "Engtizia nge hetanga kan chung a vanduaia a lo thlen? Eng

vang nge ni ang?" tiin kan zawt thin. Mi dangte aiin kan vanduai ta bik nia ngaih pawh awl tak a ni. Mahse, heng harsatna leh buaina te hi mi zawng zawng chung a thleng thin a ni.

Kristiante hi kan vannei hle mai. Kristian lote chuan vanduinana an tawh leh thihna an chung a lo thlenin, anmahni chhâwk zangkhai thei leh thlamuantu tur tumah an hre lo va, hrehawm an tuar tlawk tlawk mai a ni. Keini, Kristiante chuan min chhâwk zangkhai theitu leh min tanpuia, min thlamuantu Thlarau Thianghlum kan nei a. Harsatna leh tuarna kan chung a lo thleng pawh hahdam tak leh thlamuang takin kan tuar thei thin. Kan tuarna te min hriatpui tur chauh ni lovin, min tanpui a, min thlamuantu Thlarau Thianghlum Pathianin min pe a. Kan nihlawhin, kan va vannei êm! Pathian Thu chuan "Pathian thlamuanna rilru reng renga hriat sen loh khan in thinlung leh in ngaihtuahnate chu Krista Isuaah chuan a vensak ang che u," tiin min hrilh a ni. Pathianin min hmangaih avangin chhiatna khuarkhurum ata min chhanhim thin a ni.

Kristiante tan chuan kan chung a harsatna leh tuarna lo thlengte hi min tihrehawmtu leh min timangangtu ni lovin, Pathian hmangaihna kan hriat theihna tur leh a thlamuanna kan hriat theihna tur a lo ni zawk thin a ni.

*"Ka thinlungah muanna, he khawvel hriat ngai loh,
Thlamuanna tak tuk chu a awm;
Buahnate'n chhum angin min hual vel mah sela,
Ka hlau lawng; muanna ka nei alawm."*

60. KA PHUR PAWH A ZANG A NI

"Ka nghawngkaw! chu a nuam a, ka phur pawh a zang a ni." (Matthaia 11:30)

Kan thil phurh engpawh hian rihna eng emaw tal chu a nei zel a. Kan thil phurh chuan kan taksa a delh thin a. A rih viau chuan kan chauvin, kan hah thin a ni. Kan phurrit chu taksa phurrit leh rilru phurrit a ni thei a. A enga pawh hi ni se, phurh a hrehawm thin. Harsatna te, lungngaihna te, natna te, vanduaia te leh thihna te hi phurrit a ni vek mai. Hengte hi mihringte chungah a lo thleng thin a, min tihrehawmin min timangang thin a ni. Heng phurritte hi phurh duh lo mah ila, kan phurh loh theih loh, mi tin chungah lo thleng thin a ni a. A pumpelh theih loh a ni.

Mahse, phurrit phurte tan sawmna duhawm leh lawmawm tak, Lal Isua hnen atangin a lo thleng a. Lal Isua chuan, "Nangni, thawkrim leh phurrit phur zawng zawng te u, ka hnenah lo kal ula, keiman ka chawltir ang che u. Ka nghawngkaw! bat ula, ka hnenah zir rawh u. Ka nghawngkaw! chu a nuam a, ka phur pawh a zang a ni," tiin, kan phurrit min chhâwk turin a inpeih reng a ni.

Phurrit kan tih hi Bible tawngkam chuan "Pathianin a pêk che" tiin an sawi thin. Kan phurrit chu Pathian min pek a nih chuan Pathian chungah pawh vui mai awm tak a ni. Phurrit min petu chuan, phurrit hnuaia hrehawm taka kan awm a phal lo va, min chhâwk zangkhai a duh a ni.

Heta nghawngkaw! tih hi Mizote'n thil phurh nana kan hman nghawngkaw! hi a ni lo va. Lei lehna hmanrua bawng pahnihin a hnuhna nghawng-

kawl hi a ni. Chu nghâwngkaw! chu bâwng pakhat chauhvîn a hman chuan a habthlak thin a, bawng pahnihin an hnub a, an tan duu chuan a nuam thin. Chutiang baw! chuan kan phurrit chu keimahnî chauhva kan phurh chuan a rit thin a, Krista nena phurhin a zâng thin a ni. Ani chuan "Ka nghawngbaw! chu a nuam a, ka phur pawh a zâng a ni," a ti a. Kan phurrit phurhte keimahnî maia phur lovin, Lal Isua nen i phur thin ang u "Lalpa, a rit em mai, min phurhpui rawh," tiin i ngen thin ang u. Tichuan, ani'n min phurhpui ang a, kan phurrit chu a zângin phurh a nuam dawn a ni.

"I rit phurh chu Lalpa chungah nghat la, tichuan, ani'n a tichak ang che." (Sam 55:22)

"Ka phur Isuan min chhawk a,

Ka phurh zawh tawh loh chu;

La hlauhna min hneh sak thin,

Chak lo, chakah min siam:

Ka phur Isuan min chhawk a,

Zaiin ka fak ta a."

61. LALPA'N A DUH A NI

Lal Isua Jerusalem khawpuiah ropui takin, Lal angin, chawimawin a lut a (Marka 11:1-10). Hneh-tu lai angin a lut a ni. Lei leh vana thuneihna zawng zawng neltu Lal a ni reng a ni. A thu thuin engkim mai hi a awm mai a ni Damlote a tidam a, mitthite a kaitho va, thlipuite a hau reh a, tui fawn a thund a. Engkim chungah thu a nei a ni. Jerusalem a lai anga chawimawin a luh nan sabeng-tung so, tuma la chuan a ngai loh chu a zirtirten a neit hneh a ngai an la a. Sabengtung no an va

lak dawn chuan a neitute chuan, "Eng atan nge in lâk dawn?" tiin an zawt a. Anni chuan, "Lalpa'n a duh a ni," tiin an chhang a; Lalpa tan chuan phal takin an pe ta mai a ni.

Ni 10 April, 1989 khan vanduaithlak takin Tv. Lalengkima, Pi Thangi, Khatla, Aizawl fapa chu Delhi-ah in chhawng sang tak, pawn lam kailawn atangin a tla a, a thi a. A ruang chu Aizawlah lak chhoh a tul ta a. A local guardian ka ni a, a ruang chu ka zui chho ta a. Ni 11 zanah Aizawl kan thleng a. A ruang an ina an lak luh lai chuan a nu chu "Pathian ropui rawh se," tiin a au chhuak a. An in chhunga awm zawng zawng pawhin a tih angin an ti vekin a hria a. Engkima thih thu hi Synod damdawi Ina a fapa pakhat damlo a awm-pui laiin a hria a. Engkima thih thu a hriat hian a rilruah, "Lalpa'n a duh a ni," tih thu hi a lo lang a. An in a thlen chuan a fate an lo tap lai h lai h a. "Tap suh u, rorel fel a tul, thahna hun zawng a la tam mai," tiin a sawi a. Engkima ruang chu Aizawla lâk duh hle mah se, a harsat dan leh senso a tam tur a ngaihtuabin lak loh mai thain a hria a. Mahse, an chhungkhat lainâte'n lâk chhoh an lo rêl fel tawh a. An duh ang chuan a ruang chu thuang takin Aizawlah lak chhoh a ni ta a.

A ruang phûm zan chuan an ina lenkbawmnaah Pi Thangi chuan thu a sawi a, tawngtaina a hlân bawk a. Heti hian a sawi : "Lalengkima hi kum 20 chuang lai Pathianin min kawltir a, ka ta emaw ka lo ti hman tawh a. Mahse, Pathian ta a ni a, a neituin a la leh ta a ni. Min laksak chungchangah vui tur ka ni lo; a neituin a thuin a ti mai a ni

zawk. Lalpa'n min pe a, Lalpa'n a la leh ta a ni. A thihna hi Pathian ropuina ni se ka duh ber a ni," tiin a sawi thei a Kan zai a, a lâm a, a hmel hmuh a hahdam em em mai! A hnen atangin zir tur a awm hlein ka hria. Kan chung a thil lo thlengte, kan thil tawhte hi, "Lalpa'n a duh a ni, Lalpa duh dan a ni," tiin kan sawi ve thei ang e.n le ?

62. LUNGNGAIHNAIN MIN LIAMTIR DAWN A NI !

"Ka fapa hi in hnenah a chhuk ve lo vang; a u a thi tawh a, amah chauh hi a ni tawh si a: in kalna kawng lakah te tawhsual a zuk tawh chuan, ka lu tuak hi lungngaihna in thlânah in liamtir dawn a ni," (Genesis 42:38)

He hun laia Jakoba lungngaihna leh manganna hi eng emaw chen chu kan hriatthiampui phak awm e. A fa duat, Josefa a awm tawh lo va, a thi niin a ngai a. An ramah tām a tla a, ei tur an nei lo va, Aigupta ramah a fate pūr phur turin a tir a. An nau Josefa, mumang neia an tih ma kha, Aigupta ram hotu a lo ni a. A hnenah an kâl a. Mumanga a hmuh ang ngei khan a unaute chuan chibai an bûk ta! Josefa a nih an hre lo va, Josefa erawh chuan a unaute an ni tih a hria Buh chu an duh tawh a leitir a. Anmahni ring hiet angin a awm a. Anmahni fiah nen thil pahni a phût ta a. Pakhatna chu an unau zinga pakha an hnutchhih tur a ni, a pahnihna chu, buh le tura an lo kal leh hunah an zinga naupang ber Benjamin an bruai tur a ni.

In an thlen chuan an pa Jakoba hnenah heng thu hi an hrih a. Jakoba chu a mangang hle mai. Heti hian a sawi chhuak hial a : "Nangni hian ka fate mi chântir a nih hi : Josefa a awm tawh lo va, Simeona pawh a awm tawh hek lo; Benjamina lam pawh hruai bo in tum lehzel a; chung thil zawng zawng chuan mi tlakbuak a nih hi !" tiin. Jakoba rilru natzia chu kan suangtuah thiam mai âwm e !

Jakoba ang hian kan chung a harsatna lo thleng te hi hriatthiam a va har ên ! Harsatna pakhat mai pawh ni lo, pahnih pathum a lo thlen zâwn phei chuan hriatthiam a har zual thin a ni. Ringtute meuh pawh hi Pathian laka vui mai awl tak a ni ! Pathian remruat dan leh a thiltum hi hriat phak a va har êm !

Amaherawhchu, buaina leh harsat hun laia chauva, beidawng mai lovin, Pathian ringtu chu a lo harh chhuak leh thin a ni. A mangan zual lai chuan Jakoba pawhin a fate a mawhchhiat a; lungngaihna a hun tawp a thleng dawn niin a ngai a ni An buh neih chhun chu an ei zo dawn ta a. Aigupta ramah chuan kal leh lo thei an ni lo va. An kal dawn chuan Benjamina hruai ngei a ngai si a. Jakoba chuan Pathian khawngaihna dilin, a hnena ingghatin a fate a kaltir leh ta a (43:13, 14). A hlauhthawn ang zawngin a fate chu a chhan ta lo va. Josefa chu a unaute hnenah a inhriattir ta a. Buh pawh an duh tâwk a pe a, a man pawh a thing ta lo va. An beisei phak loh duhsakna an dawng ta a. Josefa chuan a unaute hnenah chuan heti hian a sawi ta a : "In unaupa Josefa Aigupta rama luhpui tura in hralha kha ka ni. Nimahsela, beta kal tura mi hralh avang hian lungngai duh suh

ula, mahni inhaw duh hek sub u, mite nunna chhan dam turin Pathianin in hmaah bian mi lo tir hmasa a nih hi," tiin (45:4,5). "Thu ka pe a che. Heti hian ti rawh u : in fanau tē tē te tan leh in nupuite tan Aigupta ram atang hian tawlwailirte la ula, in pa hruiin lo kal rawh u. In bungrua pawh ngaihtuah duh sub u, Aigupta ram zawng zawnga thil tha tin-rêng hi in ta a ni si a" (45:19, 20). Josefa unau-te'n heng thu an hriat chuan an va lawm nasa dawn êm ! Kanaan ram an thleng a, an pa hnenah chuan Josefa thusawi zawng zawng chu an hriih ta a; Jakoba thilung chu a harh ta huai a An hlimin, an va lawm dawn êm !

Lungngaihna leh manganna nasa tak kan tawh chângin heng thute hi i ngaihtuah thin ang u. Kan thilung hah a lo harh ang a, Pathian chhâwkna leh thlamuanna kan dawng ve thei ngei ang.

63. LUNGKHAM A SAWT LO

"Chuvangin, ka hriih a che u, 'Eng nge ka ei ang a, eng nge ka in ang aw?' tiin in nunna thu leh, 'Eng nge ka silhin ka fen ang aw?' tiin in taksa thu lungkham sub u .. Chutichuan, a tuk atan lungkham sub u .. Ni khat atan ni khat hrehawm hi a tawh a ni." (Mat. 6:25-34)

Lal Isua hian mihring rilru put dan a hre ble mai. Mihring rilru hian thil tam tak a ngaihtuah a; a lungkham thin a ni. Pathianin mihring hi ngaihtuahna hmang thein min siam a. Ngaihtuahna kan hmang thei hi fannung dangte aia kan danglatna pawh a ni a. Ngaihtuahna hman leh kan awm dan tur ruahmanna neih hi thil sual a ni lo.

Mahse, rilru tihrehawm nana hman leh lungkham hi a sawt lo a ni.

Lungkham neih hian taksa leh rilru a tihrehawm thin a. Hriselna pawhin a tuar phah thei a ni. Damdawi lam thiam mite chuan pumpui natna hi lungkham neih vang a ni theiin an hria. Rilru hlim hi damdawi tha a ni angin, rilru hah hi natna thlentü a ni thei ngei ang.

Lungkham neih tul lohna chhante lo ngaih-tuah ila :

- 1) Kan nunna leh taksa hi Pathian siam a ni a. Siamtu chuan kan mamawh min pe zel.**
- 2) Pathian chuan a thil siam zawng zawng a enkawl a. A thilsiam zinga ropui ber mihring phe chu min va enkawl nasa dawn em !**
- 3) Pathianin kan mamawh engkim a hria a, chuvangin, lungkham a sawt lo a ni.**
- 4) Lungkham vangin kan taksa kan tidanglam thei lo. Kan tihdanglam theih dan chu - taksa leh rilru tihrehawmna, natna thlen hi a ni.**
- 5) Lungkham hi Pathian ring lo mite tihawm chauh a ni a, Pathian ringtute tan lungkham tur a awm lo. Lungkham hi Pathian rin zawh lohna a ni a, Pathian ringtu chuan a lungkham tur a ni lo.**
- 6) Ni tin hian ama tawka lungkham tur a nei zel a, a tuk atan lungkham neih hi a tul lo a ni.**
- 7) Kan taksa mamawh chi hrang hrang - kan lungkham thinte hi Pathianin min pek a tiam a. Chumi dawng tur chuan A ram leh A felna zawn hmasak a ngai a ni. Mihringte hian mahni kan indah hmasa ber a, a dawtah mi dang. Pathian chu a hnubnung berah kan dah thin. Chumi letlinga rilru put nan a pawimawh a ni.**

*"Muanna tam tak kan chan fo va,
sual leh lungngaih (lungkham) kan tuar thlawn,
Engkimah Lal Isua ringa
Kan jawngtai loh avangin."*

Engkimah Lal Isua ring ngam ila chuan, lungkham chu kan nei hauh lovang le! Lal Isua ringtu invuah hian Lal Isua aiin keimahni leh mi dangte kan ring zawk fo mai hi kan ti dik lo a ni.

Engkimah Lal Isua rin zir ila. "I thu ni se," tiin a hnenah i inkawltir thin ang u.

"Lungkham neih hian mi tihrehawm a;
Thu tha crawh chuan a tilawm thin."
(Thufingte 12:25)

64. PATHIAN NUNG THIL TI THEI

"Pathian Thu hi a nung a, thil a ti thei a, khandaiah hriam tawn eng ang ai pawhin a hriam a, nunna leh thlarau, ruhtuah leh thling phel hrang khawp hialin a chhun thei a, thilunga ngaihtuah leh tum te hi a hre thei a ni,"
(Heb. 4:12)

Johana chuan, "Thu hi Pathian a ni," a ti a. "A tirin Thu a awm, Thu chu Pathian a ni," (Joh. 1:1). Chutichuan, 'Pathian Thu hi a nung a, thil a ti thei a,' tih chu 'Pathian hi a nung a, thil a ti thei a,' tih nen thuhmun a ni.

Kan Pathian hi Pathian nung, thil ti thei a nihzia chu Bible thu atang leh a mite nun atangin a hriat chian theih hle a ni. Israel fate a enkawl leh a hrui danah te Pathian nung leh thil ti thei a nihzia a lang Chiang hle a. Daniela leh a thiante pathum a chhanchhuah danah pawh kan hmu Chiang hle a ni. A dang tam tak sawi tur a awm zel mai.

Israel fate chungah leh mi dangte chung a thawh danah Pathian nung, thil ti thei a nihzia chu phat rual lohvin a lang a; keini pawhin, 'a dikzia kan hria alawm,' kan ti thei awm e.

A nih leh, Pathian nung, thil ti thei a nihzia hi nangma nunah i hre ve tawh ngai em le? Hei hi zawhna pawimawh tak a ni. I ngaihtuah tlâng teh ang u. Keini chhungkua pawhin Pathian nung, thil ti thei a nihzia hi kan tem ve zauh zauh thin a. Tun hnaia kan hriat ka han hrih ang che u. Kan Kohhranin Mizoram pawnah tum hnih min tir chhuak a Kan fanu Flora Lalramruati zirnain a tuar phah hle a. Kan insawna hmunah zirlai a lo danglam zel avangin, harsatna a tawh a ni. A zir rualpuite aiin kum hnih laiin a pawl a hniam phah a. Kum 1991 February thla bul lam khan Class X a exam a. Exam ni hmasa ber dawn zan-ah a zir thiam tawhte a ngaihfin vekin a inhria a, a mangang hle mai a. "Ka pa, ka exam lo mai ang e, zia tur ka hre hauh lo vang," a ti a. Kan mangang hle mai a. Khum pindana kan lut a, thingthin Pathian hnenah kan jawngtai ta a. A tuk khua a lo var a, exam pawh chu a bei thei ta a; Pathianin kan jawngtaina a chhang a, a passed ve ta a. Pathian chungah kan lawm hle. Delhi-ah hian sikul luhna hmuh hi thil harsa tak a ni. Class XI a zirna tur sikul kan ngaihtuah leh ta a. Sikul pathum laiah lub kan dil a, min tanpui thei tur te pawh neiin kan inhria a. An tanpuinain a eng berah emaw chuan kan luhtir theih kan beisei a. Mahse, kan beisei angin thil a kal tuang lo va. Harsatna eng emaw a lo awm zel a. Pathian hnena jawngtainaah te pawh kan dil thin a. Mahse, Amah aiin midang min tanpui tura kan beiseite

kha kan ring zawk ta a. Amah aia mi dangte kan lo ring zawk a nih chuan min ngaidam tur leh, Amah chu ring ngam tur leh, kan tana tha tur ber sikula a luh theihna tur min ngaihtuahsak turin kan thlen leh ta a. Kan beisei ngam tawh loh hnuah kan sikul luh dilna pakhat, kan in atanga hnai tê, kea kal phak maiah luh theihna min pe leh ta mai a. Pathian nung, thil ti thei leh rin tlak a nihzia a tharin kan dawng leh ta a. Pathian hnenah lawmthu kan sawi leh ta a ni. Kan Pathian hi Pathian nung, thil ti thei a lo ni tak zet mai. Chu Pathian chu i thinlung chhungah a nung ve tawh em ?

*"A nung, A nung, Krista Isua a nung,
 Kan leng dun thin, kan inkawm thin ;
 Nun kawng zim takah hian,
 A nung, A nung, Chhandamna pe turin
 Engtin nge ka hriat min zawt maw ?
 A nung, ka thinlungah."*

65. KEI CHUAN PATHIAN KA LA RING TLAT ASIN

Ni khat chu Pastor John Paterson-a hian a kohhrana mi pakhat chu a fanu a thih avangin a leppui a. Chu pa chuan a fanu chu a ngai em em mai a. A fanu thlalak chu Pastor a entir a, a hnenah heti hian thu a sawi a. "Pastor, he ka fanu hi he inah hian ni tin, zan tin a tian vel thin a, chu chu himuhpawm ka ti hle thin. Nimahsela, tunah chuan a thi ta. Pathian hnenah a damna turin ka jawngtai a, mahac a thi ta tho si a. Tun hnuah chuan Pathian hnenah ka jawngtai ngai tawh

dawn lo va, Biak Inah pawh ka hmel hmuh hersei tawh lo vang che" tiin.

Pastor chuan a thusawi chu a han ngaihtuahin a rilru natna chu thu maiin a tihdam theih dawnin a hre lo va, hnemna leh thlamuanna thu engmah sawi lovin a hawsan ta a.

Hun rei vak lovah chuan Pastor fapa naupang chu a thi ve ta a. Thihna leh lungngaihna karah pawh Pastor chuan Pathian a rinna a vawng tlat a. Tun hma lawka a Kohhrana mi, a fanu a thih avanga beidawnga lungngai taka awm chu a hnem thei dawnin a hre ta a. Tichuan, chu pa inah chuan a va leng leh a. Kawngkhar a kik a, in neitupa chuan a han hawng a, Pastor chuan chibai a buk a, "Unaupa, kei chuan Pathian ka la ring tlat asin..." tiin a hrilh a. Chu pa chuan Pastor chung a thil lo thleng chu a hre ve reng a. Pastor-in a hnena thu a sawi chuan a rilru a hneh ta hle a. Tichuan Pathianni leh atang chuan Biak Inah a inkhawm leh ta a ni.

Thu tam tak sawi dun lo mah se, an chung a thil lo thleng leh an tuar thuhmun chuan an rilru a inhmuhtir a, an inthlamuan tawn thei ta a ni.

Habakuka 3:17-18

"Theipui thing pâr vul dâwn lovin,

Grep hrui rah dawn hek suh seng.

Olive thing pawh rah lovin,

Lovin ei tur chhuah dawn lo seng,

Huang ata ran rual tibovin,

Ran inah ran awm lo mah seng,

Ka lawm zel ang, LALPA-ab chuan,

**Ka chhandamna Pathianah chuan ka lawm
cheu dawn."**

66. RINNA LOVIN I HLIM ZAWK ANG EM?

Khaw pakhatah Kristian sumdawng pakhat a awm a. Vanduaithlak takin a kâwng chin hnuai lam a zeng a, chutianga a awm hma chuan Kristian tha tak leh tangkai tak a ni a. Chutianga zeng, che thei lo leh engmah thawk thei lova na tuara a awm avang chuan a lungngaiin a mangang hle thin a.

Ni khat chu pastor-in a va tlawh a. A nat dan te leh a lungngaih thute a lo hriih a. Pastor hnenah chuan, "Pastor, ka rinna hi eng nge a tangkaina? Engmah a sawt lo ve" tiin beidawng takin a hriih a. Pastor chuan, "I natna leh i lungngaihna chu ka hriatthiampui ngawt mai che, Pathiana beidawna i nei pawh i thiamawm khawp mai. Mahse, thil pakhat ka zawt ang che, i beidawna i rinna i bansan hmain hei hi ngaihtuah teh, i lungngaihna leh natna avangin beidawngin i rinna hi bansan ta la, i natna hi a dam phah ang em? Rinna tel lova i tuarin i hlimin i lawin zawkin i ring em?" a han ti a.

Chu pa chuan Pastor hnen atangin thlamuanna thu a beisei a, a beisei loh tak, amah inngaihtuah harhna tur thu a dawng ta hlah zawk a. Pastor-in a hnena a sawi chu dikin a hria a, tichuan Pathian ringin chhel takin a natna chu a tuar thei ta a ni.

Sām 116:3,4,5

"Thihna hruihrualte chuan mi zem a,
Seol natnate chuan mi man a ;
Manganna leh lungngaihna ka lo tawk a.

Chu veleh chuan LALPA hming chu ka lam a;
 "Aw Lalpa, khawngaih takin ka nunna hi
 chhanhim ang che" tiin.

Lalpa chu mi khawngaih thei tak leh fel tak a
 ni a;

A ni, kan Pathian chu mi lainat thei tak a ni.
 Ka nunna hi thihna lakah i chhanhim si a.

67. KUTA INCHELHIN, NGAWI RENGIN

John-a leh Robert-a chu sikul an kal lai hun
 atanga thian inkawm ngeih tak an ni a. An lo
 puitlin thlengin thian inkawm ngeih tak an ni zel
 a. Robert-a chuan Pastor hna a thawk a.

Vanduaithlak takin John-a nupui chu a thi a,
 a fate pahnih leh a pasal chu a thihsan ta a. A
 tuar thiam hle mai. Miten an tuarpuiin amah
 hnemna thute an sawipui thin a. I nupui chu nat-
 na tuar tawh lo turin a awm tawh a, chuvangin
 intilungngai lutuk mah ta che, i fate pahnih enkawl
 tur i nei a; anni hi ngaihsak rawh, an ti thin a.
 An thusawite chu a hre thiam vek mai, mahse a
 nupui, a hmangaih chu a thi ta a, an hnenah a
 awm ta lo chuan a rilru a tihrehawm em em mai a.

Ni khat chu a thianpa Robert-a chu an inah a
 lo leng ve a. Kum hnih lai kal tawhah khan Ro-
 bert-a chuan a nupui leh a fapa neih chhun chu
 Motor chet sualnaah a lo then tawh a.

An thian dun chuan chibai an inbuk a, inhma-
 tawnin ngawi rengin an ding dun a. Robert-a
 chuan John-a hnenah hrilh tur tam tak a nei a,
 mahse an kut inchelhin, ngawi rengin an ding dun
 reng a. Chutianga a thianpain a tuarpaina chuan
 John-a chu nasa takin a thlamuan ta a ni.

Sam 42:11

"Aw, ka nunna, engah nge i kun reng ?

Engah nge ka chhungah hian i buai ni ?

Pathian beisei rawh; amah chu ka la fak dawn
si a,

Ka hmel tidamtu leh ka Pathian chu."

68. KHAWNGAIH THIL NAWI TE TE

Ni khat chu Pastor pakhat hian a Kohhrana mi, nu pakhat, bel zuar, a damloh avanga damdawi ina awm chu a tlawh a. Thingtlang khuaa in chhe t̄a awm thin a ni a. Damdawi in chu phui tak a ni a, a la awm ngai loh avangin a thawpik-thlak hlein a hria a.

Pastorin a va tlawh chuan a hnenah, "Pastor, he damdawi in hi a ūp khawp mai a, ka thaw a ipik hle mai. Boruak thianghlim hip theihna thianghlim hmun thengthaw ka ngai hle mai," tiin a lo hrih a.

Pastor chuan mangang lo tur leh thlamuang taka awm turin a hrih a, a chhuahsan leh ta a. Chu nu chenna hmun lamah chuan a kal a, pangpar chi hrang hrang a va laksak a, damdawi inah chuan a kir leh ta a; chu nu damlo hnenah chuan pangparte chu a va pe a. Chu nu chuan pangparte chu a hmuh chuan a lawm em em mai a, a hmelah hlim hmel a lang chhuak a. "Pastor, ka va lawm tak em !" tiin lawmthu a hrih a. Pastor-in a ngaih-sakzia leh a duhsakzia a hria a, a lawm em em a ni.

"Khawngaih thil nawi te te,

Man nei tham lo chu;

Ram thu leng atan chuan,

Ro atin a hlu."

69. TLEMTE A TAWK, PEN KHAT PAWH NI MAH SE

Mi tinin thil lo thleng tur hriat kan chak a. Naktukah thil eng nge lo thleng dawn tih hriat kan chak thin. Amaherawhchu, mi tumahin tun hun piah lama thil lo thleng tur hi kan hre thei lo Lal Isua chuan heti hian a sawi, "Chutichuan, a tuk atan lungkham suh u, a tuk chuan ama tan a lungkham chawp dawn si a. Ni khat atan ni khat hrehawm chu a tawk a ni." A zirtirte hnenah, "Vawiinah hian kan ei khawpin chaw min pe ang che," tia tawngtai turin a zirtir baw a. Nakina thil lo thleng tur kan engto leh ngaihtuahna lamah tun huna kan tih tur kan ngaihtah baw thin a ni.

Nakina thil lo thleng tur hi tumahin hre lo mah ila, keini Kristiante chuan hun chung a thu-neitu leh roreltu Pathian kan hriat avangin kan thla a muang a ni.

"Enna nunnem thimin ka vel a bawm" tih hla phuaktu hian a lo hre dik hle a ni.

"Enna nunnem, thimin ka vel a bawm

Mi kai ang che;

Zan a ni e, inhlatin ka lo awm,

Mi kai ang che.

Ka ke veng la, thil hlat ka dil lo ve,

Tlemte a tawk - pen khat pawh ni mah se."

Kan chung a thil lo thleng tur kan hre lo hi malsawmna ropui tak a ni. Kan chung a thil lo thleng tur hi hre thei vek ila, lungngaia mangangin kan kun reng mai awm e!

70. THLAMUANNA THUCHAH

PATHIANIN hlahna vanga i lungngaihna hnem
turin Chakna pe che sela.

PATHIANIN ni tin i mamawh ang zelin khaw-
ngaihna pe che rawh se.

PATHIANIN tuma pek theih loh Thlamuanna leh
hahdamna pe che sela.

PATHIANIN A hmangaihna angchhungah kum
khuain hum che rawh se. Sam 67:1

Pathianin min khawngaih sela, mal
min sawm sela, A hmel chu kan
chungah rawn êntir rawh se.

71. THU PANGA TAWI TE

Ni khat chu nu pakhat hian a fanu kum 11 mi
hi a len chhuahpui a; kawnga an kal lai chuan pu-
tar tiang hawl hi an tawk a, an kalpel mai dawn
a. Chu hmeichhe naupang chuan, "Ka pu i dam
em?" a han ti a. Putar chu a lo lebhawi a, a nui
suk a. "Dam e," tiin a chhang a. Thu dang phei
chu a sawi zui hauh lo. Chu nu chuan a fanu chu
a kai a, an kal zel a. Nakinah chuan a fanu hnen-
ah chuan, "Kha putar kha i hmelhriat mi a ni em
ni?" tiin a zawt a. A fanu chuan, "Ni lo ve, ka
nu, tarte hi an khua a har awm em a, ka'n be ve
mai a nih kha," tiin a chhang a. A nu rilru chu
a fanu thusawi chuan a khawih ta viau mai a. "Ka
fanu chuan putar a hmelhriat pawh ni lo chu hlim
hmel puin a bia a, engati nge kei hian ka tih ve
theih loh?" tiin a ingaihtuah a. Amah leh a mawh-
phurhna thil tam tak a ngaihtuahnain a rilru a luah
khat a, mi dang a ngaihtuah chang lo a ni. Chung

thu panga, tawite, a fanuin putar hnena a sawi chuan chu putar khawhar tak chu a hnemin a tihlim hlein a ring a. A fanu thusawi tawitê chuan a Kristian nunah nasa takin thu a sawi ta a ni. Inngaihsakna leh tawngkam tha tawitê hian rilru a tihlim thin a ni.

I Pet. 5:7

“Pathian kut chak tak hnuaiah chuan intihnuai ula, anin a ngaihsak thin che u avangin in manganna zawng zawng ama chungah nghat vek rawh u.”

72. MI DANGTE TANA NUN PEK

Elizabeth Findlay chuan mite tana thil tha tih theih dan tha nia a rin chu Nurse hna thawh a ni a. Tichuan, Nurse hna zirna sikulah a kal a, a zir zawh chuan Strathmartine Hospital-ah Nurse hna a thawk ta a. Damlote enkawlin, thlamuanin, an thi tur te a bawisawm thin a. Nurse hna thawh pawh chu duhtawk lovin, pianphunga rual ban lo naupangte enkawl na hmunah a thawk leh ta a. Naupangte chu hmangaih takin a enkawl a, an zinga buai taka awmte chu nuam a ti em em thin a. Chu hna chu a thawh chak ber leh a dam chhunga thawh a tum a ni a.

Vanduaithlak takin, amah chu a damlo va, rei lote hnuah chuan a thi ta mai a. Chu hna chu kum nga chauh a thawk hman a ni.

Tanpui ngaite tana nun petu chu Pathianin rei tak damtir awm tak kan ti awm e! A ni ngawt mai. Mahse kum nga chauh hna a thawk hman a, naupang tê niin a thi ta mai a ni. Engati nge Pathianin a thih a phal. He zawhna hi tumahin kan

chhang thei lo. A chhan kan hre phak lo a ni. Amaherawhchu, hei hi kan hria - Elizabeth Findlay chuan kum nga chauh hna a thawh chhung hian mi tam takin kan dam chhung hun rei tak kan thawh aia tam zawk a thawk hman a ni. Lal Isua, mi zawng zawng tana a nun petu pawhin kum thum chhung lek hna a thawk a. A hnathawh chu hna ropui ber a ni si. Hna kan thawh that leh kan thawh tam hi kan thawh reiah a innghat lo va, kan thawhna rilru leh kan inpeknaah a innghat zawk a ni.

Marka 10:45

"Mi tam tak tlan nana a nun pe zawk turin a lo kal a ni si a."

73. PATHIAN NEN CHUAN ENKIM TIH THEIH A NI

America rama Pastor pakhat chu a pian tirha kut bûl a ni a. Kut bula a piang chhuak chu a nu leh pa rilru tinatu a ni a. A lo seilianin a lo puidling ang a, nu leh pa rilru tibrehawm a, tilung-ngaitu mai a ni dawn si.

Nikhua, a lo hre tan a, a kut a bûl a ni tih a lo hria a. Mahse, a piansualna chuan khawvel tana a tangkaina dal lo turin theihtawp a chhuah a. Pastor nih a tum tlat mai a ni. Engtin nge kut nei lo chuan Pastor hna a thawh ang? Kohbran thil serh sakramen pawimawh - Lalpa Zanriah buatsaih leh Baptisma chantir te engtin nge a tih theih ang?

A nu leh a pa leh a lainate chuan Pastor nih a tumna rilru chu tihdanglam tumin nasa takin an bei a. Mahse, a tumna chu a ngbet a, a rilru a sawn duh hauh lo mai. A tum ang ngei chuan

Pastor a lo ni ta. Kum 30 lai hlawhtling takin rawng a bawl ta a ni.

Engtin nge Lalpa Zanriah Sakramen leh Baptisma te a buatsaih? Lalpa Zanriah Sakramen chu thil tul engkim Upaten an buatsaih a. Thu a sawi thei a, tih tur a kawhhmuh thei a. Kut hman tul-na apiangah Upa ten an tihsak thin. Baptisma a chantir chuan Baptisma no chhunga tuiah chuan a hmui a va chiah a, naupang chalah a fawp zel mai a ni. Mihring tana tih theih loh hi Pathian nen chuan a tih theih zel thin a ni.

74. ENG HUNAH NGE I HLIM BER ?

He zawhna hi, "Eng vangin nge i hlim ber?" tih zawhna nen thuhmun a ni lo. Hla phuahu pa-khat chuan, "Eng nge ka hlim chhan mi zawh chuan, Krista ka tana thi chu," tiin a lo phuah a. Kristiante hlim chhan ber chu Krista min hmangaih avanga kan tana thi chu a ni ngei mai.

He zawhna kan chhan tur hi 'mihringten kan hun tawng hrang hrangah hian eng hunah nge kan hlim ber?' tih zawhna a ni a. Kan tul lai ber hian kan hlim ber, tiin a chhan theih awm e. Kan tul a, kan buai em em lai chuan, hnathawh zawha chawlh kan chak a ni mai thei. Mahse hnathawh tur nei lo va, awm mai mai chuan khua a har a, hrehawm kan ti leh mai thin. Hnathawh hi a hlim-awmin a nuam ber a ni ang. Lal Isua pawhin, "Ka Pa duhzawng tih hi ka chaw tui ber a ni," a lo ti a ni. Hna kan thawh hian, kan hnathawhah kan rilru kan pe zo va, kan harsatna leh lungngaih-nate pawh kan theihngilh thin. Hna kan thawh hian kan rilru pawh a thianghlim a ni. Hna thawk

lova kan awm mai mai hian kan rilru a chaw
chuang si lo va, thil sualte kan ngaihtuah thin.
“Dawngdahna rilru chu ramhuai hnathawhna hmun
a ni,” an lo ti a, a dik hle lo maw?

John Wesley chuan hetiang hian thu a lo
phuah a :

“Thil tha i tih theih zawng zawng,
Kawng tinrêngin,
Khawi hmunah pawh,
Eng hunah pawh,
Mi zawng zawng tân,
I tih theih chhông ti ang che.”

He thu ropui tak hi, kan nun dan leh kan thil-
tih kaihruaitu atân hmang thei ila, mi dangte tân
malsâwmna thlentu kan ni ngei ang.

Phil. 4:13

“Mi tichaktuah chuan engkim ka ti thei a ni.

75. PATHIAN HNENA LAWMTHU SAWINA

Thil tha kan dawn thin - ni êng, ruah tui, bo-
ruak thianghlîm, thian tha, mite thatna zâr kan
zote leh thil tha dang tam tak kan dawnte avangin
Pathian hnena lawmthu sawi harsa kan ti lo a ni
thei e. Pathian hnena lawmthu kan sawi baw
thin a ni ang. A chang chuan kan chung a thil lo
thleng thenkhatte avanga Pathian laka kan vui thu
pawh kan sawi baw thin awm e. Chung thil kan
chung a lo thlengte chu, kan tana tha tur a ni tih
kan briet chhuah chuan Pathian hnena lawm-
thu sawi tur kan nihzia kan hre chhuak thar thei
a ni.

Vawi khat chu mi hausa pakhat hi a zinnaah ruahin a nan huh hnep mai a. A pawisa ah tam tak chu a huh chhe vek mai a. Sum ngaina ni a nih avangin pawl a ti em em mai a. Pathianin ruah nasa taka a surtir avangin Pathian chungah a vui ble a. Kawng sirah chuan misual pakhatin silaia kahhlum tumi a lo chang ru reng mai a. A silai a kau va, a hmet per a, mahse a zên a lo hlo hlauh mai a, a puak thei ta lo va. Mi sual laka a nunna a him theih chhan chu ruah tam tak sur avang a ni tih a hriat chhuah chuan Pathian hnenah lawm-thu a sawi ta zawk a ni. Kan tana tha lo tur nia kan ngaihte pawh hi kan tana tha tur a lo ni thei reng mai. "Kan thatna turin Pathianin engkimin min thawhsak thin," tih hi hriatthiam harsa kan tih chang awm thin mah sela, kan hriat chhuah meuh erawh chuan, "A lo ni tak a !!" kan ti thei thin a ni. Pathian chuan kan tana tha tur chu keimahni aiin a hre zawk a. Kan chung a thil lo thlengte pawh hi hriatthiam loh chang kan neih pawhin, "Pathianin engkim a hria a, a thlawnin kan tuar a phal lo vang," tih hi i ring tlat ang u.

76. KRISTIAN ZALENNA

Zalenna neih hi mi tinin kan châk a, mi mal, ram leh hnam ang pawhin zalenna neih kan duh thin. Zalenna hi eng nge a awmzia i ngaihtuah ngai em? Mahni duh dan ang ang a awm leh thiltih hi mi tam tak chuan zalenna niin kan ngai a. Thununna hnuaia awm hi harsa kan ti thin a. Mahse, mahni duh ang ang a awm leh thiltih hi zalenna dik a ni hauh lo mai. Mi tin hi mahni

duh ang angin khawsa ta theuh fla, mi dangte tan
harsatna thlentu kan ni mai ang. Mi dangte nen
kan khawsaho thei hek lo vang.

Zalenna dik chu thununna hnuai zalenna a ni.
Min thununtu leh min kaihrualtu mumal tak a awm
loh chuan, buaina leh harsatna kan hmabak a ni
mai. Zalenna hi thununna leh khuahkhirhna hnuai
atanga chhuah a, thununna leh khuahkhirhna dang
hnuai luhna a ni. Kristian zalenna pawh hi
Setana bawih atanga chhuah a, Lal Isua bawih
luhna a ni. Chu zalenna chu he hla hian a sawi
chiang hle mai a :

I bawlah min siam la,

Lalpa ka zalen ang;

Ka ngunhnamte min dahtir la,

Hnehtu ka lo ni ang.

Keimaha ka din chuan,

Ka pil ang hlauhawmah,

I thuhmaiah min khung ve la,

Ka chakna a ni ang.

Ka thihlung chau tak hian,

Hotu a hmu hma chuan;

Thumuntu tak a nei lo va,

Herh lam a pan mai thin.

A che hlei thei lo va,

Hlin hrut i siam hma chuan,

I hmangait bawih siam langin,

Eatin a leng tawh ang.

Ka qunthlan ka nei lo'ng,

I tan i siam hma chuan.

Lalputihleng ihlen a tum chuanin,

Kraun hlu a hawi rin tur

*I hmangaih awm nghengin,
 I nunna a neih chuan;
 Harsatna hual vel karah hian,
 Nghet takin a ding ang.*

77. TAWNGTAINA

Mi thianghlim Francis-a tawngtaina :

“Lalpa, remna siamna hmanrua atan

Mi hmang la;

Inhuatna awmnaah

Hmangaihna mi tuhtir la;

Intih natna awmnaah

Ngaihdamna mi tuhtîr la;

Rinhlelhna awmnaah

Rinna mi tuhtir la;

Beidawnna awmnaah

Beiseina mi tuhtir la;

Thimna awmnaah

Eng mi tuhtir la;

Lungngaihna awmnaah

Thlamuanna mi tuhtir ang che.”

78. RINNAA TAWNGTAI

Hetiang hian an sawi thin: “Tawngtaina thu ka sawi thin, mahse ka tawngtai tak tak ngai em ?”

Lal Isua zirtirte chuan Lal Isua hnenah, “Lalpa tawngtai dan min zirtir rawh” tiin an ngen a. Lal Isuan tawngtai dan a zirtir thu kan hmu. Keini pawhin chu chu kan ngenna ni ve sela a pawimawh ngawt mai. Lal Isua hnen atangin tawngtai dan kan zir a tul a ni. Lal Isua chuan a Pa hnena tawngtai a thlahthlam ngai lo tih kan hria. Zing takah a tho va, fianrialah a Pa hnenah a tawngtai

thin tih kan hria. Thil pawimawh a tih dawnin a Pa hnenah a tawngtai thin. A chung a thil harsa tak a thlen dawn pawhin a Pa hnenah a tawngtai a. Lal Isua nun hi tawngtaina nun a ni ngawt mai. A chung a thihna lo thleng tur chu pumpelh theih ni se a duh a, a Pa hnenah a tawngtai a, "Aw ka Pa, a theih chuan he no hian mi pel lul rawh se; nimahsela keima thu ni lovin, nangma thu thu ni zawk rawh se." Thihna chu pumpelh theih ni se a duh a, nimahsela a Pa-in rem a tih loh chuan pumpelh a tum lo. Rinnaa tawngtai chuan tawngtaina chhanna chu a dil ang leh beisei ang a nih loh pawhin lungawi takin a pawm thei a. Rinnaa tawngtai chuan a duh dana chhanna beisei mai lovin Pathian duh dan leh a chhanna anga lungawi a tum a ni.

Jakoba pawhin, "Rinnaa tawngtaina chuan damlo chu a chhandam ang," tiin a sawi a. He thu hi eng nge a awmzia nia kan hriat? Rinnaa tawngtaina chuan damlo chu taksa damna a thlen ngei ang tihna mai niin kan ngai em? Taksa damna hi damna tak a tling lo, na leh tura damna chauh a ni. Damna tak tak erawh chu taksa na leh thei tawh lo tura damna a ni. Damlo tana rinnaa tawngtaina chu Pathianin taksa damna a chhang a ni thei e, taksa damna nei leh ngai tawh lo turin taksa thihna hmangin a chhang thei bawh ang. Taksa damna a chhanna leh taksa thihnaa damna a pek chu lungawi takin kan pawm ve ve thei em le?

79. KHAW DUR LEH NI ENGAH

Mihrang damlai hun hi khaw dur leh ni eng inawh a ni. Kan dam lai hun hi ngun takin

chhut ta theuh ila, khaw dur nge tam zawk ang, ni eng? Buaina te, lungngaihna te, manganna te, natna te leh thihnaten min chimin, min tilungngai fo thin. Mahse ngun takin chhut ila: Kan lungngaih ni nge tam zawk kan lawm ni? Mi tam zawk nunah chuan lungngaih ni aiin lawm ni hi a tam zawk awm e. Ni Eng min pek avang hian Pathian hnenah lawmthu sawi thin ila, khaw dur lo thleng avanga kan lungawi lohna hi a nep sawt awm e.

Khaw dur hi a thatna i ngaihtuah ngai em? Ni eng chauh hi hmu reng ila, khaw dur leh ruah sur te hi awm ta hauh lo sela, kan nun hi a ro zo vek mai ang. Hnim hring leh thlai hi a awm lo vang, hmun tin hi thlaler ram ro a ni zo vek mai dawn a ni. Hla phuahtu pakhat pawhin, "Khaw dur khaw thiang nen lei a lo tha si. Mi-hring siam that nan khaw dur a ngai a ni," a lo ti a. Thu dik tak a ni.

"Ka Lalpa duh tak, min awmpui ang che," tih hla hi Rev. Henry Francis Lyte phuah a ni a. Thingtlang Kohhranah rawng a bawl thin a. Amah hi a hrisel vak lo va. Ni khat chu Daktawrin, "Hun rei deuh zawk dam i duh chuan, ram lum zawk hmun i pan a tha ang" tiin a hrilh a. Ram lum zawk lam pana kal chhuah a tum ta a. A kal dawn Pathianni chuan Biak Inah inthlahna sermon harsa ti takin a sawi thei hram a. Inkhawm baan chuan a pindanah a lut a, he hla hi a phuah ta a ni. Italy ram panin a chhuak ta a. France rama Nice khuaah a thi ta a ni.

He hla hi mi thenkhatin 'tlai lam hla' zingah an dah a. Mahse a phuahtu hian hun tlai lam ni

lovin dam lai hun tawp lam a phuah chhan zawk a ni. Kan nunna hi eng hunah emaw a la tawp dawn tih ngaihtuahna hian kan rilru pawh a ti mangang thin a. Mahse, Kristian hlate hian lungngaite leh mangangte hnenah thlamuanna a pe thin. He hla pawh hian mi tam tak hnenah thlamuanna a thlen a ni.

80. TAPTE CHU TAHPUI RAWH U

Tirhkoh Paula chuan Rome khuaa mite hnena lehkha a thawnah he thu hi a sawi a, "Lawmte chu lawmpui ula, tapte chu tahpui rawh u," tiin. Heng thil pahnihte hi a eng hi nge tih awl zawk ang? Tapte tahpui hi a awl zawk ang tiin kan chhang mai thei a ni. Lungchhe taka mi a tah chuan rilru a khawihin mittui pawh a tla ve mai thei. Mahse kan tuarpui tak zet em? Pastor pakhat chuan heti hian a ziaak a, "Mi tam zawk chuan lawmte lawmpui hi awl kan ti zawk. Pastor hna kum 50 chuang ka thawh chhungin, tapte tahpui ai chuan lawmte lawmpui awl zawkin ka hria. Inneih inkhawm hruai aiin mitthi voina inkhawm hruai a harsa zawk. Exam-naa pass lawmpuina thu ziaak aiin lusun hnena hnem-na thu ziaak a harsa zawk," tiin. Lawmte lawmpui aiin tapte tahpui hi a harsa zawk a ni mai thei a ni. Pastor upa pakhat chuan Pastor thar hnenah heti hian thu a chhan, "Mi lungngaite hnenah Pathian thu sawi thin la, Kohran mi i tlachham lo vang," tiin. Hei hi fuhna thu tha tak zawm harsa tak si a ni.

Thlamuanna thu sawi hi harsa kan ti thin. A sawia leh a tam tak kan hriaat chian loh vang a ni mai thei. "Thlamuanna" tih awmzia hi "tichak"

tihna a ni. Joba'n harsatna nasa tak a tawh a, thlamuan a t̃ul laiin a t̃hiantē pathum chu thlamuan turin an lo kal a. An t̃hianpa thlamuanna tura a hnena an thusawi chuan Joba a thlamuan zo lo. A tuarna chhan chu ama dik lohna avang niin an sawipui a, chu chuan Joba a tithlamuanging a tichak chuang lo. A tuarna tizualtu a ni zawk. Tuartute leh lus̃nte hi hnem tuma thu sawipui vak a awl khawp mai. Thuin a hnem zawh loh chin hi a awm tlat mai. Thu sawi tam vak pawh a ni lo, hriatthiampuina leh tuarpuina rilru a pawimawh a ni. Thlarau Thlianghlim chu thlamuantu a ni a, tichaktu leh tihuaisentu a ni bawk, "kianga awm," "bula awm," "awmpuitu" a ni.

"Pathian chu kan inhumhimna leh kan chakna, mangan laia t̃anpui vartu hnai reng a ni" (Sam 46:1).

"Chutichuan, anmahni chhandamtu-ah Lalpa a lo awm ta a. An manganna zawng zawngah chuan a mangang ve t̃hin a" (Isa. 63:7).

"Lalpa, nangmahni siamtu leh dintu chuan heti hian a ti, 'tuite in daikai lai pawhin kei in hnenah ka awm ang a; luite in daikai lai pawhin a ch̃impil lo vang che u: meia in kaltlang lai pawhin in k̃ang lo vang, ' (Isa. 43:1,2).

Pathian thu-ah thlamuanna thu tam tak kan hmu a. Ch̃ung thute chu kan mangan lai leh lus̃n lai tein chbiar t̃hin ila. Mi mangang, lungngai leh lus̃n te kan thlamuan theihna ber chu thlamuantu hnena hruai a ni. Bible-a thlamuanna thu t̃hen-khat i ngaithla teh ang:

"Tin, Pathian hmangaihtu, amaha ruat anga a kohvate tan chuan, an t̃hatna turin engkimin a thawhsak hlawm t̃hin tih kan hria" (Rom 8:28).

"Khawngaihnhate Pa leh thlamuanna zawng zawng Pathian chu, fakin awm rawh se. Pathianin keimahni min thlamuanna ngeiin, hrehawm eng anga awmte pawh chu kan thlamuan ve theihna turin, ani chuan kan hrehawmna zawng zawngah min thlamuan thin" (II Kor. 1:3-5).

"Engah mah mangang suh u, engkimah tawng-tai leh dilin, lawmthu hril tel zelin, in duhnate chu Pathian hnenah hriattirin awm zawk rawh se. Ti-chuan, Pathian thlamuanna rilru reng renga briat sen loh khan in thinlung leh in ngaihtuahnhate chu Krista Isuaeh chuan a vënsak ang che u" (Phil 4:6,7).

81. ENKIM TAN HUN RUAT A AWM

Thubriltu chuan, "Engkim tan hian hun ruat a awm a," tiin a lo sawi a. Chung hun ruat awm a sawi zingah chuan hengte pawh hi a tel a ni :

Pian hun a awm a, thih hun a awm a;

Tah hun a awm a, nuih hun a awm;

Hmangaih hun a awm a, huat hun awm.

Heng thil inkalh tak takte hi mihring hun tawng zingah an awm vek a. Keini mihringte chuan heng hun lo thlengte hi tha kan ti vek lo. "Pathian chuan engkim hi an bun theuhvah mawi takin a siam a," tjin Thubriltu chuan a sawi zui zel a ni. Mihring tan chuan thih hun te, tah hun te leh huat hun te hi mawi tih harsa tak a ni. Mizo upate chuan thih hun hi "chhiat tawh hun" tjin an sawi thin. Mawi an ti thei lo.

Thihna hi mihring nun tihrehawmtu niin kan ngai thin. Ngan takin ngaihtuah ila, a dik ang em? Khawbung Thangluaia chuan hetiang hian a sawi

thin an ti, "Thihna hi awm lo sela mihring tan khawsak a harsa hle dawn a ni. Kan chenna in hmanrua te, thing, mau, dî leh hmanraw dangte hi thi thei lo sela, kan in te hi chen theihna hmun pawh a ni lo vang" a ti. Ban te, chhuat te, bang te leh in chung atan kan hman te hi thi thei lo se, a lo chawr chhuak ang a, chenna in kan tih pawh hi chen theih a ni dawn lo a ni. Thihna hi mihring tan pawha thil tangkai a lo ni. Keini mihringte pawh hi kan thih hian kan inggaiin kan in-ui hle tak na a, thi thei lo ila chuan kan inuina leh ingaihna te hi a chuai mai lo'ng maw ? Tar, thi thei si lo kan inbuaipuina lamah kan inning ang a, a thi thei si lo va, a va buaithlak em ! kan inti mai lo'ng maw ? Tar, chak lo, engmah ti thei lo, chhungte tan pawh hnawksak mai ni ila, dam pawh a nuam chuang dawn em ni ?

Pathianin thihna hi nunna nei tan an hun Pakhatah a ruatsak a. Thinna lo a hunah chuan mawi tak leh tangkai tak a ni reng mai. A mawina leh tangkaina ngaihtuah lovin, keimahni lam kan ingaihtuah a, kan inkhawngaih mai zawk thin a ni.

Kristiante tan phei chuan thihna hi kan tawpna a ni lo va, nun ropui zawk leh hlu zawk kan chan theihna tur a ni si.

82. THLIR DAN DIK LO

Pastor pakhat hian a bial chhunga pitar pakhat a va tlawh a. Chu pitar chu phunchiar deuh mai a ni a, vuina thu sawi tur hi a hre reng mai a ni. Mi tam tak chuan tlawh pawh an tlawh duh lo va, a bula awm nuam an ti lo a ni.

Pastor hnenah chuan a vui thu leh a lungawi loh thu hlii a lo hrih a. Pastor chuan ngawi reng-in minit nga vel lai a ngaithla a. Pitar puan thui mawi chu a la a, a thlii vang vang a, "Eng thii nge i thui? Eng nge a nih reng ka hre thei lo ve," a ti a. Pitar chuan, "I en dan a dik lo va, a dik lo lam i en a nih kha," tiin a hrih a. Chu veleh Pastor chuan pitar hnenah a thlii dan dik loh thin-zia hrihna remchang tak a nei tih a hre ta a. "I puan thui mawi ka thlii dan ang hian nang pawhin i thlii thin alawm, chuang alawm lungawina reng reng i nei thei loh," tiin a hrih ta phawng mai a.

Chu pitar chuan a chung a thil lo thleng engkim mai hi a tha zawngin a dawng ngai lo va, a tha lo zawng hliin a dawng thin a, chuangin lawmna leh lungawina a nei thei lo a ni. Pastor chuan pitar puan thui mawi chu a en dan tur dik takin a han en a, a puan thui mawi awmzia chu a hmu thiam ta a ni.

Mi tam takin, he pitar ang hian kan chung a thil lo thleng leh kan vela thil awmte hi a thlii dan kan thiam lo va; thlii dan dik lovin kan thlii a, kan vui mai thin a ni. Kan tarmit vuah azirin kan thil hmu a danglam thin an tih angin, kan rilru put dan leh ngaih dan azirin kan chung a thil lo thlengte leh kan vela thil awmte kan hmu dan a danglam thin a ni. Tarmit dum kan vuah chuan kan thil hmu engkim a dum zo vek mai a, tarmit darthlang fim tha tak kan vuah chuan kan thil hmu chu a nihna dik takin kan hmu thei thin. Mi suai nia kan hriat te, thil tha lo nia kan hriatte pawh hi a thaina laf hmu chhuah kan tum chuan hmu tur a awm vel a ni.

Pathian thu-ah hengte hi kan hmu, "Pathian hmangaihtu, amaha ruat anga a kohvate tan chuan, an thatna turin engkimin a thawhsak hlawn thin tih kan hria" tih leh, "kei zawng eng ang pawhin awm mah ila, lungawi zel ka ching tawh si a," tih thute hi.

83. TAWNGTAINA

Aw Pathian,
 Mi dangte min tuarpuina zawng lovin,
 Mi dangte tuarpui turin min pui ia;
 Mi dangte min ngaihthiamna zawng lovin,
 Mi dangte ngaithiam turin min pui ia;
 Mi dangte min hmangaihna zawng lovin,
 Mi dangte hmangaih turin min pui la,
 Kan pek chhuah hian kan hlawk zawk thin a,
 Ngaidamtu kan nih hian ngaihdam kan hlawn thin a,
 Kan thih hian a ni, Chatuan Nun nei tura kan pian ni.

— Francis of Assisi

84. KHAWNGAIHNA — MIN THLAH LOTU

Mi tam takin hla hi lusun khawhar laia hnemtu mangan laia thlamuantu atan an hmang thin. Thu sawi aia hla thuin rilru a khawihin mi a hneh zawk fo a ni. Hla hian mi a tilawmin a tihlim thei a, mittui pawh a titla thei bawh a ni.

Kristian tam takin lungngaihna leh mangan laia inhnemna atan an hman hla pakhat chu :

"Aw khawngaihna min thlah lotu," tih hla hi a ni a. A phuahtu dinhmun leh he hla a phuah

laia a rilru put dan hriat phei chuan rilru a^hneh zual a ni.

A phuahtu chu Dr. George Matheson a ni a. Ni 27 March 1842-ah Scotland ram Glasgow khuaah a piang a. A naupan lai a^hangin a mit a tha lo va, kum 18-a nihin a mit chu a del ta nghe nghe a ni. Mitdel chung chuan lehkha a zir zel a, lehkha pawh a thiam thei hle a ni. Zir thiam tawp Doctor ni hial khawpin a zir a ni.

Thingtlang khaw pakhat Inneland-ah Pastor hna a thawk a. Thu sawi thiam tak a ni a, miten a thusawi ngaihthlak an chak hle thin a ni. Pastor hnaah pawh a inpe zo hle a, Kohhran mite a tlawh taima a, tanpui ngai leh damlo lusun khawharte a ngaihsak a, a Kohhran miten an ngaina em em a ni.

A mit a del tak avang hian a nupui hual chuan a nei duh ta lo va. A thil tawh hi a namai lo hle a ni. A mit a del a, tanpuitu a ngaih tehlul nen, amah tanpuitu tur a nupui hual chuan a nei duh lo ta lehngal a ni a. "Harsatna hian mihring nih-na ze dik tak a lan chiantir thin," tiin an sawi thin a. George Matheson nunah a lang Chiang hle mai. Harsatna leh tuarna karah beidawng lovin Pathian a ring tlat a. Harsatna leh tuarna chuan a hneh zo lo a ni.

A farnu pasal neihnaa a tel tumin, a chungatnil lo thleng a ngaihtuah chhuak a, he hla hi a phuah ta a ni. A rilruah he hla thu hi a lo lut a, rei lo t^heah a phuah zo mai a ni. A nunah harsatna chi hrang hrang a tawh lai pawhin Pathian khawngaihna chuan a thlah ngai lo tih a hre Chiang a ni. A hla thluk hi Dr. Albert Lister Peace siam a ni.

He hla hian Dr. Matheson nun leh thuhrlil leh Kristian beiseina nung a puang chhuak a ni. A nun thim lai ber leh lungngaih tawpah pawh a beidawng mai lo va. A chung a thil lo thleng apiangah Pathian hmangaihna a hmu zel a, Krista Kraws chuan a nun a chawikang a, chu Kraws thil tihtheihna zarah chuan hnehtu a ni zel a ni.

85. KEIMAH KA NI ALAWM, HLAU SUH U

Mihringten hlim ni leh lawm ni te hi nei thin mah ila, lungngaih ni leh mangan ni te a lo awm leh thin. Kan lungngaih lain thlamuantu leh tuar-puitu kan ngai thin. Chung hunah chuan kan hmangaih leh min hmangaihtu nia kan hriatte kan ngai ber thin a. Kan hnenah thlamuanna thu sawi thiam lo mah sela, kan bula ngawi renga an awm pawhin min chhawk huaiin kan hre thin. Mihringte pawh hi kan inhnemin kan inthlamuan thei hle a ni. Mahse, mihringte kan inhnem theihna leh kan inthlamuan theihna chuan chin tawh a nei thin.

Lal Isua khawvela a awm lai pawh khan mihringte chuan lungngaihna leh manganna te, natna leh thihna te an tawh thin. Lal Isuan natna chi hrang hrang tuarte a tihdam thu leh mitthi pawh a kaihtawh thu kan bria. A zirtirte pawhin lungngaihna leh manganna te, tihduhdahna leh thihna te pawh an tawh a ni. Lal Isua zirtirten Galili dila thlipui nasa tak an tuar thu pawh kan hmu a (Mk. 6:45-52). An mangangin an thlaphang hle mai. Thlipuiin lawng a nuai chhia ang a, an thi vek dawn emaw an ti hial awm e. Tanpuitu an ngaih lai tak chuan dil chung a mihring kea kal an

hmu a. Chu chuan an hlahna leh manganna a ti-
 zual a. Galili dila sangha mantute hian puithuna
 Atthlak tak an nei a. Zanah thawm leh ri danglam
 deuh an hriatin emaw thil danglam eng emaw an
 hmuhin emaw an chungah chhiatna lo thleng dawnin
 an ring a. Hemi tuma dil chungah mihring kea kal
 an hmuh pawh hian an hlau va, an mangang chu
 an au vak a. Lal Isuan an manganzia a briatin an
 hnenah, "Thlamuang takin awm rawh u, keimah ka
 ni alawm, hlau suh u," tiin a tawng thlamuan ta a
 ni. An Lalpa chu hmuithla emaw an ti a, an hlau
 a ni. Mahse, an hmuh chiana an hriat chian chuan
 an manganna leh thlaphanna chu a reh ta a.

Thihna kan chungah a lo thlen hian, kan mang-
 ang a, kan thlaphang a, kan tap thin. Kan ngaih-
 tuahnate a mang a, kan khaw hmuhte a fiah lo va,
 thlamuantu Lalpa pawh kan hmu fiah thin lo a ni.
 Hetih hun lai hian kan manganna leh thlaphanna
 chauh ngaihtuah buai a awl khawp mai. Thlamuan-
 tu aw ngaihtlak hun a ni a, Lalpa hmel hmuh a
 tul hun a ni. Thlamuantu aw ngaihtlatute chuan
 an hre thin a, Lalpa hmel hmuh tumtute pawhin
 an hmu thin a ni. "Pathian chu kan inhumhim-
 na leh kan chakna, mangan laia tanpui vartu hnai
 reng a ni," tih i hre reng ang u. "Thlamuang takin
 awm rawh u: keimah ka ni alawm, hlau suh u,"
 tia Lal Isua thusawi hi i ngaihtla ang u.

86. NI KHAT HREHAWM CHU A TAWK A NI

I hmuithla a, i mangan a, i thlaphan changin,
 mangan a, i hmuithla a. Zanah mite hmuh loh
 leh hriat loia i tap thin a ni thei e, chu chu duh

tawk la, chhunah chuan mite hmuh leh hriatah hlim tum hram hram ang che. I tuar ang, lungngaihna leh manganna hi mite pawhin an tuar ve tih ngaihtuah la; nangmah chauhvin i tuar bik lo tih hria ang che. Mite hlimna leh lawmna te, lungngaihna leh manganna te chanpui la. Chuti lo chuan i lungngaihna leh manganna chuan a chimpil ang che a. mite tuarpui theih loh leh hnem theih loh dinhmunah i tlu lut ang a; tuman an ngaihtuah sak lo vang che.

“A ram leh a felna chu zawng hmasa zawk rawh u, tichuan chung zawng zawng chu a pek belhchhah dawn che u nia. Chutichuan a tuk atan lungkham suh u, a tuk chuan ama tan a lungkham chawp dawn si a. Ni khat atan ni khat nrehawm chu a tawk a ni” (Mat. 6:33,34).

“Lalpa chungah chuan lawm bawh rawh; tichuan i thinlung duhzawngte chu a pe ang che. I awm dan tur chu Lalpa chungah ngath la, Amah chu ring la, aman a ti vek ang. Lalpaah chuan chawl la, Amah chu ngath fan fan rawh. Intilungngai duh suh, thil thsualah a lo tlak mai thin a ni” (Sam 31:4,5,7,8).

87. LAL ISUA KAN THIAN THA BER

He hla hi i sak hian a phuahtu chungah thil lo thleng eng nge ni tiin i ngaihtuah ngai em ?

He hla phuahtu hi Joseph Scriven a ni. Ireland rama piang a ni a, America ramah a pem a. Ram leh hnam tana mi langkai tak a ni. “Ireland ramin America a pek that berte zinga mi a ni,” an ti hial a ni.

Scriven hi mi vanduai tak leh lungngaihna tuar mi a ni awm e. Amaherawhchu, Pathian rinna nghet tak nei mi a ni a; vanduaia leh lungngaihna

chuan deidawnna a neihtir mai lo va, Pathianah a inpek zualtir deuh deuh zawk a ni.

Kristian thenkhat chu vanduaaina leh lungngaihna kan tawhte hian beidawnna min neihtirin Pathian kan rinna pawh a nuai nghing mai thin. Pathian chung a vui mai pawh awl tak a ni. Scriven chu chutiang mi a ni lo va, a chung a vanduaaina lo thleng chu Pathian hnaih zualtirtu mai pawh ni lovin, mi dangte pawhin Pathian an pawlna leh an hnaih theihna a lo ni ta zawk a.

A nupui hual chu vanduaithlak takin, an inneih dawn zanah tuiah a tla hlum hlahu mai. A va vanduaithlak tak em! A duh ber leh a hmangaih ber nen an innei ang a, hlim takin an awm dun dawn a ni, tia a suangtuahna chu a thlawn a ni zo ta! Hetiang hunah hian mi thenkhat chuan dam reng a sawtin an hre lo va, mahni leh mahni an intihlum duh hial thin. Scriven erawh chuan Pathian fakna hla ropui tak phuah chhuah nan a lo hmang ta a. Chu hla chu mi tam takin an mangan lai leh an lusun khawhar lain Pathiana inhnemna leh thlamuan nan an lo hmang ta a ni.

A nupui hual thi chu a nu pawhin a tuarpui em em mai a. He hla hi a nu hnem nan leh thlamuan nana a phuah a ni. A hla phuah hi hetiang takin a larin, a darb zauvin, a tangkai ang tih ngaihtuahna pawh a nei kher lovang. Nimahsela, Pathian fakna hla ropui tak leh tangkai tak a lo ni ta a ni.

88. DAMLO PAKHAT LEH PASTOR

Damdawi in pakhatah hian Pastor pakhat damlo hi a awm a. Daktawrte'n ngun taka an

en hnu chuan zai a ngaiin an hria a, zai an tum ta a ni. Zai hi thil huphurhawm tak a ni a, chhungte tan pawh a thlaphânthlâk duh hle mai. Chu Pastor chu zaina pindan lam panin Nurse-ten tawllailirin an nawr phei dawn ta a. A bula damlo pakhat chu Pastor an zai zawha zai tur a ni baw k a. Zai tura Pastor an buatsaih lai chuan a bula damlo pa pakhat chuan a lo thlir reng a. Pastor hmelah chuan hlauhna leh zamna hmel reng a awm lova. A awm pangngaiin hlim tak leh thlamuang takin a awm a. Tichuan, zaina pindan lamah an nawr phei ta a. Daktawrten hlawhtling takin an zai ta a. A bula damlo pa pakhat pawh chu an zai ve ta a. Ani pawh chu an zai hlawhtling hle a ni.

Zai an tawh ațanga ni rei vak lovah chuan, an harhin an lo țawng peih ta a. Pastor hnenah chuan a bula damlo pa pakhat chuan, "Ka hma chiaha zai tur kha i ni a, Nurse-ten zaina pindan pan tura an buatsaih lai che khan ka lo en reng che a; hlauhna leh thlaphanna reng i hmelah a lang lova hlauhna leh thlaphanna nei lova i hmel ka hmuh khan kei pawhin zai ka tawh tur chu ka huphurh lo sawt a, lawmawm ka ti ngawt mai," tiin a hrih ta a.

He thu kan hriat ațang hian kan nun, kan awm dan leh hmel lan dan te hian kan vela awm mi dangte hnenah nasa takin thu a lo sawi thei a ni tih kan hre thei a ni.

"Nangni hi kan lehkha, kan thinlunga zia k, mi zawng zawng hriat leh chhiar chu in ni e. Krista lehkha, keimahni min zia k t t r, lehkhatauia zia k ni lo, Pathian nung thlarauva zia k, lung pheka zia k ni lo, tisa thinlung pheka zia k zawk chu in ni tih chiang taka lantir a ni si a," (II Kor. 3:3,4).

89. HUAN ENKAWLTU LEH PANGPAR

Huan enkawltu pakhat hian a pu huan ngun takin a enkawl a. Pangpâr mawi tak tak a pâr vul chûk mai a. Tuk khat chu pangpâr huanah a lût a, a pangpâr mawi tak pakhat chu tuin emaw a lo thliak a, a la bo daih mai a, pawî a ti em em mai a. A pu hnenah a kal thuai a, a pangpâr pakhat tuin emaw a lo thliah thu leh pawî a tih thu a va hrilh a. A pu chuan pawî a lo tihpui hle dawn emaw a ti a. Mahse a rin loh takin a pu chuan, "Keiman ka thliak a nih kha," tiin a lo hrilh ta zawk a. Huan enkawltu chuan a pangpâr chu a puin a thliak a ni tih a hriat chuan, a uina leh pawî a tihna chu a reh ta a. A pu tana a enkawlsak a ni si a.

Keini pawh kan fa duh takte hi pangpâr huana pangpâr mawi tak ang an ni a. Min petu Pathian tana kan enkawlsak an ni. An thih pawhin min petu Pathianin a hnêna awm turin min laksak a ni. Kan fate an thihin, min laksaktu chu Pathian a ni a, a hnenah nuam takin an awm dawn a ni tih kan hriat phawt chuan, anmahni chu uiin ngai hle mah ila, kan tuar dan a danglam ngei ang. Min hmangaihtu Pathian chuan a fa duh takten a thlâwna kan tuar a phal lo vang. HMANGAIH PATHIAN a ni si a. Lal Isua'n a thih dawna a Pa hnêna, "I thu ni se" tia a inhlan ang khân kan Pa, Pathian hnênah inhlan ve tur kan ni.

90. VAWI KHAT AIA TAM KAN THI THEI FM ?

America ram President hmingthang tak Abraham Lincoln chuan, heti hian a sawi, "Miin mi that

sela, vawi khat thih ka tawk a ni ang." Mahse thihna hlau reng reng hian nung reng ila, vawi tam tak thi ang ka ni ang." Mi thenkhat chu thih hlauyin kan nung thin a ni awm e. Thih hlau reng renga nung kan nih chuan vawi khat aia tam kan thi thei a nih chu. Nang, chhiartu duh tak, vawi khat thih hmabâkin nge i awm, thih hlau reng rengin i nung thin le?

Engvangin nge mi tam takin thih an hlauh le? Thih hnua an awin dan tur an hriat loh vang leh thil eng nge an chungah lo thleng dawn tih an hriat loh avangin. Thih an hlauh avangin mi tam tak nun chu a hrehawm thin. An nun leh an rilru hrehawmna tireh turin thlamuanna kawng tam tak an zawng thin a. Mahse thlamuanna tak tak an hmu thei si lo.

Keini Kristiante erawh chuan thih kan hlau lo vang. Hun lo thleng turin kan chungah eng nge a rawn thlen dawn hre lo mah ila, keimahni nun leh hun chungah thuneitu Pathian kan rin avangin kan hlau lo vang. Kristiante chuan thihna hi kan tawp-na tur a ni lo va, nun hlu zawk leh ropui zawk kan neihna tur a ni tih kan hria a. Chuvangin, thih a hlauhawm lo a ni. "Mi tupawh mi ring chu thi mah sela, a nun reng ang," Lal Isua'n a ti. Tirhkoh Paula pawhin, "Nun hi Krista a ni a, thih pawh hlawkna a ni. Kan nun pawhin kan thih pawhin Lalpa ta kan ni," tiin a lo sawi bawh a. Keini pawhin hetiangin hla kan sa thin.

*"Thihna thihnaah an ngai lo,
Lalpa hmangaihthe chuan;
An van khawpui khawngkhar a ni,
An Pa hmel an hmuh nan."*

91. KA KUTTE HI HMANG ANG CHE

Vellore khuua Kristian Medical College Hospital-ah khuan daktawr pakhat Mary Varghese a awm a. Vânduaithlâk takin aksideu (accident) a tawk a, a na hle mai a. Damdawi inah thla tam tak a awm a. Zawi zawiin a lo dam chhuak leh ta a, mahse a kâwng chin hnuai lam chu a zeng ta a, a che thei hauh lo mai! A duh ang angin a che thei ta lo tih a hriat chuan dam pawh a sawtin a hre lo va, amah enkawltu daktawrte hnenah chuan thih a duh thu a hrih ta a. Daktawrte erawh chuan an jawng thlamuan a, Pathianin a nunna a zuah a, chuvângin hman duhna a la nei a ni ang tiin an hrih a. Chutianga awm chung chuan Pathianin eng kawngin nge hman duhna a neih ang tib a ngaihtuah zui ta a. A naupan lai ata phâr natna veite chu a khawngaihin hmuh a hreh em em thin a, Pathianin eng kawngin nge hman duhna a neih ang tia a inngaihtuah lai chuan, a rilruah phâr natna neitute tanpui theih dan tur a ngaihtuah ta a. Tichuan beti hian a ngaihtuah ta a. Tichuan heti hian a jawngtai ta a ni: "Lalpa, hêng tanpui ngaite tanpui tur hian ka kutte hmang ang che," tiin. Phâr natna veite tanpui dan tur chu a rilru zawng zawngin a ngaihtuah ta a. Tichuan, phar natnain kutte a tihchhiat a, hman theih tawh loh, zai that theih dan a hmu chhuak ta a ni.

Dr. Mary chuan a kâwng hnuai lam che thei lova, a chung a vanduin a lo thleng dam aia thih a thlan hial zawkna chu mi dangte tanpui theih nan Pathianin a hmang ta hlahh zawk a, ni tih a hre chhuak a. A chung a vanduin a lo thleng chu mi tam tak tan malsawmna a lo ni ta hlahh zawk

a ni. Ama tan maia nung tawh lovin, midangte tana nunga an tana malsawmna thlentu a lo ni ta zawk a ni. Hla phuahtu pakhat chuan hetiangin hla a phuah a :

*"Mi dangte tanpui nan,
 Kan kut lo kut chu dang
 Lal Isuan a nei lo,"* tiin.

Mi dangte hnena malsawmna thlentu nih kan duh ve em ?

92. KA PA, VAN IN ATA HLAA'N

He hla hi Kristian Hla bu No. 391-na a ni a. A phuahtu hi Charlotte Elioti a ni. Mizo tawnga letlingtu Zosaphara a ni. Rev. P.D. Sena chuan Hla leh a phuahtute chanchin a ziaknaah chuan Zosaphara chuan a unaupa America rama missionary-in a thihsan tumin he hla hi a ngaina hle a, Mizo tawngin a letling ta hial ni awmin a sawi.

He hla thu hi kan hriat chian theih nan hetiangin lo sawi ila :

Ka Pa, Pathian, ka in hlata,
 Khawvel kawng bumboha ka vahvaih lai hian,
 'I thu ni se' tia thinlung taka,
 Sawi theih dan mi zirtir rawh.
 Ka thian duh tak then tâkte ngaia,
 Ka rum lai pawhin;
 'I thu ni se' tiin.
 I hnenah ka inhlan ang.
 Ka thinlung chau malsawm langin,
 I thlarau duhawm lo chentir la:
 'I thu ni se' tiin thil dang zawng chu,
 I kutah ka hlan e.
 Ni tin ka duhna ti thar la,

Ka duhna chu i duhna angin siam la;

'I thu ni se' tja ka sawi theihna

Daltu apiang tibo rawh.

He leia ka hnukchah dawnin,

Tun hmaa mittui nena tawngtaina

Ka hlan thinte chu,

'I thu ni se' tiin thihna lui kamah ka zai ang

Hla phuachtute hian Pathian pawlna thuk tak an neih laiin bla an phuah laia an rilru tawmpui pha lo mah ila, an hla phuachte chuan Pathian pawlna lamah kan rilru a hruai thin a ni. He hla hi Pathian kuta inhlanna leh tawngtaina hla ropui tak a ni. Harsatna leh manganna te, lungngaihna leh thihna kan tawh laiin he hla hi Pathian hnena kan inhlanna leh kan tawngtaina hla ni thei sela. Pathian thlamuanna leh chhawk zangkhaina kan dawng ngei ang.

Lal Isua pawh a lungngaih vawrtawpa a Pa hnena a inhlanna chu "I thu ni se" tih a ni a. Keini pawh kan Pa hnenah "I thu ni se" tiin i inhlam ve thin ang u.

93. TUARNA HI MI TIN CHUNGA THLENG A NI

Harsatna te, lungngaihna te manganna te, tuarna dangte leh thihna te kan chung a lo thlenin zawhna tam tak kan zawt thin. Engati nge kan chung a lo thlen bik? Bag vangin nge a lo thlen, kan soal vang em ni? Pathian duh loh zawng kan ti em ni? Heng bakah hian zawhna dang tam tak kan rilruin kan inzawt thin. Tuarna hi mi tin chungah a thleng thin tih hre mah ila, kan chung a lo thlen meuh chuan mi tin chung a

thleng thin a nih hriat harsa kan u fo nai. Hei hian tuarna brehawmzia a tilang hle a ni Tumahin tuar kan duh lo va, hrehawm kan ti thin a ni. Tuarna hi kan chungah chauh a thleng lo va, mi tin chungah thleng a ni tih kan hriat chian chuan tuarna kan chungah a lo thlen pawhin a tuar dan kan thiam sawt ang. Kan tuar ang hi mi dangin tuar ve se tih kan duh vang ni lovin, kan tuar ang tuartute hian min thlamuan thei hle a ni

Tuarna hi mi tin chungah thleng thin chauh pawh a ni lo va, Pathian fapa Lal Isua chungah pawh a thleng a ni. Lal Isua pawh a lungngai a, hmuhsit leh tibduhdahna a tuar a, chu chauh pawh a ni lo, thihna pawh a tuar a ni. Mihringte harsatna leh tuarna tinreng a tuar ve avangin kan tuarna te min briatthiampui a ni. Kan tuarnaah min tuarpui a, kan tahnaah min tahpui thin a ni. Tuarpuitu kan va nei tha eni.

94. MANGANNA ZINGAH LENG MAH ILA

"Manganna zingah leng mah ila, nanging mi tiharh ang; mi dotute thinur bei turin i kut i phar ang a, i kut dinglamin mi chhandam ang. Lalpa chuan ka chungchanga a tih tur chu a hlen ang: Aw Lalpa, i ngilneihna chu kumkhuaia a awm ang a; nangma kut thiltihte hi bansan suh ang che," (Sam 138:7,8)

Manganna leh harsatna kan tawhin Pathian kan au thin. Kan manganna min lak kiansak tur emaw min chhanchhuak turin emaw kan beisei thin. Kan beisei angin a chhanna emaw a chhanchhuahna emaw kan hmu lo fo thin. Kan beisei huna a chhanna kan hmu loh chuan min chhang dawn tawh lo

nin kan ring thin a. Kan beidawng dawn mai thin a ni.

Lazara chu thih ngamin a na a, A farnuten Lal Isua hnenah zualko an tir a. Zualko chuan, "I hmangaih kha a damlo ve," tiin a hrih a. Lal Isuan Lazara dam loh thu a hriat hian, amah ti-dam tura hmanhmawh taka lo kal turin a farnute hian an beisei a rinawm. Lal Isua chu a hman-hmawh hauh lo mai. A thih hnu ni li velah a kal chaub va. Lazara farnu Marthiin Lal Isua a hmuh veleh, "Lalpa, hetah awm ni la chu ka nuṭa a thi lo tur," tiin beidawng takin a lo hrih thuai a. Marthi chuan Lal Isua thiltihtheibzia a hria a, mah-se a nuṭa chhanchhuah nan a tlai tawhin a ngai a ni. Lal Isua erawh chuan, "I nuṭa a tho leh ang," tiin a chhang a. Marthii chuan a nuṭa chu mitthi thawhlehn hunah a thawhle a ring, mahse Lal Isuan a kaihtawh leh mai a ring phak lo. An beisei tawh loh hnuah, an beidawn dêr tawh hnuah, Lal Isuan Lazara chu a kai tho ta mai a ni.

Kan mangan tawpa, kan beidawn dêr hnuah Pathian hian hna a thawk chawk thin. Amah kan rin ngam tak zet leh zet loh te fiah a duh thin a. Engmah beisei tur awm tawh loh hnuah a thiltih-theihna hi a lang chiang zual thin a ni. Chu thuruk chu kristian tam takin kan hre lo fo mai. Kan hmanhmawh a, Pathian hnathawh kan nghak chhuak zo lo fo thin a ni.

Sam ziaktu chuan, chu thuruk chu a hriat avangin, he thu hi a lo sawi thei a ni: "Manganna zingah leng mah ila, nangin mi tiharh ang," tiin. Pathian hian kan duh angin kan chungah thil ti turin kan beisei thin. Kan duh anga ti turin thunun kan

tum fo thin a ni. Pathian chuan kan duh anga tih a tum lo va, ama duh anga tih a tum zawk a ni. A duh ang briatthiam a, jawmpui kan tum zawk tur a ni. Kan duh ang hi kan tan a tha lo thei a, Pathian duh ang erawh chu kan tan a tha thin a ni. Pathian duh dan chu kan duh dan nen a inrem loh pawhin, 'a tha zawk ang tih ring ngam ila. A duh dan chu jawmpui thiam ila, kan tan a hahdam ber dawn a ni.

95. LALPA THATNA HMUH INRING SUH ILA CHUAN

"Mangan ni chuan a buk teah mi dah ru dawn si a, a humhimna puan inah chuan mi thukru ang a, Lungpui chungah mi hlangkai ang. Ka nu leh ka pa chuan mi kalsan ta si a, nuna-sela Lalpa chuan mi lo pawm ang. Lalpa thatna hmuh inring suh ila chuan ka chau tawh tur a ni a. Lalpa chu nghak reng rawh; chak takin awm la, i thinlung chu intihuan rawh se; a ni, Lalpa chu nghak reng rawh" (Sam 27:5,10,13,14)

Lal Davida chu a hmelmaten thah tumin an bei a. Chutianga a nunna hlauhthawnawm taka a awm lai pawhin Pathian chu amah chhandamtu leh a himna kulh a ni tih a hria a, a zam lo a ni. Hlauhawmna hmuna pawh a hlauh lohna chu Pathian thiltihtheihzia leh thatzia a hriat chian vang a ni. Harsatna leh manganna tawh lai hian chauh mai a awl thin. Mahse a chau lo, Pathian thatna a hmu dawn tih a hriat tat avangin. Lalpa chu nghah man a awm a ni tih a hria a, a nghak chhuak tawh thin a, mi dangte pawh Lalpa nghak

fan fan turin a fuih thei a ni. Mahnin kan tawh loh chu mi dangte hnenah pawh sawi a harsa thin a, mi dangte fuih nan hman ngam a har a ni. Pathian thlamuanna pawh hi la tawh loh chuan, mi dangte hnenah thlamuang taka awm tura fuih har tak a ni. Fuih mah ila a awiawm kher lo vang.

Manganna leh lungngaihna te, natnate leh lusunna kan tawh lai hian thlemtu a chet duh hun lai a ni a. Pathian hmangaihna leh thatna mi rinhlehtir a tum thin. Pathian chu nghah peih a ngai thin. Kan hmanhmawh ang bian a hmanhmawh ve ngai lo va, mahse a tlai ngai lo a ni. Thlemna kan tawh pawhin, thlemna rualin tlanchhuahna a siam thin a, tlanchhuahna lam pan a ngai a ni. "Mibring tuar theih ang chauh lo chu thlemna reng reng in chungah a thleng ngai lo. Pathian zawng a rinawm a ni, ani chuan in tuar theih tawh aliam chu thlemna in tawh a phal lo vang; in tuar theihna turin thlemna rualin tlanchhuahna kawng a siam ngbal zawk ang." (1 Korinth 10:13)

Kan taksa a chauh em em lai hian, chakna kan mamawh a. Mahse kan chath miao si chuan engtin nge chakna kan hmuh theih ang? Chakna keimahniah a awm lo va, chakna neitu leh chakna awmna hmun kan mamawh a ni. Kan nata kan taksa a chauh em em lai chuan keimahniah a chak kuta kan innghah a ngai a ni. Pathian chuan "Ngawi la, awm hle hle la, Pathian ka ni tib hre rawh," a ti. (Sam 46:10) "Amah kan rin ngam ang chen chenin kan hahdamin kan thlamuang mai iwn a ni.

Lai Isua chakna innghahin.

A tanpul ang che, a pui ang che:

*A hmangaih thlawp lo i rin tlat chuan,
A zai hlimentir ang che.*

*Lal Isua chaknaah innghatin
I buaina pe rawh, Amah pe rawh;
I phur chu rit em mah selangin,
Lal hnenah tawngtai rawh."*

China rama missionary, Hudson Taylor-a chu a damlo va, a chau em em mai a. Chutih lai chuan a thian hnenah lehkha a thawn a, hetiangin: "Ka chau em em a, lehkathawn pawh ka zia thei lo, Bible pawh ka chhiar peih lo va; ka tawngtai thei bawh hek lo. Naupang te tak te, a pa kut rinchhana a innghat angin ka Pa kutah ka innghat tawp mai a ni" tiin. Chutiang taka a hnena innghat thlawp turin Pathianin a duh che a ni. Chak tum suh la; i chak lohzia hriain Pathian kut chakah inkawltir la. tichuan chakna i hmu dawn a ni.

96. KAWNG AWLSAM A NI LO

Tihhreawma ka awm hma khan ka vak bo thih a;

Tunah erawh chuan i thu ka zawm ta.

Nang chu i tha a, thil tha i ti bawh a;

I thu ruatte chu mi zirtir ang che.

I thu ruatte chu ka zir theih nana

Tihhrehawma ka lo awm kha a tha a ni.

Rangkachak leh tangka sang tam tak ai chuan

I kaa dan chhuak-chu ka tan a tha zawk a ni.

Aw Lalpa, i rorelte chu a fel tih leh,

Nang chuan rinawm takin a ni, mi tihhrehawm
ni tih ka hria

(Sam 119:67, 68, 71, 72,75)

Kan num tana thit tha leh pangtai tam tak hi harsatna leh tuarna atanga lo thlong a ni chawk thin. Ni tina kan hnuh leh kan hriet than, a awmzia kan ngaituah ngai loh, tam tak hi tuarna avanga kan dawn a ni asin.

Kan taksa mamawh, a lova kan awm theih loh, ni tina chaw kan ei thin pawh hi tuarna tam tak kal tlanga kan noih a ni Buhhum suma den emaw buh herna khawla her emaw a ngai a; chumi hnuah tui sova chhum a ni leh a; tichuan chawa ei theih a lo ni chauh a ni. Uain thlum tak kan in thin pawh hi a sawr khura grep rah nasa taka sawr atanga lo chhuak a ni. Thingpui kan in thin pawh hi, thingpui hnah sih chhum, khawla nuai atanga lo chhuak a ni.

Kan hta ngainat leh duhzawng ber berte pawh hi, miten harsatna leh tuarna nasa tak an tawh atanga an phuah a ni asin.

Thil hlu leh man tam tak takte pawh hi, tuarna nasa tak kal tlanga siam a ni a. Thlong leh no mawi tak tak, China hlum (China clay) atanga siam te pawh hi, vawi thum, vawi li lai meia an rawh atanga an siam a ni a. Rangkachak hlu tak pawh hi meia nasa taka an rawh thianghlim atanga lo chhuak a ni.

Thing tar leh upa tawhte pawh, a zar blaw chuan a lo chawno va, a lo duah thar leh thin a ni. Müring nua pawh hian harnatna leh tuarna tam tak a tawh atangin thaina, nghebna, chakna leh thianghlimna a nei thin a ni. Natante leh harsatna te tawh lova kan nun a. kal tlanga hlea kan hriet lai chuan, mi tam tak chuan, mal min sawmtu Pütün kan vah betan thin a. Chutiang dinhmun

chu Sam ziaktu pawh hian a tawh a ni. "Tihhrehawma ka awm hma kha chuan ka vak bo thin a," a ti a ni. Keini pawh kan vak bo fo thin awm e.

Mihring nun hi a luhlul ema thunun pawh a ngai fo thin. Thununnain kan nun kawng dikah a hruai ngil thin a ni. Thununna tawh lai erawh chuan hrehawm kan tiin, hriatthiam a harsa hle thin a. Tuar chhuah hnua, a awmzia hriat chian hnua erawh chuan a lawmawm thin a ni. Chu chu Sâm ziaktu hian a hre Chiang a ni. "Tihhrehawma ka lo awm kha ka tan a tha a ni," a ti thei a ni.

Nu leh pate chuan an fa, an hmangaih takte chu, an thunun thin a. An thatna an duh avangin an tuar pawh an phal thin. Chutiang bawkin kan Pa, Pathian pawhin a fa duh takte hi kan tuar a phal a, kan thatna tur leh kan nun a thianghlim nan min tuartir thin a ni. "In tuar hi nangmahni thunun nan a ni; fate chung a tih angin Pathianin in chungah a ti a nih hi; pa thunun loh fa tu nge awm ngai le? Fa zawng zawng hlawh thin thununna chu hlawh lova in awm erawh chuan fa tak ni lovin, sâwn in ni ang asin. Chu lo pawh chu min thunun turin kan tisa pate kan neih kha, chungte chu kan zah si a; chumi aia nasa zawkin, kan nunna turin, thlarau te pa thu thuin kan awm dawn lo'm ni? Anni chuan ni rei lo te, tha an tih ang zelin min thunun ngei tak a, ani erawh chuan, a thianghlimna kan chan ve theih nan, kan thatna turin min thunun zawk a ni. Tin, thununna reng reng hi tuar lai chuan lawmawmin a lang lo va, lungchhiatthlak in a lang zawk thin, tuar hnua erawh chuan, chumia sawizawia awmte tan chuan rah thlamuanawm tak, felna chu a chhuahsak thin."

Richard Baxter a chuan natna rei tak a tuar hnuin Pathian hnenah lawmthu a sawi a. "Aw Pathian, kum 58 chhung lai taksa natna ka chunga a thlen avangin lawmthu ka hrilh a che" tiin.

Kan nun kawng hi awlsam lovin harsa thin hle mahse, Lal Isua nena kan zawh chuan, kan kawng a tieng a, kan harsatnate min chhawk zangkhai thin a ni.

"Ni lo, kawng awlsam a ni lo,

Isua ka kianga awm chuan

Kawng a tieng zel ang,

Ka phur apiang min chhawk zang zel thin."

97. MEIA KAL TLANGIN

"Ngai teh u, mi pali phelha mei laia vei veia; na hauh lovin ka hmu a, a palina lan dan phei chu Pathiante fapa ang a ni." (Daniela 3:25)

Daniela thiante pathum chu lal Nebukadnezzara lim hmaa bawkkhupa, Pathian chibai buka buk turin thu an pe a. Chu thupek chu an zawm loh chuan rawhtuina meipua paih luh tur an ni. A va raphlak dawn em !

Anni erawh chuan, lal thupek chu an hlau hauh lo mai. Jehova lo chu pathian dang chibai buk an tum hauh lo mai. Lal Nebukadnezzara hnenah heti hian thu an sawi ta mai a, "Kan Pathian a rawng kan bawl thina chuan rawhtuina meipui ata min chhanchhuak thei si a, i kut ata pawh, aw Lalber, min chhanchhuak mai ang. Chuti lo pawh hi se, aw lalber, i pathiante rawng chu kan bawl dawn lova, i rangkachak milim din pawh chu chibai kan buk hek lo vang, tih hi hria ang che," tiin.

Nebukadnezzara chu a thinur nasa em em mai a. Daniela thiante chu rawhtuina meipui a paih turin thu a pe ta a. Tichuan, phuar chungin rawhtuina meipui a an paih lut ta a.

Pathianin anmahni a awmpui a, meipui a pangngai aia a let sariha sa zawk pawh chuan a kang thei lo a ni. An phuarnate chu a phelh a, meipui a chuan an vei an vei ta mai a. An zingah Pathian a tel ve a, mi pali angin an hmu a ni. Zawlnei Isaia chuan Pathianin a mite manganna leh harsatna a hriatpuiin a awmpui thin tih min lo hrih a, "Lalpa nangmahni siamtu leh dintu chuan heti hian a ti : tuite in daikai lai pawhin kei in hnenah ka awm ang a; lui te in daikai lai pawhin a chim pil lo vang che u; mea in kal tlang lai pawhin in kang lo vang." Isaia 43:1,2.

Nebukadnezzara chuan Daniela thiante meipui a an vei an vei a, an kang si lo a hmuh chuan mak a ti em em mai a. Meipui atanga lo chhuak turin a au ta ruai mai a ni. An taksa chungah meiin thiltibtheihna a nei lo va, an samzai pawh a kang kir lo va, mei rim pawh a nam hek lo. Daniela thiante Pathian thiltihtheihzia chu a hmuhin an Pathian chu a fak ta a.

Meipui sa tak pawhin an chetvel a tidanglam chuang lo va, khawlaia an kal pangngai angin an kal mai a ni.

Pathianin amah ringtute chu, harsatna leh manganna an tawh lai pawhin a awmpui thin a. Harsatna leh mangannaten an awmdan a tidanglam thei lo a ni. Pathian nen an leng dun a, harsatna leh manganna pawh thlamuang takin an pal tlang thin a ni. Pathianin amah ringtute harsatna hi a lak

kian sak mai lo va, chhel taka tuar khawchhuak thei turin a tanpui thin a ni.

Leitan, pûk thim tak kan luhin, khua a thim mup a, engmah kan hmu thei lo va. Mahse, kan kal tlang hunah khaw eng mawi tak kan hmu dawn tih kan hria, thim zingah mangang lovin, thlamuang takin kan kal thei thin. Harsatna chhumpuiin min khuh laiin, thimin hrehawm hle mah se, harsatnatn min kiansan hunah hlimna ni êng mawi tak kan hmu dawn tih hriain, thlamuang takin kan awm thei ang.

"He khawvel lungngaihna chhum thim hi, ka pa in panna kawthler hlim a ni tih ka hria a. Chu kawng kal tlang chuan ka pa in ka thleng dawn tih ka hria. Lungngaihna meipui kal tlang mah ila, min tina dawn lo tih ka hria." George Matheson

98. MEI LEH TUI KAL TLANG

"Mei leh tui kan kal tlang a, nimahsela, bmun chenghnawng takah lut turin min hruai chhuak a. Pathian, ka tawngtaina min hlawbchhamtir lo va, ka laka ngilneih bang hek lova chu fakin awm rawh se." (Sam 66:12,20)

Harsatna leh manganna hian mihring nun a ti-hrehawm a. Chuvangin, harsatna leh manganna te hi tawh lo ila kan duh hlawn awm e. Harsatna leh manganna tawh ngai lote hi mi nihlawh leh yan-nei niin kan ngai thin.

Harsatna leh manganna tawh ngai lote hi mi nghet leh mi chak an pi chuang lo asin. An ngheh leh an chakzia hriat theinna turin harsatna an tawh ngai lo va. Harsatna leh manganna an tawh hunah

an nihna dik tak a lang चाह dawn a ni. Natna tuar thinte hi an tuarchhel duh thin a; natna tawh ngai lote hi an tuar a zuau duh viau asin.

Vanduaina i tawh a, lungngai leh mangang taka i awmin, vanduai inti mai suh la; Pathian chungah pawh vui mai suh. Pathianin a tana hman tlâka a duhte hi harsatna tam tak kal tlangin a buatsaih thin asin. Lungngaihna skulah te zirtir a ni thin. An chungah thil engpawh lo thleng sela tuar chhuak thei turin kawng hrang hrangin a buatsaih thin. Pathianin a hmanthlâk ni tura buatsaihna i dawn chuan lawm rawh. A hman tlâk ni tura buatsaihna i dawn loh erawh chuan i vanduai hle zawk a ni.

Sipaite pawh hi hman tlak ni turin kawng hrang hrangin buatsaih an ni thin a. Insawizawina chi hrang hrang an nei a. Thui tak tak te an kalin, an tlân thin a. Hrehawm tam tak an kal tlang thin a ni. Chutianga sawizawi leh buatsaih an nih hnu chuan an hman tlâk thin a ni.

"Pathianin a fate zirtir nan tuarna a hmang thin a. Tuarna hian lâwmna ropui tak a thlen thin a ni. Mibring nihna dik tak a tarlang thin a ni. Tuarna hi harsatnaah a ngai lo va, remchang takin a hmang tangkai zawk thin a ni." Selected

"Pathianin a sipaite nawmchenna hmunah a train ngai lo va, kea thui tak tak kal leh hna hah-thlak tak tak thuwhthin a train thin. Luite a dai-kaitir a, tuiquite a hleuh chhuahthin a, tlang sang tak te a lawm chhuahthin a; phurrit tak phur chungin hla tak tak a kaitir thin. Aw le, nang pawh, he-tlang training-na hi Pathian hnen atangin i dawng ve tawh em?" C.H. Spurgeon.

99. LALPA CHU NGHAK FAN FAN RAWII

"I awm dan tur chu Lalpa chungah ngat la, Amah chu ring la, Aman a ti vek ang. Lalpaah chuan chaw! la, Amah chu ngahak fan-fan rawh." (Sâm 37:5,7)

Pathian hnena i tawngtai chhanna i ngahk thin em? A chhanna hmu lovin'eng chen nge i ngahk thin? I ngahk rei em avangin i beidawng hial thin em? Ngahk peih hi a har kan ti thin.

Sâm ziaktu chuan Lalpa chu ngahk fan fan turin min fuih a ni. Tirhko^h Paula pawhin hetu hian a sawi, "Kan hmuh loh chu kan beisei erawh chuan kan ngahk fan fan thin." (Rom 8:25)

Kan la hmuh loh, hmuh ngei kan beisei chu kan ngahk peih thin a ni. Ngahk peihna chuan lungkhamna leb beidawna a tido thin.

Pathian chuan a thutiam chu a hlen ngei thin a. A thutiam chu lo thleng rih lo mah sela, a lo la thleng ngei dawn a; chuvangin ngahk man a awm a ni. Kan ngahk thlawn dawn lo a ni.

Pathianin i tana tha tur chu nangmah aiin a hre zawk a, a ngahk che chuan, i tan ngahk rih chu a tha zawk a ni ang. Lunggai a, rilru tihreh-awm a, beidawng taka awm mai lovin, dawhthei takin ngahk fan fan mai rawh. Lti^h theih bak chham chu eng ang pawhin tih han tum teh mah la, a sawt chuang loiwang. Pathian kutah ngat la, Amah chu ring la, Aman a ti vek mai ang.

Ngahk hi naupang zi a ni a, ngahk peih hi puitling zi a ni. I ngahk thin chuan rinna lama i naupang a ni ang. I ngahk peih chuan rinna lama i puitling a ni ang. Pathianin Amah rinna lama puitling turin a duh che a ni.

*"I phurrit hnuaiah chau mah lo,
 Van thatnain a chhawk ang che;
 Dak la, chatuan a lo hnai ta.
 Nghak hram la, phunnawi lo vang che.
 Hrehawm mah se thawk zel ta che,
 Tawngtai engmah theihnghilh lovin:
 I chawlhna ni a lo hnai ta,
 Nghak hram la, phunnawi lo vang che."*

Lei leh van leh a chhunga thil awm zawng zawngte siam turin Pathianin ni ruk chhung a nghak a. Thihna hneha tho leh turin Lal Isuan ni thum a nghak a. Pangpar kuhmum chu mawi taka par chhuak turin ni rei tak nghah a ngai thin. Nghak peih lovin a kuhmum hi kheh ta mai ila, pangpar mawi a par chhuak lo vang. Lalpa chu nghak fan fan rawh.

100. MALSAWM RUAH

*"Chhum tui pai chu a intiruak thin, lei chungah."
 (Thuhritlu 11:3)*

Chhum zing chuan ni eng a hliah a, khua a tidur thin. Chhum zingin ni eng hliah mah se, ni chu chhum chung lamah a ên pangngaiin a eng reng a ni. Chhum zing a kian hunah ni eng kan hmu leh mai dawn a ni. Chhum bian ruah a pai a, a dur nasat zawh poh leh ruah a sur nasa dawn a ni mai. Chhum dum chbah mup chu hlaubawm hle mah se, ruahtui min petu a ni a, kan tan mal-sawmna a ni.

Mibring nun pawh hi lungngaihna chhumin a khuh thin. Lungngaihna hi tuar lai chuan a hreh-

awm a, hriatthiam pawh a har thin. Makse lungngaihna hi mihsing hnena malsawmna thlent a ni fo mai. Hlawhtlinna hi thawhrimna a awm loh chuan a thleng ngai lo va. Chawimawina pawh hi tuarna atangin a lo chhuak thin. Lal Isua pawhin Kros a tuarna nasa tak a tuer hnuaa chawimawina ropui tak a chang ta a ni. Mihring nun pawh hi lungngaihna leh manganna chhumin khuh chang awm mah se, a kian hun a awm thin a. Ruahtui tlain nungcha leh thlai leh hnim te hnenah nunna thar a pe angin, kan chung a lungngaihna lo thleng pawh hian nun thar leh malsawmna thar a rawn thlen thin a ni.

Pathian ringtu ropui tak takte hi lungngaihna leh manganna tam tak kal tlaang an ni chawk a ni.

A hnuaia thuziakte hi ngun takin chhiar la, i rilruin ngun takin han ngaihtuah zui teh :

"Ni êng hliah thintu chhum a lo zinin i phun-nawi mai thin em? Chhum chuan ni êng chu rei lo te a hliah a, ni êng a tireh thei lo, rei lo te hnuaa ni a lo eng chhuak leh mai thin. Chhum dum chhah tak chuan ruahtui a pai tam a. Khaw dur a thim chhah hle chuan ruahtui a pe tam dawn a ni thin. Chhum sawm lovin engtin nge ruahtui kan hnuaa thei ang? Manganna te pawhin malsawmna a thlen thin. Ruahtui chu nungcha tin-rongin an lawm thin. Pathianin tuarnain min thilawm mah se a lungngaihna min tharh leh thin a ni." C.H. Spurgeon

Lungngaihna chhum thim hi Pathian hmel êng hriaan huan a ni thin tih ka hre chhuak ta." Madame Guyon

"Lungngaihna chhumín a khuh lai chein hlau suh la. Chutah chuan Pathian a awm, chumi piah lamah chuan ropuina êng a awm tih hria ang che. I chungá tuarna lo thleng chu mak ti suh la, Krista tuarna tawmpuina a ni tih hria ang che. I khawhar ber lai leh kalsana awm nia i inhriat lai pawhin i hnenah Pathian a awm reng thin tih hria ang che. Chhum thim chhah takah pawh Pathian a awm a, a lo nghak reng che a ni." Selected

"Pathianin a fate harsatna hnuaiah a dah fo thin a. A chang chuan chung harsatnate chu kiang thei awm pawhin a lang leva. Chutiáng harsatna dinhmunah chuan nang pawh i awm thin a ni thei e. Chu harsatnaa hruai luttu che chuan a hruai chhuak leh thei che tih hria ang che. Chutiáng hmun chu Pathian chakna leh thiltihtheihna lan chhuahna remchang a ni thin. Harsatna atanga a chhanchhuah che bakah, thil zir chhuah pawimawh tak leh tangkai tak a neihtir ang che. Chu thuruk chu i hriat chhuah hunah zet chuan, Pathianin chutiáng dinhmuna a dah che avangin a hnenah lawmthu i sawi tawh zawk ang." Selected

101. I THU NI SE

"Lalpa lak ata Jeremia hnena thu lo thleng chuan, tho la, belvawtu inah chuan zuk kal la, chutah chuan ka thute ka hriattir ang che, a ti a. Tichuan, belvawtu inah chuan ka zuk kal ta a, a bel siamna khawlah chuan a lo thawk a. Hluma bel a siam lai chu a lo that loh chuan belvawtu chuan tha a tih angin bel dangah a din leh mai thin a." (Jer. 11:1-4)

"Aw ka pa, he no hian mi pel lul rawh se, nimahsela, keima thu ni lovin, nangma thu thu ni zawk rawh se" tiin a jawngtai a. (Mat. 26:39)

Mihring hi luhlul tak leh mahni thu duh tak kan ni a. Mahni tawka induh tak leh chapo tak kan ni deuh vek mai. "I thu ni se," tih ai chuan, "Ka thu ni se," tih leh "Kei hian thu nei ber ila," tih duh mi kan ni a. Mi thu hnuaia awm aain mi dangte chung a thu neih kan duh zawk fo thin Mahni duhzawng leh tha tihzawng tihhlawhtlin tum mi kan ni a. Kan duh ang leh kan tum a hlawhtlin loh chuan beidawn leh lungawi loh mai pawh kan ching a ni.

Zawlnei Jeremia hnena Lalpa thu lo thleng chuan, Jeremia chu belvawtu hnena kal tur leh a thu dawng turin a hrilh a. Tichuan, belvawtu hnenah chuan a kal ta a. Belvawtuin bel a vaw lai a va hmu a. Belvawtu chuan a bel vuak chu a that loh chuan, tha a tih angin bel dangah a din leh mai thin tih a hre chhuak a, belvawtu bel vuak dan a hmuh atang chuan Pathianin mihringte chung a thu a neihzia, a hmu chhuak ta a. Pathian chu belvawtu ang a ni a, mihringte hi bel siamna hlum ang kan ni. Keimahni chung a thu neih kan tum a, mahse keimahni chung a thuneitu dik tak chu Pathian a ni. Keimahni thu thua awm kan tum a, mahse Pathian thu thua awm tur zawk kan ni. Keimahni duhzawng th kan tum a, mahse Pathian duhzawng ti tur zawk kan ni. Tirkoh Paula chuan Korinth khuaa nite hnenah chuan heti hian a sawi a. "In taksa chu, in chhuiga awm Pathian hnen atanga in hnen Thlarau thianghim in a ni

tih in hre lo em ni? Mahni ta pawh in ni lo va, mana lei in ni tawh asin; chuvangin in taksaah chuan Pathian chawimawi rawh.” (I Kor 6:19,20)

Hla phuahtu chuan hetiangin hla a lo phuah :

*“Lalpa, i thu ang ni zel rawh se,
Belvawtu i ni, kei bellei chu,
I duh ang ngeiin min han siam la,
I thua awmah ka inpe e.”*

Lal Isua pawhin a chung a thihna lo thleng tur chu a huphurh a, pumpelth theih ni se a duh a ni. Mahse, a duhna aini Pathian duhna a laltir zawk a. “Keima thu ni lovin, nangma thu ni zawk rawh se,” tiin Pathian hnenah a inhlan a ni.

Pathian hnenah kan duhzawng engkim dil tur kan ni ngei mai. Mahse, a hnenah kan dil tam tak, kan duhzawng leh kan tana tha tura kan ngaih hi kan tan a tha kher lo mai thei a ni. Tawngtaina chhangtu Pathian min chhan dan hi kan tan a tha a ni, tiin pawm thei zel ila, a va hahdamthlak dawn em !

Lal Isua angin “I thu ni se” tih hi a zir chhuah theih asin. Lalpa i thu ang ni zel rawh se, tih hla phuahtu, Adelaide Pillard-i chu Pathian rawngbawla inpein missionary nih a tum a. Mahse pawisa lam harsatna avangin a kal thei ta lo va. A rilru a hrehawmin, a hah em em mai. Vawi khat chu, tawngtai inkhawmnaah a tel a. Chuta pitar pakhat tawngtaina chuan a rilru a khawihin a hneh hle mai a. A tawngtai thu chu hetiang hi a ni. “Lalpa, ka chungah eng pawh lo thleng se, i thu ni zel rawh se,” tih hi. Chu pitar tawngtaina chuan a rilru hah chu a chhawk huaiin a hria a. A ina a

haw vehh Jeremia 18:3,4 a chbiar a. Pathian, thu a chbiar zawh chuan a rilruah hla thu a lo awm a, he hla hi a phuah ta a ni. Pathian remruatna chu dawhthei takin a ngah a, nakinah chuan Africa ramah missionary hna thawkin a kal ta a ni.

Kan tawngtai tihtawp nan, "Eng pawh i thu thu ni se," tiin kan sawi thin a. Tawngtai tihtawp-na thu anga ngaiin kan sawi mai thin nge, kan rilru chhungrilah Pathian thu thua awm thlang tak meuhin kan sawi thin le?

Mizorama kristian hmasate kha, "Pathian thu awi" tiin an sawi thin a, hming mawi tak leh tha tak a ni. Tun lai Mizo kristiante hi, "Pathian thu awi" tia koh tlak leh "Pathian thu awi" tia inko ngem tur kan ni ve ang em le?

102. ENKIMAH LAWMTHU HRIL ZELIN

"Engah mah mangang suh u; engkimah tawngtai leh dilin, lawmthu hril tel zelin in duhnate chu. Pathian hnenah hriattirin awm zawk rawh se. Tichuan, Pathian thlamuanna, rilru renga renga hriat sen loh khan in thinlung leh in ngaihtuahna te chu. Krista Isuaah chuan a ven-sak ang che u," (Philippi 4:6,7)

Pathian chuan mihringte hi kan mangan hma-zia a hzia a. Mangang lo turin min duh a ni. Pathian Thu chuan engah mah mangang lo turin min fuh a ni. Mangang lote tan chuan he fuhna thu hian awmzia a nei lo. Mangang thjate tan pawh zawm hama tak a ni tho mai. A mangan loh agawt thei em ni, kan ti mai awm e.

Engkima tawngtai leh dil chu harsa kan ti awm lo ve. Mahse a zawmpui, engkima lawmthu sawi

erawh chu harsa kan ti hle âwm e. Pathian hnenah pawh, lawmthu sawi theihna âwm leh lawmthu sawi theih lohna âwm hi awmin kan hre tlat thin. Engkimah lawmthu hril tura fuihna kan hmu tlat si, hlawhtlinna leh malsawmna te kan dawn chuan Pathian hnenah lawmthu kan sawi thin. Hriselna tha kan neih chuan lawmthu kan sawi thin. Hlawhchhamna leh vanduaia te kan chungah a lo thlen chuan Pathian hnena lawmthu sawi har tak a ni. Lawmthu sawi aiin vui thu sawi mai awl tak a ni.

Engah mah mangang lo tur leh engkima lawmthu hril thei tur chuan, kan manganna te a hnenah kan thlen a, kan duhna te a hnena kan hriattir thin a ngai a ni. Manganna kan tawh lai hian kan manganna ringawta rilru pek zawh awl tak a ni a. Kan ngaihtuah nasat zawh poh leh, mangan a zual mai si. Kan manganna te min briatpui a, min tanpui theitu Lal Isua hnenah kan manganna te thlen ila Ama hnenah kan manganna zawng zawng nghat ila, tichuan Anin min chhawk zangkhai dawn a ni. Tirhkoh Petera chuan, "Anin a ngaihsak thin che u avangin in manganna zawng zawng ama chungah nghat vek rawh u" tiin min fuih a ni. (I Petera 5:7) Kan manganna te keimahni chungah kan nghat a, rit takin kan phur thin. Lal Isua chungah nghat ila. Anin min phurhsak ang a, min chhawk zangkhai dawn a ni.

Tuarna nasa tuartu, George Matheson-a chuan hetiangin Pathian hnenah a jawngtai thei a ni: "Ka Pathian, malsawmna ka dawn avangin i hnenah lawmthu ka sawi thin a; mahse vanduaia ka tawh avangin i hnenah lawmthu ka sawi ngai reng reng lo va. I tana ka tuarna avanga lawmman

hmuh ka beisei chu ka thlir thin a; mahse ka tuarna chu tunah pawh ka tan ropuina a ni tih ka hre ngai lo va. I tana ka tuarna hlutzia leh ropuizia mi hriattir la; vanduaina hlutzia leh lawmawmzia pawh mi hriattir ang che. Vanduaina hi i hnena kalna kailawn a ni a. Tuarna avanga ka mittui te hian chhimbal mawi tak a zamtir tih min zirtir ang che," tiin.

"Mi tin hian, Pathianin harsatna skul a siama kan zir a pawimawh a. Chu skula zir chhuakte chuan, 'zan hian arsi êng a lantir avangin a lawmawm a! Harsatnate pawh hian Pathian thlamuanna a lantir avangin, a tha a ni' an ti thei thin a ni."

—H.C Trumball

103. KRISTIAN LUNGAWINA

"Ka tlakchhamna thu sawi zawng ka ni lo ve; kei zawng eng eng pawhin awm mah ila, lungawizel ka ching tawh si a. Tlawm taka awm dan ka thiam a, hausaa awm dan pawh ka thiam bawh a; thil tinrengah leh thil zawng zawngah tlai leh rilama awm dan, hausa leh tlachhama awm dan thuruk chu ka hre chhuak tawh. Mi tichaktuah chuan engkim ka tithei a ni." (Phil. 4:11-13)

Khawvel hi lungawi lohna khawvel a ni a. A chhunga cheng mihringte pawh hi lungawina nei lo kan ni. Pu K. Lalthanzama hla phuah hian kan nihna a sawi chiang hle a ni:

*"Lungawi lohna khawvel hi zawng,
Belkhatan leh lunggath a tizual;
Runawhna leh duhamna hian,
Chin lem a nei lo ve!"*

Mahni nihna leh dinhmunah kan lungawi lova. Nu leh pate fate chungah an lungawi lova. Hna-thawktu leh ruaitute pawh an lungawi bawh hek lo. Kristiante pawh hian kan chungah thil lo thlengte leh khawvela thil lo thlengte kan hmuh hian lungawi harsa kan ti fo thin a ni. Kan hriat chiah a tawi em avang leh kan inngahna a dik loh thin avangin kan lungawi thei lo a ni.

Kristian lungawina chu eng nge ni ta ang le? Kristian lungawina hi thuruk a ni. Tirkoh Paula chuan chu thuruk chu a hre chhuak tawh a. "Kei zawng eng ang pawhin awm ila, lungawi zel ka ching tawh si a," tiin a lo sawi thei a ni. Thil tinrengah leh thil zawng zawngah lungawina thuruk ka hre chhuak tawh a ti thei a ni. Keini zawngin thil thenkhatah lungawi theihna nei thei mah ila, thil dangah lungawi lohna kan nei leh thin a nih hi!

Kristian lungawina chu a chungah thil lo thleng engmahin a tidanglam chuang lo a ni. A chungah thil lo thlengah a lungawina a inngahat lova, a lungawina chu Kristaah a inngahat a, Krista chu a danglam ngai si lo va, a lungawina pawh a danglam ngai lo a ni. Tuipui chungah lawng chu tuifawn a nasat zawh poh leh a invawrh sang angin, nun himna lawng Kristaa inngahat chu harsatna leh lungngaihna tuifawnten len thin mah se, a nasat zawh poh leh a leng sang ting a ni mai!

Kan chungah thil lo thlengte hi lo thleng lo tur nia kan ngaih tlat chuan lungawi a harsa thin a. Kan chungah thil eng pawh a thleng thei a ni tih kan hriat chuan lungawi lohna tur a awm lo a ni.

Kan chungah thil lo thleng engkim hi Pathian hriat lohvin a thleng ngai lo tih hriatna hi lungawina

a ni. Kan lungngaihna leh manganna te hi min hriatpui chauh a ni lova, kan lungngaihna leh mangannaah a mangang ve thin a. Ama chung a thleng angin a ngai thin a ni. Kan lungngaih leh kan mangan lai pawhin kan hnenah a awm a, min tanpui turin a hnai reng thin a ni. "An manganna zawng zawngah chuan ani chu a mangang ve thin a,.... anmahni a puain, anmahni a pawm thin." (Isaia 63:7-9) "Tuite in daikai lai pawhin kei in hnenah ka awm ang a; luite in daikai lai pawhin a chimpil lo vang che u: meia in kal tlang lai pawhin in kang lo vang." (Isaia 43:1,2)

Kan chung a thil lo thlengte hi Pathianin a thlawnin a thlentir ngai lo. Kan thatna turin engkimin min thawhsak zawk thin a ni. Kein in a thawh dan kan hriat thiam loh thin avangin lungawi harsa kan ti thin a ni.

Kristian lungawina hi mahnia neih theih mai a ni lova, Krista zara neih theih chauh a ni. Krista chu lungawina famkim a ni a, Krista neitu chuan lungawina a nei thin a ni.

*"Amah nen kan inpawl chuan,
Dam chhung ka tawh apiang hi.
Lawmna tur hlir a lo ni si!"*

104. PATHIAN, ENKIM MI TIHSAKTU CHU

"Aw Pathian, mi khawngaih rawh, mi khawngaih rawh; ka muna hi nangmahah chuan a thu lut si a: A ni, i thila hnua chu ka chuñ ang, vandamato hi a kian hma loh chuan. Pathian chunngunbera chu ka su vang. Pathian, engkim mi tihsaaktu chu." (Sam 57:12)

He Pathian fakna hla hi Saula hlauva puka a tlan bo laia Davida phuah nia sawi a ni. Saula lakah a nunna a him lo tih a hria a, a tlanchhia a ni. Mihring tanpuina chuan a hum zo dawn lo tih hriain Pathian tanpuina a au ta a ni. Pathian khawngaihna a dil lawm lawm a ni. "Aw Pathian mi khawngaih rawh, mi khawngaih rawh," tiin Pathian khawngaihna a ngen a ni. A nunna thih hlauhawm taka awm chuan tlakchhiatna tur leh tluk luhna tur dang a nei lo tih a hria a. Pathian thlazar hnuaia tluk luh chu a himna ber a ni tih a hria a ni. Vanduainaten a kiansan hma loh chuan Pathian thlazar hnuaia awm a chuh a ni. A tluk luhna Pathian chuan engkim a tithei tih a hria a. A tihsak tawh thin avangin, a tihsak leh zel dawn tih pawh a ring ngam a ni.

Keini pawhin vanduainate kan tawh thin a. Kan nunna hi thih hlauhawmin a awm fo thin. Chung hunah chuan khawiah nge thlamuanna kan zawn a, himna beiseia kan tluk luh thin? Mi thil tithei leh mi hausate hnenah kan tlu lut thin em? Kan thin tha leh min hmangaihtute hnenah kan tlu lut thin em? Mihringten intanpui theih chin kan nei ngei mai, mahse tawp chin a nei thin.

Vanduaina leh harsatnaten min chim laiin Lal Davida ang hian Pathian, engkim min tihsaktu hnena tluk luh tluka thlamuanawm a awm lo. Chuvangin, Pathian hnenah i tlu lut thin ang u.

*"Manganna ka tawh te zinga,
Hrehawm taka ka awm lai hian;
Ku ngaihtuahin ka lawm zawk e,
Lalpa mi ngaihtuah hi.*

*Nangin mi ngaihtuah þhin,
 Nangin mi ngaihtuah þhin,
 I kiangah eng nge ka hlauh ang ?
 Nangin mi ngaihtuah þhin."*

"Anin a ngaihsak þhin che u avangin, in mang-
 anna zawng zawng Ama chungah nghat rawh u,"
 (I Petera 5:7)

105. THLAMUANTU DANG

"Tin, ka pa ka dil ang a, an chuan Thlamuantu
 dang a pe ang che u, chatuana in hnena awm
 turin." (Johana 14:16)

"Ka kal in tan a þha e; ka kal loh chuan
 Thlamuantu chu in hnenah a lo kal dawn si lo;
 ka kal erawh chuan in hnenah ka rawn tir
 ang." (Johana 16:7)

Lal Isuan a zirtirte hnenah a Pa hnena kal tur
 thu a hrilhin an thlaphang a ni ang. An hnenah
 thlamuantu dang a pek tur thu a hrilh a ni. A
 zirtirte chuan an hnena awm reng turin an duh a,
 a kal bosan an hlau a ni. A tel lova khawvela awm
 an huphurh a ni. Lal Isua erawh chuan an hnenah,
 "Ka kal in tan a þha a ni," a ti tlat mai. An ngaih-
 dan a va inang lo em ! A zirtirte chuan Lal Isua
 ngaihdan chu an hriat thiampui phak lo hle mai.

Lal Isua he khawvela a awm lai khan, hun leh
 hmunin a chungah ro a rel ve a. Hmun pakhata a
 awm lai chuan hmun dangah a awm thei lo a.
 Hmun tinah a awm thei lo va, mi tin hnenah a awm
 thei hek lo. Thlarau Thianghlim chungah erawh
 chuan hun leh hmunin thu a nei ve lo va. Arual-
 in hmun tinah a awm thei a, mi tin hnenah a awm

TUARNA THURUK

thei bawk a ni. Taksaa a awmpuina aiin Thlaraauva a awmpuina chu a tangkai zawk a ni.

Lal Isuan Thlamuantu a tih chu Thlarau Thianghlim a ni a. Thlamuantu tih hian awmze hrang brang a nei a. A awmzia chu, tanpuitu tihna te, hruaitu tihna te, fuihtu tihna te, tichaktu tihna te, tihuaisentu tihna te, sawipuitu tihna te, kianga awm tihna te a ni a. Thinlung tithianghlimtu a ni a, thlarau pianthartirtu a ni bawk.

Thlarau Thianghlim chuan ringtu chak lote a tichak a; dawizepte a tihuaisen a; thlaphangte a thlamuan a; mangangte a tanpui a; tuartute leh lungngaite a thlamuan thin. "Thlarau chuan kan chak lohnate a pui thin a; engtia tawngtai tur nge tih kan hre si lo va; nimahsela, Thlarau chuan rōm sawi hleih theih lohvin min tawngtaisak thin." (Rom 8:26)

*"Kan Tlantun a zuitute chu,
Fahrah nih phal lovin;
A chhoh hmaa tiam Thlamuantu,
Awmpui turin.
Thuro angin a lo leng,
A tanpui, a thlamuan;
A thawk chak thlipui ai pawhin.
Sual hneh nan chuan,
Khual angin kan zingah pawh hian,
A lo thleng, a lo awm;
Thinlung inngaitleawm lam a pan,
Muangin a cheng.
Tin, kan thinlungah aw mawi nem,
Tlai lam thlifim ang hi;
Zilha, fuihin; hlauhvah min hnem,
A aw a ni."*

106 TUARNA CHANCHAN THA

"Ani chu mihringte hmuhsit leh duh lohvin a awm a, lungngaihnhate nei mi leh natna hre mi a ni a : miten an hmai an huhsana ang chuan ani chu hmuhsitin a awm a, keini lah chuan ani chu kau ngaisang si lo. Ani chuan kan natna te phurin, kan lungngaihnhate pawh a phur ngei a : nimahsela keini chuan lungngaihna tlak-buakah, Pathian vuakah, tihretheihah kan ngai si a. Nimahsela ani chu kan bawhchhiatnate avangin hliamin a awm a, kan khawlohnate avangin vuak thitlinin a awm a : kan thlamuanna tura thununna chu a chungah a tla a ; a yuakna vualtea tihdamin kan awm ta." (Isaia 53:3-5)

"Khawvelah hian hrehawmin in awm thin ; nimahsela, thlamuang takin awm rawh u, keiin khawvel ka ngam ta." (Joh 16:33)

"Chu hming avang chuan mualpho tuar tlaka ruat an nih avangin an lawm em em a." (Tirhkohte 5:41)

Tuarna hi tumahin tha kan ti ngai lo va, tuarna hi Chanchin Tha kan ti ngai bawh hek lo. Tuarna harsa (Problem of Suffering) tiin kan sawi thin a. Mahse, hetiang a tuarna kan ngai hi Bible zirtirna leh kristian thlirna atangin a dik ang em ? Tuarna Chanchin Tha tih hi kan sawi dan tur a ni zawk lo maw ?

Khawvel hi tuarna khawvel a ni, a chhunga cheng mihringte pawh hian kan tuar thin a ni. Chu thu chu sawi tawh ngai tova kan hriat sa a ni

a. Tuarna hi mi tin chungah a thleng thin tih hre Chiang hle mah ila, kan chungah a lo thlen meuh chuan "Enga ti nge?" tiin kan zawt theuh mai. Mahse he khawvela kan awm chhung hian tuar lovin kan awm thei si lo a nih hi! Chutianga hrehawm tuar thin mihringte hnenah chuan Lal Isuan, "Khawvelah hian brehawmin in awm thin, nimahsela thlamuang takin awm rawh u, keiin khawvel ka ngam ta," a ti alawm.

Judate chuan miin natna a tuarin a sual vang niin an ngai a. Chu chu Mizo hnam ngaihndan pawh a ni a, chu ngaihndan chu kristian kan nih hnu pawh hian kan rilruah a la cham reng a ni.

Lal Isua ngaihndan erawh chu a dang daih mai. Pian tirh ata mitdel a hnena an han hruai khan, a mitdel chhan hetiangin an zawt a, "He mi hian nge thil tisual, a nu leh pain," tiin. Lal Isua chuan beti hian a chhang a, "He mi hian thil a tisual lo va, a nu leh pa pawhin an tisual hek lo. Pathian hnathawb a chunga a lanna tur a nih zawk hi," tiin. A reng thua kan sual vanga tuar zel tur ni dawn ila, dam lai hun kan nei thei dawn em ni? Misual kan ni si a! Tuarna hi a chhan hmuh chhuah tum a sawt lova, a chhan hmuh chhuah avanga reh thei a ni hek lo. A tidam theitu hmuh chhuah a, tuar laia awm dan tur leh tawh dan tur hriat chhuah a pawimawh zawk a ni.

Lal Isua meuh pawh mihringte hmuhsit leh duh lohvin a awm a : lungngaihndate hre mi leh natna hre mi a ni. Mite hmuhsit leh tibduhdah a tuar a, lungngaihna leh natnate a tuar a, a hneh zo va. Chutianga lungngaihna leh natna tuara hnehtu chuan lungngaihna leh natnate kan tuar thin tih a bria a,

min hnehsak a, thlamuang taka awin turin min duh a ni. Hebrai lehkhathawn ziaktu chuan, Lal Isua chu, "Puithiam lalber, kan chak lohzia inhriatnate min hriatpui a, keimahni ang bawka kawng tinrenga thlemna tawh tawh, sual erawh chu sual lo a ni. Zahngaihna kan hmuh theihna tur leh puih kan ngaih huna tanpuina khawngaihna kan hmuh theihna turin khawngaihna lalthutphah chu huai takin i hnaih ang u," tiin min fuih a (Heb. 4:15,16). Sam ziaktu chuan, "Pathian chu kan inhumhimna leh kan chakna, mangan laia tanpui vartu hnai reng a ni," tiin min hrih bawh a (Sam 46:1).

Lal Isua chung a tuarna thlen nasatzia hi kan ngaihtuah ngai em? A pian ni atanga a thih ni thlengin a nun chu tuarnain a khat tih tur a ni. A pianna chu in pangngai a ni lova, ran in a ni a; a mutna pawh khum pangngai a ni lova, ran chaw pekna thleng a ni a. Nausen a nih laiin Herodan thah a tuma, a nu leh pain an tlanchhiatpui a, a lo seilian a, amah hawtuten thah tumin an phiar a, an man a, an tiduhdah a, kros-ah an khengbet a. A thih hnu pawhin chhungkaw thlanah an phum lova, mi thlan hawhah an phum a. Hetiang taka tuarna nasa leh rapthlak tuartu Lal Isua chuan tuarna hmangin mihringte min chhandam a ni. A tuarna chu amah ringtute tan Chanchin Tha a lo ni ta. A tuarna kros, rapthlak tak ni thin chu, ringtute tan ngainatawm tak a lo ni ta. A tuarna tlang Kalvari, tlang hlauhawm leh fihbaiawm tak chu, tlang mawi a lo ni ta.

Pathian mi ropui tak takte pawh tuarna nasa tak tuar thinte an ni hlawm. Joba te, Josefa te, Stephana te, Paula te, Petera te leh mi dang tam

tak pawh tuarna nasa tak tuartute an ni a. Kristian hla tha tak takte pawh hi tuarna aṅga phuah an ni asin. "Lal Isua, kan ṭhian tha berin" tih hla phuahthu hi Joseph Scriven-a a ni a. A nupui hual chu an inneih dawn zanah tuih a tla hlum a. Chutiang tuarna rapthlak tak a tuarna aṅang chuan he hla hi a phuah a. Ringtu harsatna leh tuarna tawh tam takten thlamuan nan an hman phah a ni. "Aw, hmangaihna, min thlah lotu," tih hla hi George Matheson-a phuah a ni.

A mit a del a, a nupui hualin a nei duh lo va. Chu harsatna a tawh aṅang chuan he hla hi a phuah a ni. An chungah hetiang harsatna leh tuarna hi thleng lo se, an hla phuah tha tak te hi kan nei kher lo vang le?

Harsatna leh hrehawm kan tuar laiin, Lal Isua hnenah, "Aw, Lawmna, tuara min zawngtu," tiin tlu lut ṭhin ila, Anin min lo chbâwk zangkhai dawn a ni. Tuarna hi Chānchin Tha kan ti thei ve em le!

107. HMANGAIHTU KIANGAH

1. *Khawvel lungngaih, manganna hian,
Min tuam vel a, chhumpui angin;
Chutin lungngaih kan tuar fo va,
Lusun, ṭah leh natnate pawh.
Hmangathtu kianga ka awmin,
A lo kiang ṭhin - lungngaihna zawng;
Lungngaih, miltui a hul tawh ang;
Chatuan hmun nuam ka thlen hun chuan.*
2. *Lungngaih chhumpui a zin changin,
Ṭah lai bangin ka mawi lo ve;
Hmangaih ṭhen zawng a na ngei e,
Thinlai lungṛil a fan ngei mai*

- 3 *Thlafam ngaia ka lo awmin,
Thenrual lungduh ngaih a na e;
Ka ngai zual thin ka Chhandamtu -
Lungngui fate thlamuantu chu.*

He hla hi ka fapa Andrew Lalramdina (thih ni 7 January, 1967) thih ka hriat a, ka phuah a ni. A thih lai hian Nagpur-ah ka awm a. Theological Education Fund tanpuinaa lehkhahu buatsaih chung-chang ngaihtuahhona inhmuhkhawmnaah ka kal a, ka awm loh hlanin min lo thihsan a. Kan zin hmaa a hmel hlim tak leh duhawm tak ka hmuh kha ka hmuh tawp a ni ta! He hla hi thlawhttheihnaa ka chuan laia ka phuah a ni

108. HLUN TUR AN AWM LO

1. *Khawvelah hian hlun tur an awm lo,
Thil siam tinreng an boral a,
Mihring pawh kan boral thin;
He lei hi hmun hlun a ni lo.*
*Mahse, hmun pakhat a awm ka hria,
Chu hmun chu chatuan hmun a ni;
Lei hmun ang hi a ni lo,
Chutah hmangailhte an leng e.*
2. *He khawvel lungngaih, manganna hian,
Min ngaihtir thin chu hmun nuam chu;
Engtik nge ka thlen ve ang,
Hmangaih ram nuam then loh ram chu ?*
3. *Chu hmun pan chuan mi tam tak an kal,
Kan hmanguihte pawh an tel ve;
Inthen ni awm thin mah se,
Intawh khawm hun a awm leh ang.*

4. *Chu hun chu ka thlir fo thin,
Hmangaih lungduh tawh hun tur chu;
Inthen a awm tawh ngai lo vang,
Chatuan hmun hlun ram nuamah chuan.*

He hla hi ka fapa sūna kan khawhar laia phuah bawk a ni. Thihna bian he khawvel hi hmun hlun a nih lohzia min hriattir thin a. Hmangaih thene nena kan intawhkhawmna hmun tur – chatuan hmun hlun min ngaihtir thin a ni.

109. HLIMIN KAN INTAWK KHAWM LEH ANG

1. *He lei thenna ramah hian,
Hmangaih lungduh kan then fo thin;
Inthen changin thinlai a na,
Lungngaiin kan rum thin a ni.
Lalpa hmun buatsaihah chuan,
Inthena a awm tawh lo'ng;
Chu hmunah hmangaih thene nen,
Hlimin kan intawk khawm leh ang.*
2. *Lalpa hmun buatsaihah chuan,
Lusun, khawhar, lungngaihna;
A awm tawh lo'ng tahnate pawh,
Chatuan lawmna kan chang tawh ang.*
3. *He khawvel hrehawmah hian,
Mittui nen rum mah ila;
Lalpa buatsaih then loh ramah,
Lungngaih mittui a hul tawh ang.*
4. *Chu hmun chuan ka lung min len,
Hmangaih lungduh lenna chuan;
Engtikah nge ka thlen ve ang,
Hmangaihthe lenna ram nuam chu.*

He hla hi ka fapa sūna ka khawhar laia phuah a ni. He khawvelah hian hmangaihte then mah ila, Lalpa hmun buatsaih ram nuamah chuan hlimin kan intawk khawm leh dawn a ni.

110. LAL ISUA KA NEIH PHAWT CHUAN KA RETHEI LO VE

1. *Lal Isua ka neih phawt chuan ka rethei lo ve,
Ka mamawh engkim a nei – Lal Isua'n;
Ni tinin Ama'n min pe – ka mamawh tinreng,
Engkimah ka tan rin tlak a ni si.*

*Lal Isua ka neih phawt chuan ka rethei lo ve,
Englai pawhin Ama'n min awmpui si;
Lal Isua ka neih phawt chuan ka rethei lo ve,
Lal Isua, ka tan engkim a ni.*

2. *Lei hausakna sum leh pai leh ropuinate,
Nei lovin retheiin lang mah ila;
Lal Isua ka neih phawt chuan ka rethei lo ve,
Ka mamawh engkim a nei – Lal Isua'n.*
3. *Lal Isua ka neih phawt chuan ka rethei lo ve,
Engkimah ka tan rin tlak a ni si;
Ka thlarau tan nunna, ka taksa tan damna,
Engkimah ka tan engkim a ni si.*

Hla phuahu hian Lal Isua neih hlutzia leh lawmawmzia a hre chiang hle mai. "Thil dang engmah nei lo mah ila, Lal Isua ka neih phawt chuan engkim nei tluk ka ni," a ti a ni. Mihringte'n mamawh kan ngah hle a. Kan mamawh zawng zawng chu Lal Isua'n a nei a, a hnen atangin kan nei thei a ni. Mahse, mihring ritru hi a duham om avangin kan mamawh aia tam neih theih kan duhin, neih kan tum thin a. Chu chuan min tihrehawm thin.

“Ni tin kan ei khawpin chaw min pe ang che,” tia kan tawngtaina hi kan sawi mai mai a, kan ti tak tak lo a ang thin a ni. “Ni tin kan ei khawp aia tam (kan mamawh aia tam) min pe ang che,” tia tawngtai ang hrimin, kan mamawh aia tam neih tumin kan buai thin a ni. Lal Isua neitu chu engkimah a lungawi a, engkimah a lawm thin a ni.

He hla ropui tak hi rilru leh thinlung takin kan sa ve thei em le? Mihringte hian tlakhham tam tak kan nei thin. Sum leh pai kan tlachham thei a, hriselna kan tlachham thei a, rinawmna kan tlachham thei a, tlakhham tam tak kan nei thei a ni. Mihring mamawh engkim mai tlachhama kan inhriat lai te hian he hla hi hre chhuak thin ila, he hla hi i sa ve ang u.

111. HARSATNA HNEH THEIH LOH A AWM LO

“Min tichaktuah chuan engkim ka ti thei a ni.”
(Philippi 4:13.)

Mi tin hian harsatna eng emaw kan nei theuh mai. Kan harsatna chu thenkhat a hian a, thenkhat a nêp a. Harsatna engpawh hian mihring nun a tihrehawm thin a ni.

Tirhkoh Paula pawhin harsatna a nei a. A harsatna chu lakkiansak turin Pathian hnenah a dil thin a. Mahse, Pathianin a lakkiansak chuang lo. Pathian chhanna a dawn chu, “Ka khawngaihna i tan a tâwk e, ka thiltihtheihna hi chak lohnaah asin tihfamkimin a awm ni,” tih hi a ni (II Korinth 12:9) A harsatna a ngaihawh êm êm thin kha, Pathian chhanna a dawn a tang chuan, harsatnaah a ngai ta lo va, “Pathian chakna leh thiltihtheihna chu ka

chungah a awm theih nan lawm êm êmin ka chak lohnate hi ka chhuang ta zawk a ni," tiin a sawi ta zawk a ni. Harsatna kan tawh engpawh hi hnea theih loh a awm lo. Keimahni chakna erawh chuan kan hneh thei lova, Pathian chakna hmangin kan hneh thei a ni. Chuvangin, kan harsatna eng pawh hi, buaipuia, intimangang mai lovin, Krista hnenah thlen thin ila. Krista chuan man hnehsak mai dawn a ni. Dinhmun chhe bera kan ngaih pawh hi beisei bo a ni chuang lo va. Pathian ringtu tan chuan Pathian hnathawh leh a thiltihtheihna a lanchhuahna remchâng a ni hlauh zawk thin. Chuvangin, eng harsatna mah inhnehtir suh la, i beiseina hloh ngai suh ang che.

Sam ziaktu chuan Pathianah rinna a ngat nghet êm êm a. Heti hian a lo ziaak a : "I awm dah tur chu Lalpa chungah ngat la, Amah chu ring la, Ama'n a ti vek ang," tiin (Sam 7:5). Pathian hi kan ring ngam lo fo thin a, kan rin ngam phawt chuan kan tana tha turin min tihsak thin a ni.

Vawikhat chu, Beth Black-i chu a pasal nen thlawhtheihna tê tak tê-ah an chuang a. A pasal chuan thlawhtheihna chu a khalh a. Vanduaithlak tak maiin a pasal chu lungphu chawlin a thi ta mai a. Beth Black-i chiu a mangang hle mai a. Thlawhtheihna a khalh thiam si lo va, tih ngaihna a hre lo hle mai a. Telephone a la a, "Min pui rawh u, min pui rawh u, Lalpa, min pui rawh," tiin a au ta vak mai a. A thusawi chu airport-a duty tēn an lo hria a, an chhang thuai a. Thiltih dan turte an hrih a. A pasal nen an thih mai chuan an fate an ngaihtuahawmin a hria a. Tichuan,

a khalhna chu a dawn ve ta chawt mai a. Eng emaw ti ti chuan thlawhtheihna tumhmunah a tum ve thei ta mai a. Kan Pathian hian mak takin, kan hriatthiam piah lamah kan harsatna min hriatpui a, min chhanchhuak thin a ni; Tichuan, Pathian hnenah i harsatna thlen la, a aw ngaithla ang che. Pathian hneh theih loh harsatna engmah a awm lo tih hre reng ang che.

112. PATHIAN CHET HUN

Josefa chu a unaute beram rual venna hmunah chaw pe turin a kal a. A unaute hmangaih leh duhsaka a kal chu a unauten an huatna tihlanna remchangah an hmang a. An man a, thah hial an duh a. Mahse, Reubena leh Juda chuan a nunna zuah an rawt a. Tichuan, Midian sumdawnghote hnenah an hralh ta a (Genesis 37:12-36 chhiar rawh).

An pa biakbum nan a kawr an hlihsak a, kelpa an talh a, a thisen an hnawih a; ramsa kawlh sawisak leh tihhlum angin lantir an tum a. Jakoba'n a fapa kawrfuala thisen kai hnuang a hmuh chuan, sakawhlin a sehhlum niin a ngat a; a silhfen a pwt-thler a, saiip puan a fêig a, a fapa cau ni rei tak a sùn a. A fapate ziwng ziwng leh a fanuin thlamuan an tum a; mahse, thlamuan a duh lo va. Lusun lai leh hrehawn kan tuar lai hian min thlamuantute thlamuan lain min hnen zawh loh hun a awm fo thin rêng a ni. Jakoba ang hian thlamuan pawh kan duh lo thin a ni.

Josefa chungah harsatna leh tihduhdahna a thleng hi a mak kan ti hle awm e. Mahse, chutianga harsatna leh tihduhdahna a chungah a thlen chu Pathianin a pui a ni. Pathian rei dan hi mihringto hian

kan hre phak lo fo mai. A Fapa mal neih chhun meuh pawhin thihna a tuar a phal a ni! Amah ringtute chung a harsatna leh tuarna a thlen hian Pathian chu a hun takah a che thin a. Mahse, Pathian chet hun hi kan ngbak ohhuak zo lo fo thin a ni. Josefa chung a harsatna chi hrang hrang lo thleng pawh Pathianin a hriatpui a. A hun takah Pathian a che thin a; mak tak leh ropui takin a Pathianin thil thaah a chantir ta a. Mi tam tak nunna chhandamna atan a hmang ta zawk a. A unaute - amah huah, tihblum duh hialte tan pawh an nunna chbanchhuahna tur a lo ni ta a ni.

*"Keinin vanduinah kan ruat,
A hmangihna lantirtu;
Mahse, thlaphan mangan buaina,
Lawm nan a siam ta zawk a."*

*"Pathian thil rel dan chu,
A va mak em :
Hriat phak rual loh a ni,
Van thil a rel kim e;
Pathian ruat ang zelin,
Engkim a thleng"*

113. TUARNA ZARA MALSAWMNA

"Pathianin ka hrehawm tuarna ramah hian chi mi thlahir ta si a." (Genesis 42:52)

Tuarna hi kan hriathiam loh chuan malsawmna nia pawm harsa tak a ni. Mahse, a brethiamtu chuan tuarna zarah malsawmna a dawagin, a chhar chhuak thin.

Josefa chuan a tuar nasa hle mai. A ute'n an hrath a, mi ramah, mi chhiabhlawhah, a awm a.

Hrehawm tam tak leh harsatna tam tak a tawk a. A hrehawm tuarna chu hrethiam lo se chuan Pathian lakah a vui nasa hle ang le. Mahse, a tuarna chu a hrethiam a, Pathian lakah vui lovin, a malsawmna a dawnna hmunah a ngai ta zawk a. "Pathianin ka tuarna ramah hian chi mi thlahtir ta si a," tun a sawi ta zawk a ni. Nupui tha tak a nei a, fa duhawm tak pahnih Pathianin a pe a ni. Tichuan, a thawbrimna leh a pa chhungte a ngaihna pawh a lo reh ta a ni. Amah hralhtu a ute chungah lungawi lohna a nei lo va, a haw hek lo. A ute'n a chungah thil tha lo an ngaihtuah a; mahse, Pathianin thil thaah a chantir ta hlah zawk a. Pathianin engkim chungah ro a relzia a hre chhuak ta zawk a ni. Tichuan, a ute hnenah chuan he thu hi a lo sawi thei ta zawk a: "Nangni zawngin ka chungah thil sual tih in rilruk a; nimahsela, Pathian chuan wawiin ang hian, mi tam tak nungdama chbandamna tura thil thaah chantir a rilruk zawk a lo ni si a," tiin.

Harsatna leh tuarna kan chungah a thlen lai hian kan mangangin, hrehawm kan ti thin. Hriatthiam pawh harsa kan ti thin a ni. Mahse, Pathian chuan harsatna leh hrehawm kan tawhte pawh hi keimahni leh mi dangte tan thil thaah a chantir thei a ni. Harsatna leh tuarna kan tawh lai hian betiang hian Pathian hnenah kan tawngtai thei ang em: "Harsatna leh tuarna kan chungah lo thleng thinte hi hriatthiam barsa kan ti thin a, chuvangin, hriatthiamna min neihtir ang che," tiin.

Hrehawmna i chungah lo thleng fo sela,

'Ka thatna tur a nih chu,' tiin ngai la;

Rangkachak thianghlim nan mei an hmang angin,
Pathianin thil harin mi a siam tha thin."

114. KHAWNGAIHNA HLIR

“Nimahsela, Pathian khawngaihna avangin ka nih nih ka ni ta.” (I Kor. 15:10)

Vawi khat chu Newton-a hnenah a thianpa a leng a. Pathian thu an chhiar a: “Nimahsela, Pathian khawngaihna avangin ka nih nih ka ni ta” I Kor. 15:10 thu kha a ni.

Newton-a chuan, “Ka nih tur ang ka tling zo lo va, ka famkim lovin, tlakchham ka ngah em em a. Nih ka tum ang ka tling zo lo va, mahse thil tha lo chu ka hawisan a, thil tha tih ka tum hram hram thin. Engkimah ka nih tur ang ka tling zo lo va, mahse, eng hunah emaw chuan, he ka taksa thi thei leh sualnain hna a thawh thinna hi hlih thlak a la ni ang. Tun hma lam chuan sualna leh Setana bawih ka ni thin a, tunah erawh chuan, Pathian khawngaihna avangin ka nih nih ka ni ta,” a ti a.

Kan nunna leh kan awm dan hi han inen Chiang ila, Newton-a nun leh thil tawh hi keini pawhin kan tawk ve alawm kan ti thei awm e. Keini pawh Krista kan hriat hma chuan, Tirkoh Paula sawi dan takin, “Krista mi hriat kan nih hma chuan,” kan nih tur ang tling zo lo, mi soal kan ni a. Krista mi hriat kan nih hnu erawh chuan, “Ka nih nih ka ni ta,” kan ti ve thei a ni A va lawmawm em!

Hetianga amah inhriatchhuahna a neih hnu bian, Pathian khawngaihna ropuizia hriain, “Khawngaihna mak, mawh leh duhawm,” tih hla hi a phuah ta a ni.

*"Khawnguihna mak, mawi leh duhawm,
Sual riangvai chhandamna;
Suala bo hnu min zawng hmu ta,
Mittel mit varna chu."*

115. MANGANNA INMANGANPUI

"An manganna zawng zawngah chuan Ani chu a mangang ve thin." (Isaia 63:9) "Nimahsela, ka mangannahte hian mi lo manganpui hi in ti tha e." (Philippi 4:14)

Kan Pathian hi kan mangannaa min manganpui thin a ni a. Manganna leh buaina kan tawh chang hian "Pathianin min kalsan ta emaw," tih mai awl tak a ni. Min theihngbilh ta mai emaw kan ti thin awm e. Mahse, kan Pathian hi, chutiang a ni awzawng lo mai. Kan mangannaa min manganpui thin Pathian a ni. A va thlamuan thlak em!

Tirhkoh Paula pawh hian, Philippi khuaa kohhranten a mangannaa an lo manganpui thin avangin an hnenah lawmthu a sawi a ni.

Harsatna leh buaina ten min tlakbuak chang a awm thin. Chung harsatna leh buaina chu keimahni maia kan tuar chuan tuar zawh loh mai hlauhawm tak a ni. Krista zara unaute, kan mangannaa min manganpuitu leh min tawngtaisaktu kan nei ti hriatna hian min chhawk zangkhai thin. A va lawmawm em! An hnenah lawmthu sawi kan ba a ni. Kan lawmthu chu an hnenah tawngkain kan sawi thei a, kan sawi theih loh pawhin, lehkha thawnin kan sawi thei a ni. Tirhkoh Paula hi entawn tlak tak a ni. Tawngkaa an hnena thu a sawi theih loh pawhin, lehkha thawnin thu a sawi

thir. Lehkha thawh ziaak hi taimak a har hle, taimak i zir ang u.

Philippi khuaa kohhranho hian Paula manganna an lo manganpui hi an ti tha hle, Tirkkoh Paulan lawmthu sawi nachang a hria hi a ti tha hle bawh.

Kan manganna min manganpuitu Isua Krista kan nei hi kan va vannei em! Pathian chu kan inhumhimna leh kan chakna, mangan laia tanpui vartu hnai reng a ni.

116. BEISEINA NGHET

"Tun dam chhung chauhva Krista chung a beiseina kan neih chuan mi zawng zawnga khawngaih-thlak ber kan lo ni ang. Nimahsela, Krista chu mitthi zing ata kaihthawhin a awm tak zet a ni, muhilte thawh hmahruaitu a lo ni ta" (I Kor. 15:19,20)

Khawvela mi ropui thenkhatte thusawi i lo ngaithla tch ang :

Konrad Adenauer, West Germany Chancellor, chuan Billy Graham hnenah he thu hi a sawi: "Isua Krista hi a nung reng a nih chuan, khawvel tan beiseina a awm a. A nung lo a nih erawh chuan beiseina kawlung a awm mawh lo ve. Isua thawh-lehna hi a chanchin an sawi dikzia tilang Chiangtu a ni," tiin.

Grik mi fang, Socrates chuan a thianpa hnenah, "Kan thih hnua hian kan nung leh ang em?" tiin a zawt a. A thianpa chuan, "Ka beisei," tiin a chhang thoi chauh ya. Sir Walter Raleigh chuan an khaihlum dawnin, a Bible a la a, he thu hi a ziaak, "He khawvel leh he thian leh he vaivut atang hian Pathianin mi kaithe leh dawn a ni," tiin.

Beiseina nung leh nghet kan nei ve em le?

117. THLAMUANG TAKA AWM TURIN I VENG ANG

"I chung a rilru nghattu chu, nangmah a rin che avangin, thlamuang tak maia awm turin i veng ang." (Isaia 26:3)

Thlamuanna kan zawng thin. Mahse, kan zawn-na hmun a dik loh chuan kan bmu lo vang. Hawsakna te, dinhmun tha te, hriselna te kan thlamuanpui thin. Mahse, innghahna tlak a ni lo. Mi hausa an thlamuang chuang lo, buaina leh hlahu tur an ngah ting mai a ni. Dinhmun tha pawh innghahna tlak a ni lo. Dinhmun a danglam a, thlamuanna pawh a bo leh mai thin, Hriselna pawh innghahna tlak a ni lo. Natna ten min tlakbuak a, kan thlamuanna a chuai leh mai thin.

Danglam ngai lo Pathian erawh chu innghahna tlak a ni. Ani chu nimirah nen, vawinah nen englai pawhin a pangngaiin a awm reng a, rintlak leh innghahna tlak a ni. Amaha rinna nghattute chu thlamuang takin a veng thin. A va thlamuan-thlak em !

118. THIL THA LO ATANGIN THIL THA

"Pathian hmangaihtu, amaha ruat anga a kohvate tan chuan, an thatna turin engkimin a thawhsak hlawn tih kan hria" (Rom 8:28)

George Frederick Handel, Mesia. bla phuahtu chu a hriselna a tlahniamin, a khawsak a lo harsa ta em em mai a. A taksa a zeng a, a che hlei thei lo va. Chutianga harsatna namen lo a tawh lai chuan a pindan chhungah a inkhung a, Pathian pawlna neiin hun a hmang a. Pathian a pawlna

aṭang chuan Mesaia hla hi a phuah chhuak a ni. A pen a la a, a ziaṅ nghal zung zung mai a ni awm e.

Keini kristiante pawh hian harsatna leh buaina kan pumpelh thei bik lo va. Mi zawng zawng chungah a lo thleng thin. Harsatna leh buaina kan tawhin, Lal Isua awmpuina leh thlamuanna kan dawng thin hi kan vannei a ni.

Thil tha lova kan ngaihte pawh Pathian chuan thil thaah a chantir thei a. Kan thatna turin engkimin min thawhsak thei a ni. Harsatna leh tuarna kan tawhte pawh hi mi dangte tan malsawmnaah a chantir thei a ni.

New Delhi-ah Dr. R. Roṭhuama fapa, Lincoln-a, tlangval lian leh duhawm tak chu a thi a. Roṭhuama zin bo hlan a ni nghe nghe a. Hemi hun lai hi, kei pawh ka zin chhuah lai a ni a. Ka nupui, Zoparmawiin a lenpui ve a. An titinaah chuan, kan fate pahnih an thih tawh thu leh fanu pakhat chauh kan neih tak thu a hrilh a. Dr. Roṭhuama chuan, "Pathian rawngbawltute pawhin kan tawh ang leh kan tawh aia nasa zawk in tawk ve tho va, keini pawh tawk lo tur kan nih bik loh chu!" a ti a, A fapa thi, tuar thiam harsa tak chu a tuar dan a ziaawm phah sawt mai! Kan tuarna te pawh hi mi dang, tuartute tan thlamuanna leh chhawk zangkhaitu tangkai tak a ni thei a ni.

119. SAVA BU THIAHSAK

"Mupuiin a bu a thaj darh a ... tiṅchuan Lalpa chuan a hrual thin," (Deuteronomy 32:11,12).

Lo neitu pakhat hian a lova thingzar a sah thlak, a chhekhnawm zingah sava bu chhek a hmu

a. Thingzar chu a ro hunah hal ral mai tur a ni a, chuvangin sava bu chu a thiahsak ta a. A tukah chuan, sava chuan a bu chheh tumna pangngaiah bu chheh tumin a lo kal leh a, bu a chhep leh ta a. Lo neitupa chuan, sava leh a note tan a hlauhawm tih a hriatin a thiahsak leh ta a. A vawi thumnaah chuan thlam bula thing bukah bu a chhep ta a. Lo neitu pawhin a thiahsak ta lo.

He sava ang hian kan thil tih tumte Pathianin min thiahsak chang a awm thin. Hriat thiam har kan tiin, kan vui fo mai. Mahse, Pathianin kan tana tha tur chu keimahni aia a hre zawk a, min thiahsak thin a ni. Thil tha lo, lo thleng tur lakah min hum a duh a, kan himna tur min ngaihtuhsak a ni.

Israel fate pawh ram tiama a hruai luh dawnin, thlaler ram rovah a hruai, kawng thui tak a zawhtir a Kawng hnai zawk chu an tan a hlauhawm tih a hriat avangin kawng thui lamah a hruai a ni.

Min hmangaihtu Pathian, keimahni aia kan thatna tur hretu chuan, kan duh loh zawng tak pawhin min hruai chang a awm thin. Chu chu kan tan hriat thiam a harsa hle thin. Hre thiam lo chung pawhin, Pathian thil tih dan chu, harsa ti chung pawhin pawm bram ila; kan tan a lo tha zawk dawn a ni. "Kan nuna harsatna nasa tak lo thleng hi malsawmna ropui takah a chang thei a ni."

120. NUNG TURA THI

"... sual laka thi-ah inruat ula, Pathian lakah erawh chuan nungah inruat rawh u." (Rom 6:11)

Pathian rawngbawltu ropui tak takte hi tisa chakna leh sual lakah an thi a ni. George Muller chuan, thlarau nuna a chakna chhan an zawh chu hetiangin a chhang: "Hmanah khan George Muller chu a thi tawh alawm'."

Pastor Charles Finney chu sual laka thi turin ramhnuai hmun fianrialah a kal a. Evangelist Christmas Evans chuan Krista hnena a inhlanna thu hetiangin a sawi: "Ka taksa leh ka thlarau Krista hnena ka hlan," John Gregory Mantle chuan hetiangin a ziak baw, "Kros-ah khan Krista ka tan a thi a, chu Kros-ah chuan Krista ruala khenbehin ka awm a ni," tiin.

Sual hnathawh leh sual tih chakna kan thinlung chhungah hian a awm reng a Mahse sual laka thi tawhah kan inruat chuan, sualnain min ti buai thei tawh lo. Nula pakhat piangthar chu a thianten Party-a kal turin an sawm a, ani chuan hetiangin a chhang, "Hman zanah khan ka thi tawh a, ka lo kal thei lo," tiin. Sual laka thi tawhah kan inruat a, Pathian lamah nungah kan inruat chuan; sual thihsanin, Pathian duhzawng thil tih chu kan duhzawng a lo ni dawn a ni. "Keimahni tan kan nun chuan kan thi a, keimahni tana kan thih chuan kan nung a ni."

121. ANMAHNI RUALIN

"Keini nunga lo la awm rengate hi boruakah Lalpa hmuak turin anmahni rualin... lak chhohvin kan awm ang." (I Thes. 4:17)

Tirkoh Paula chuan Thesalonika khuah kristante hnani he thu hi a lo sawi a. He thu hian tithlamuath turin a fuh a ni.

Kan hmangaih thite ngaia lusuna khawhar taka kan awm laiin, he thu hi inthlamuan nan hmang ve thei ila. Kan hmangaih thi, kan then takte chu vanramah kan hmu leh dawn a ni. A va nghahhlelh awm em !

Kristian nu pakhat chu a dam lova, a thih hun a thleng dawnin a hria a, a fate a ko khawm a, an hnenah, "Ka van inah ka kal dawn ta. In khumah mu ula, bahchawl rawh u. Naktuk zingah kan inhmuh leh loh chuan, khitah kan inhmuh dawn nia," tiin a thlah a. Zinga an thawh chuan a lo thi reng mai a ! An hnena a sawi ang khan, "Khitah an intawk dawn ta a ni !"

Upa Chalhnuna nupui, Pi Sini chu a dam lova, a chau viau tawh a; a fanu Sapvengi te nupa chu Taiwan ramah missionary hna thawkin an awm a, a dam laia a hmuh hman loh a hlau hie mai a. Upa Chalhnuna chuan, "Hetah i hmuh hman loh chuan, i kal pahin i tlawh chho mai a ni ang chu," tiin a tawng thlamuan a. He leiah inhmuh lo mah sela, vanramah an la intawk khawm dawn a ni.

122. TAWNGTAI ZEL RAWH

"In tana tawngtai bana, Lalpa chung a sual chu kei atan chuan a hnai lo tawp mai a ni," (I Samuela 12:23)

Samuela bu khatna bung sawmpahnihah hian chanchin rapthlak tak kan hmu a. Israel fate Pathian lakah an bel a. Pathian hnenah lai an dil a. Samuela chuan an thiltih dik lohzia an hriat theih nan Pathian hnenah khawpui leh rial surtir turin a ngen a. Buhseng hun lai a ni a, an buhte a tichhe nasain, an hlau em em mai.

Israel fate chu sual hle mah se, Pathian duh loh zawngin awm thin mah se, Samuela chuan an tan tawngtai a bang chuang lo. A tawngtaisak zel.

Kan fate leh kan chhungte an awm that duh lohvin, thil sualte an tihin, kan rilru a brehawmin a na thin. An tan kan tawngtaisak thin a, a sawt chuang si lo, a beidawnthlak hle thin. Tawngtaisak hi a sawt lovin tawngtaisak zel pawh a harsa kan tih chang pawh a awm thin a ni. Chutih hunah chuan Samuela hi kan tan entawn tur a ni. I tawngtai zel ang u.

Augustine-a nu te, John Newton-a nu te leh Charles Huddon Spurgeon-a nute chuan an fate tan tawngtaisak an bang lova. Pathianin a tawngtai a chhanna an hmuh hma chu an tawngtai zel mai a ni. A tawpah chuan Pathianin an tawngtaina a chhang ta nge nge. An va entawn tlak em! Mi dangte kan tawngtaisak thin hi bansan mai lovin, i tawngtaisak zel ang u. Pathianin kan tawngtaina a la chhang ngei ang.

123. KA RILRU TINATU I HRIA EM!

Bible-in kan thenawnte hmangaih turin min zirtir a. Chu hmangaihpa chu Samari mi tha tehkhin thu hmangin min zirtir a. Hmangaihtu chuan mite mamawh leh harsatnate a hria a, a tawng thin.

Rabbi hmingthang tak pakhat chu a zirtir zinga pakhatin, "Zirtirtu, ka hmangaih che," tiin a hriih a. Ani chuan, "Ka fape, ka rilru tinatu eng nge ni tih i hria em?" tiin a zawt let a. A zawhna chu a hre thiam lova, chhan thiam harsa a ti a. Zirtirtu chuan, "Ka rilru tinatu eng nge ni tih i hriat loh chuan, engin nge mi hmangaih theih ang?" tiin a hriih a.

Lal Isua hi kan tan entawn tur tha ber a ni. Mite harsatna leh mamawh a hriatpui a, a tanpui thin. A hmangaih a, a lainat a, tanpui an ngaihnaah a tanpui thin. Mite mamawh leh harsatna kan briat apiang an mamawh ngaihtuahsakin, i tanpui ve thin ang u.

124. A CHIPUITE HENENAH HRUAIIN A AWM VE TA A

“Jakoba chuan a fapate hnenah thuro a chhiah hnu chuan a kete chu khumah a hlangkai a, a thlarau a thlah a, a chipuite hnenah chuan hruaiin a awm ve ta a.” (Genesis 49:33)

He thu kan chhiar atang hian Judaten thihna leh thih hnu piah lama awm dan tur an ngaihdan kan bre thei. Mi a thih hian “a thlarau a thlah” an ti a. Thih hnuah chhungkua intawhkhawmna awmin an ring a ni. Kein, vanramah ringtute kan intawhkhawm kan ring ang hi a ni ve mai awm e.

Chhungkua, hun rei tak inthen tawh, intawhkhawmna neih hi a chakawmin a hlimawm thin. Chutianga intawhkhawm hun chu hlimna leh lawmna a ni. Vanramah chuan ringtute kan intawhkhawm dawn a, chhung kimin kan intawhkhawm ang em? Chhung kima kan intawhkhawm chuan a hlimawm hle ang a; ohhung kim lova kan intawhkhawm erawh chuan lawm a kim dawn lo a ni. A va pawl dawn em! Chhungkua Isua Krista ringtu kan nih a pawimawh a ni.

Kristian pa pakhat chuan fa 3 a nei a. A fate pahmih chu Isua ringtu an ni a, pakhat erawh chuan a ring ve lo. A thih dawnin a fate a ko khawm a,

Isua ringtu pahnih hnenah chuan, "Dam takin," naktukah kan inhmu leh ang," a ti a. A fapa pakbat hnenah erawh chuan, "Dam takin," a ti a, thu dang a sawi lo. A fapa chu a ngaih a tha lova, a pa hnenah chuan, "Engati nge, naktukah kan inhmu leh ang, mi tih ve loh," tiin a zawt ta a. A pa chuan, "Lal Isua ringtute chauh vanramah kan intawkkhawm leh dawn alawm," tiin a chhang a. Kan thih hian inthenna lawmawm leh lungchhiat tblad a awm dawn a ni. A eng zawk hi nge kan chan tur ni dawn le ?

125. PHURRIT—PATHIAN MIN PEK

"Nangni, thawkrim leh phurrit phur zawng zawngte u, ka hnenah lokal ula, keiman ka chawltir ang che u." (Matthaia 11:28)

Phurrit kan tih hi a awmze dik tak chu, "Pathianin a pek," tihna a ni, an ti. Kan awih em aw ? Kan awih theih chuan kan phurrit phurh chu a zang ang a, awih harsa kan tih chuan kan phurrit chu a rit dawn a ni.

Kan nunah harsatna engpawh lo thleng sela, "Pathian pek," nia kan pawm theih chuan lungawi takin kan awm dawn a ni. Kan pawm theih loh erawh chuan, hrehawm ti takin kan awm dawn a ni. Kan phurrit phurh chu engtia phurh nge kan thlan dawn le ?

Hmangaih Johana chuan, "A thupekte chu a khirh si lo va," tiin, Pathian thupek zawm ohu a dahzawng a ni a. Thupekte khirh hlea kan ngaih chuan, thu petu kan hmangaih lo tihna a ni a. Thupekte kan zawm a, tih nuam kan tih chuan,

thu petu kan hmangaih tihna a ni. Kan hmangaih te tan thil tihsak leh an thupek zawm nam kan ti thin.

Mipa naupang pakhat hian, a nau, lian tak a pua a, a bula pa pakhat chuan, "I nau puak chu a va rit awm ve?" tiin a zawt a. Ani chuan ka nau a ni a, rit ka ti lo," tiin a chhang a. A nau ni lo, mi nau pua ni sela, rit a ti hle mai tnei a ni.

Pi Lalvuani, Kulikawn chuan a fa tē ber, Lalremmawii, a ke zeng che thei lo, a enkawi a. Fa, zeng, che thei lo, buaipuiawm tak a ni chu, Pathian lakah a vui mai lo va. Pathianin a enkawl tura a pek nia hriain, hmangaih takin a enkawl a. A cutawn tlak hle mai. Kan phurrit phurite hi Pathianin min pek nia pawmin, lungawi takin i phur ve thin ang u.

126. PATHIAN KAWNG MAK

"Pathian finna leh hriatna ngahzia chu a va thuk em! A rorelnate chu hriat theih rual leh, a kawngte chu chhui theih rual a va ni lo em!

Pathian kawng hi a chang chuan hriat thiam harsa tak a ni thin. Paula pawh hian hriat thiam harsa a ti ve khawp mai.

Johana unaupa, Jakoba chu khaihlum a ni a. Petera chu upa tak a nihin martarin a th. a. Johana chu kum 90 lai damin, thih dan pangngain a thi a. Pathian hian duhsak bik a nei em ni? A thil tih dan hi a va mak em? Heng zawhnate leh zawhna dang tam tak kan zawt thin.

A chhanna chu - Pathianin duhsak bik a nei lo tih hi a ni. Keini hriat leh hmuh theih hi a tlem-

in, a tawi em mai a. Pathian thlirna atanga kan thlir ve thiam loh avangin briat thiam harsa kan tiin, kan buai mai thin a ni. Chuvangin, Pathian hnenah zawhna atthlak pui pui kan zawt thin.

"Kan nunah hian kan briat thiam loh leh briat phak loh, thil mak pui pui a lo thleng thin. Mahse, Pathian chatuan remruatnaah chuan, engkim hi fel takin a awm a. Eng hunah emaw kan la hre chiang-in, kan la hmu fiab dawn a ni."

127. NUN ENTAWN TLAK

"...Thusawi kawngah te, chetze kawngah te, hmangaih kawngah te, rinna kawngah te, thianglelimna kawngah te, ringtute tihmuhtu ni zawk ang che." (I Tim. 4:12)

"Tawng aiin nunin thu a sawi ring zawk," tih hi thufing, pawmawm tak a ni. Kan nih loh pui pawh hi "niin" a insawi theih a. Kan nun erawh chuan kan nih loh ang chu a nun chhuahpui thei lo. Kan nunin a zir loh chuan thu tha tak tak sawi thin mah ila, miten an awih chuang lovang. "I nun a bengchheng em mai a, i thusawi ka hre thei lo," min tih khum mai ang.

Tun hma lam, hun rei tawh takah khan, Chian rama Communist sorkar chuan; thu ziak mi pekhat hi Hudson Taylor-a chanchin ziak turin an sawm a. Ziaktir duh dan an nei a. Chu chu Hudson Taylor-a nih dan dik lo taka ziaktir a ni. Chu pa chuan Hudson Taylor-a chanchin ziakna a hmu theih apiang a lakhawm a, a zir ta a. Hudson Taylor-a nun dan a han briat chuan a nun a hneh ta em em mai a. A chanchin dik lo taka ziak tumtu khan,

a thulh ta zawk a. A nun atan hlauhawm pawh ni se, Pathian awm loh a rinna chu bansanin, Isua Krista chu ringin, a Lal leh c'handamtu atan a pawm ta zawk a.

*"Aw, Kristian, i nun hi mi dangten an thlir reng a,
A hming ropui tak i put, Lal Isua hmel chu,
I nunin mi dangte a hmuhtir theiin, an hmuhna a
dal thei tih hria ang che."*

*"Lal Isua mawina keimahah lo lang se,
A thianghlimna leh lainatna mak tak chu;
Aw, nang, Thlarau Thianghlim, ka mizia siam thala,
Lal Isua mawina keimahah lantir rawh."*

128. MIN NGAHSAKTU - KRISTA

"Anin a ngaihsak thin che u avangin, in mang-anna zawng zawng chu ama chungah nghat vek rawh u." (I Petera 5:7)

Mi tupawhin, ngaihsak te, briat rengte kan duh a ni. Lal Isua pawhin a zirtirten an briat reng a duh a, amah hre reng turin a chah lawm lawm mai. "Mi briat reng nan hei hi ti thin rawh u," tiin a chah a ni. Keini pawhin, mi dangte min briat reng leh min ngaihsak kan phutin, kan beisei thin.

Ippngaihsak leh inhriat reng hi thil pawimawh tak a ni. Miten min briat loh leh min ngaihsak lohna hmunah chuan awm nuam kan ti lo. Min ngaihsak leh min hriatna hmunah chuan awm nuam kan ti thin. Min ngaihsaktute chu keini pawhin kan ngaina thin a ni.

Hmel hmuh ngai loh leh hmel hriat loh te chu ngaihsak leh ngainat an bar khawp mai. Hmel inhmuah fo thin te, inhmelhriattirna tha neih te hi

thil tha tak leh lawmawm tak a ni. Miten min ngaihsak tur leh min hre reng tura kan beisei chuan keini pawhin mi dangte ngaihsakin, i hre reng thin ang u. Min ngaihsaktu leh min hre rengtute hnenah chuan kan harsatna, manganna leh mamawh dang te hrilh a chakawm thin.

Lal Isua, min ngaihsaktu leh min lainattu hnenah kan manganna leh harsatna te i thlen thin ang u. Ania min ngaihsakin, tanpui kan ngaihnaah min tanpui dawn a ni. A va thlamuanthlak em !

129. DAWHTHEIHNA RAH

"A kin ni chu a hnaí tial tial a, a thlawn lo vang. Rei deuh mah se nghak rawh, a lo thlen ngei dawn avangin." (Habakuka 2:3)

Thil harsa kan tib zinga pakhat chu "nghah" hi a ni. Thil lo thleng tur kan beisei a, lo thleng thuai se kan ti a, kan nghakhlel thin. Nghah peih hi hlawkna a ni a, nghah peih loh hi channa a ni.

Thlaite pawh hi a thang chak lo khawp mai. Nghak peih lovin, than chaktir tum ila, a kungte pawhsan tum thin ila, kan tithi thuai mai ang. Dawhthei takin nghak ila, ama than dan pangngaiin a lo thang chho zel ang a, a lo puitlingin, rah a chhuah mai dawn a ni.

Nghah peih loh chuan phunnawi mai a awl thin. Nghah peih hi mi tinin kan zirlai pawimawh tak a ni. I zir zel ang u. Pathian leh kan mihringpuite hram stanga thil kan beiseite hi i nghak hram hram zel ang u.

*"I phurrit hnuaiah chau mah la,
Van thatnain a chhawk ang che;
Dak la, chatuan a lo hnai ta,
Nghak hram la, phunnawi lo vang che.*

*Hrehawm mahse thawk zel ta che,
Tawngjai engmah thethnghilh lovin;
I chawlhna ni a lo hnai a,
Nghak hram la, phunnawi lo vang che."*

130. I THAWMHNAW INBELIN THU A SAWI

"Isua Krista chuan in thuam zawk ula, in tisa châkna tipuitling turin engmah insiam suh u." (Rom 13:14; Eph. 4:22-25; 6:11; I Kol. 3:10, 12-17)

"I thawmhnaw inbel atangin mi eng ang nge i nih a hriat theih mai alawm!" tiin an sawi thin. He thu hi a dik viau awm e. Tawp deuhva thawmhnaw kan inbel chuan kan rilru leh khawsak danah kan inthlahdah chawk thin. Thawmhnaw fai leh tha kan inbel chuan kan che fimkhur a, kan rilru leh khawsak dan pawh a changkang thin.

Hotel neitu pakhat chuan hetiangin a sawi : "Thalaite hi tawp deuhva thawmhnaw inbela an lo kal chuan, an che mawi lovin, an thil ei pawh, vawkin chaw a ei ang mai hian an ei buan buan thin; thawmhnaw fai haa nalh taka an incheia an lo kal chuan an awmdan leh che vel a zahawmin a mawi thin," tiin. Kan thawmhnaw inbel hian kan rilru leh kan nun a thunun nasa hle a ni.

Tirhkoh Paula chuan, "Isua Krista chuan in thuam rawh u," tiin min fuih a. Lal Isua hi

inthuamna mawi ber leh tha ber a ni. Lal Isuaa kan inthuam chuan kan bmelah Lal Isua bmel a lang ang a, sual lakah pawh kan inthiar fihlim thei ang.

Kan thawmbhawnaw inbel hi min cheimawitu a ni angin Lal Isua hi min cheimawi a, min chawimawitu a ni. Kan inthuam nan Lal Isua i hmang thin ang u

*"Lal Isua mawina keimahah lo lang se,
A thianghlimna leh a hmangaihna mak tak chu.
Aw, Thlarau Thianghlim, ka mizia siam tha la,
Lal Isua mawina keimahah a lan theih nan."*

131. FAKNA INTHAWINA

"Tichuan, ama zarah chuan faka inthawina hi Pathian hnenah i hlan fo ang u, chu chu a hming tanna hmuiterah chu a ni." (Heb. 13:15)

Hebrai lehkhathawnah hian Isua Krista chu mi sualte tlanna atan inthawinaa hlan a nih thu kan hmu a. He inthawina hi vawi khata hlan tlingtlak a ni a, hlan nawn ngai tawh lova sawi a ni.

He thua innghat hian kristian thenkhat chuan, "Krista kan atah a inhlam tawh a, keinin engmah kan tih a ngai tawh lo," tiin, engmah ti lova awm mai tureh an inngai thin. Mahoe hei hi a dik lo a ni.

Hebrai lehkhathawnah chuan inthawina chi hlan, ~~ingtates kan hlan tur min hrih a,~~ chungte chu. "Fakna inthawina" leh "Thil tihthat leh thil-pah inthawina" a ni. Hong inthawinate hi vawi khat hlan mai a tawh lo, hlan fo tur a ni.

Mino pa pakhat chuan, "Chaw ei dawna tawng-pai ziah hi a tulin ka hre lova, hruif sawia tawng-

taina ka hlan kha ka ring mai a ni," a ti a. Mahse hruì zawla ÷awngtaina hlan rin a, ÷awngtai leh ngai tawh loh chu, keini kristiante tib dan tur a ni hauh lova, Pathian hnenah ÷awngtaina hlan fo tur a ni. Chutichuan, Pathian fakna inthawina leh thiltihthat leh thilphal inthawina hi i hlan zel ang u.

132. MI DANGTE NGAIHSAK

"Tin, Isuan Mari ÷ap leh a rawn zuitu Judare ÷ap chu a hmu a, a rilruin a rum a, a lungngai a." Johana 11:33.

Lusun khawhar leh natna tuartute chu an rilru a breawmin, an lungngaiin, an ÷ap thin. Tuarpui-tu leh hriatthiampuitu an mamawh.

Lusun khawharte hi kan ngaihdana hnem tum mai tur a ni lova, a sawt bawh hek lo. An rilru na kan tizual zawk mah ang. Chuvangin, lusun khawharte kan lenpui a, ka titipui hian i fimkhur ang u.

An thusawi ngun takin ngaithla ila, rilru leh thainlung takin hriatthiampui ila, kan awmdan leh hmel landanah pawh kan tuarpui a ni tih lantir ila. Chu chuan a chhawk zangkhai ang.

Mi thenkhatin, lusun khawhar, tuar thiam lo tak an hmuhin, anmahni khawngaihna leh duhsakna avangin, "Tap suh, i tuar thiam lo em mai, intih-harh tum hram hram rawh" an ti thin. Mahse tuartu tan chuan zawm harsa tak a ni. Tap thei chu an ÷ah bawrh bawrh hian an zangkhai huai thei a. Tap thei lova, rilru chhunggrila tuartute hian an tuar na duh khawp mai.

Inhriatthiampuina leh innngaihsakna hian nasa takin lungngaih a chhawk zangkhai thei a ni. Lal

Isua pawhin Mari leh Marthii te lusun, rilru hre-awm leh lungngai chu a hmuhin, a rilru a rum a, a lungngaihpu i a ni. Lazara an zalhna hmunah an bruai a, Isua a tap a. Lal Isua ang hian, mi lungngai, lusun khawharte i tuarpui ve ang u.

133. THIL THA TAK A NI

"Lalpa hnena lawmthu sawi leh, aw, chungnung ber, i hming faka zai hi thil tha tak a ni." (Sam 92.1)

Vaw khat chu Hotel pakhtatah hian Pastor Ironside hi chaw ei turin a kal a. Mi an lo tam hle mai a, thutna a khat deuh vek mai a. Mi pakhat hian a bula thu turin a sawm a, a thu ta a.

Ironside chu, a tihdan pangngaiin, chaw a ei hmain a sawngtai a; a kutin a chal a dawm a, a kun a. A bula thu pa chuan, intibengvar takin, "Engati nge i lu i dawm, i lu a na em ni?" a ti a. Ani chuan "Na lo ve" a ti a. "A nih leh i chaw ei tur kha a tha lovm ni" tiin a zawt leh a. Ani chuan, "Ka tihdan pangngaiin, Pathian hnenah lawmthu sawiin ka sawngtai a ni," a ti a. Chu pa chuan, "Kei chuan Pathian hnenah lawmthu ka sawi ngai reng reng hlei nem," a ti a. Ironside chuan, "Engati nge lawmthu i sawi ngai loh?" a ti a. Chu pa chuan, "Ka thawhrimnain pawisa ka hlawh ehuak a, ei tur ka lei a, tu hnenah mah lawmthu sawi ka bain ka lahre love i tiin a chhang a. Ironside chuan, "A nih tak chu, ka ui ang lek i nih ehu, ani pawhin ei tur ka pek hi a ei chawt mai a ni," tiin a chhang a.

Pathian thilpek, a thlawna kan dawn hi, ngaiiah mah nei a, lawmthu sawi nachang kan hre lo fo thin

a ni. Kan mamawh tiureng a thlawna min petu
Pathian hnenah lawmthu i sawi fo ang u.

134. ZIN KAWNG KAN ZAWH TAWPAH CHUAN

“Chutichuan, Isua Krista, kan Lalpa leh Chhandamtu, chatuan rama luh theihna chu an pe ngei dawn si che u a.” (2 Petera 1:11)

Chanchinbu ziaktu pakhat Robert Manry chuan Atlantic tuifinriatah ni 78 chhung lai lawng tē Tinkerbelle a khalh a. A taksaah hruizenin a inthlung a, chu chuan harsatna tam tak a tawhnaah a chhanhim thin.

England ram Falmouth-a a lo kir leh chuan, hotelah a lut a, a mut a chhuak em em mai a, lawnga a chuan chhung zawng khan a mu lo va, muthilh a chak ber mai. Amah duhsaktute chuan vaukamah an lo hmuak a, mi singli lai an ni a. Amah lawm nan leh chawimawi nan tawtawrawt an ham a, ropui taka chawimawina a dawng a ni.

Chutiang aia ropui zawk chawimawina chuan vanramah ringtute min hmuak dawn a ni. A va ropui dawn em ! Chutiang chawimawina ringtute dawn tur chu hla phuahtu chuan a lo phuah chhuak a : A thunawn tidanglam hlekin lo ziaik ila :

*“Vawlin chuan ram nuam tak chanchin ka ngaihtuah a,
Ni tlak huna ka thlenna tur chu;
Chhandamtu hmangaihna zara ka thlen hunin,
Chawimawina ka tan a awm ang em?”*

*Chawimawina ka tan a awm ang,
 He khawvel damlai ni a tlak hunah chuanin;
 Chawlhna in nuam tak chu ku han thlen hunah
 chuan,
 Chawimawina ka tan a awm ang."*

135. PATHIAN KUT PHAR

"I kut i phar a, thilnung zawng zawng chakna chu i tihrehsak thin." (Sam 145:16)

Pathian rawngbawltu ropui tak Augustine-a chuan, "Kan thinlung hi i tana siam a ni a, nangmahah chawlhna a hmuh hma chuan a awm hle hle thei lo a ni," a ti a. He thu hi thu dik tak a ni. Chawlhna leh hahdamna hi mihringten kan zawng a. Kan zawnga hmun a dik loh avangin kan hmu thei thin lo a ni. Chawlhna hi dinhmun tha leh hausaknaah te a awm emaw kan ti a. Nimahsela, dinhmun tha leh hausakna te han nei mah ila, chawlh hahdamna tak kan nei thei chuang lo. Chawlhna leh hahdamna chu Lal Isua hnenah chauh a awm. Ani chuan, a hnenah chawt turin min sawm a, "Nangni thawkrim leh phurrit phur zawng zawngte u, ka hnenah lo kal ula, keiman ka chawlh-tir ang che u," tiin. Chawlhna leh hahdamna kan duh chuan Lal Isua hnena kal tur a ni.

Hla phuahtu chuan Kristaah chauh muenna leh malsawmna a awm tih hre chiangin he hla hi a phuah a :

"Ka Minsawin Kristaah chauh."

Muenna a zawn thin khaf

Malsawmna tam tak, hris phak leh,

Tumah a lo hris an.

*Krista chauh lo chu tumah dang
Min tilawm an awm lo;
Hmangaihna leh muanna kumk'ua,
Amah chauhvah ka hmu.'*

136. TIHDAMNA THAR

"He mi chungchangah hian Pathian hnenah vawt thum ka dil min lak kiansak turin." (II Kor. 12:8)

Tihdam theih loh natna kan nei tih daktornin min hrilh sela, engtin tak ngai ang i maw? Kan rilru a buai hle ang ti rawh u?

Dr. Paul Tournier chuan a lehkhabu "Mne Tihdamna"-ah he thu hi a ziaak a: Daktor pakhat chuan a damlo enkawl pakhat, natna khirh tak, tihdam theih lohva an ngaih, hnen atangin lehkhah a hmu a, "Tihdamna thar i neih loh chuan mi hian tlawh tawh suh ang che," tiin. Chu daktor chuan damlo chu a va tlawh leh a, damlo hnenah chuan, "Tihdamna thar ka rawn hrilh duh che a, ka lo kal a ni, chu tihdamna thar chu Isua Krista a ni." tiin a hrilh a.

Daktor chuan ama nuna Kristan hna a thawh te damlo hnenah chuan a hrilh a. Damlo rilru chu zawj zawiin a lo danglam chho ta a. Tidamtu, Isua Krista hnen atangin damna thar leh chakna thar a lo chang ta a ni. Mi tam takin a hnen atangin damna leh chakna thar an dawn phah ta hial a.

Tihkoh Paula pawhin natna khirh tak, tihdam theih loh a nei a. Pathian hnenah a dil thin a. **Mahse a dam thei chuang lo.** Pathian hnen atanga **tihdamna a dawn loh vangin** Pathian lakah a vui mai lova, a beidawng bawh hek lo. A va entawn

tlak em ! A natna, tihdamna a dawn loh chu lung-
awi taka tuar theihna a nei a, chu chu damna a ni.

"Harsatna engpawh tihdam theih loh a awm
lova, harsatnain min kiansan loh pawhin lungawina
a awm thei a ni."

137. MEI LEH TUI KAL TLANGIN

"Mei leh tui kan kal tlang a, nimahsela hmun
chenghnawng taka lut turin min hruai chhuak
a." (Sam 66:12)

He khawvela kan nun kawng zawhnaah hian,
harsatna leh buaina tam tak kal tlang tur kan nei.
Chutiang hun harsa leh khirb kan tawh lai chuan
kan mangangin hrehtawm kan ti thin. Heng hun
harsa hi mi tinin kan tawk a, tuman kan pumpelb
thei lo.

Hetiang hun harsa kan tawh lai hian Pathian
aw hriat tur a awm thin. Ngun takin i ngaithla
ang u. Chu aw chu thlamuanna aw a ni. A lawm-
awmin a va thlamuan thlak em !

Chutiang dinhmuna a awm laia Pathian hruaina
leh chhanchhuahna a dawn chu Sam ziaktu hian a
sawi chhuak a ni. Mei leh tui kal tlang hnuah
hmun chenghnawng leh nuam takah Pathianin a
hruai lut a.

Hetiang hun harsa kan tawh lai hian engtin nge
kan awm ve thin ? Eng rilru nge kan put ve thin
le ? Kan beidawngin kan rinna te a ngbing mai thin
em ? Pathian awmpuina leh thlamuanna aw kan hre
ve thin em ?

"Buaina loh harsatna kan tawh loh chuan, Pa-
thian tawpina leh chhanchhuahna kan hre chhuak
thei dawn lo a ni.

138. THIL THA TIH NING SUH

"Tichuan, thil tha tih i ning suh ang u; kan inthlahdah loh zawngin, a hun takah kan seng dawn si a." (Gal. 6:9)

Kan thil tih nin châng kan nei thin. Kan nin chhan chi hrang hrang a awm thei ang. A ngai reng kan tih zin lutuk avangin kan ning thei a. Kan tui zawng a nih loh avangin kan ning thei a. Thil tha tih pawh a nin theih tho mai.

Pastor pakhat chuan a hna thawh a ning a, bansan a duh a. Chutih nak alai chuan, a tukverhah sava a lo fu a, a hram lauh lauh mai a. A hram ri chu ngun takin a ngaithla a, "Bansan mai rawh, bansan mai rawh," tiin a hria a. A hnathawh bansan a duh chu a nemnghet ni pawhin a ngai hial awm e. Sava hram ri a hriat dan chu a nupui a hrilh a. Sava chu a la hram reng a, a ngaihlhla ve ta a. A pasal hnenah chuan, nui chungin, "Ka sava hram ri hriat ve chuan, 'Bansan mai suh, bansan mai suh,' a ti ve thung tlat mai, a ti a.

I beidawn chang apiangin, he Pathian thu, "Thil tha tih i ning suh ang u," tih hi ngaihtuah thin ang che. Thil tha tih tur i hriat a tam thei ang ber tih tum la. Pathianin tih tur a pek che chu thahnemngai takin thawk zel rawh. I thawhrim lawmman chu i la hmu ngei dawn a ni.

139. LALPA AUH

"Chu veleh an buainaah chuan Lalpa chu an au va, ani chuan an manganna ata te a chhandam thin." (Sam 107:19)

He thu ang deuh chiah hi chang 28-ah kan hmu bawk. Chang 29 leh 30-ah pawh Pathianin thlipui a tibban thu leh tui-fawn a tihreh thu leh an himna tura thli up lama a hruai thlen thu kan hmu bawk.

Kan dam lohvin daktor kan lam a, kan au thin. Kan auhna chhanga an lo kal chang a awm a, kan beisei anga min ngaihsak loh chang pawh a awm thei. Pathian cawh chuan kan auhna a ngai-thla a, kan manganna ata min chhandam thin. Auh man a awm a ni. Manganna leh harsatna kan tawh changin mi dangte auh aiin Pathian auh hi a tha ber mai. Pathian i au thin ang u.

Kan manganna leh buaina ringawt kan ngaih-tuah chuan a zuat tulh tulh thin. Kan manganna leh buaina en lovin Pathian lam en ila. Pathian hmel duhawm tak kan hmu anga, a thlamuanna kan dawng dawn a ni. Ani chu mangan laia tan-pui vartu hnai reng a ni.

*"I mangan a hnen thlen la,
Anin a lo tanpu' zel ang che."*

140. KA KAAH HLA THAR

"Lalpa chu ka ngah fan fan a, tichuan, anin mirawn thlek a, ka au chu a ngaithla ta a. Hla thar ka kaah a dah ta bawk a." (Sam 40:1-3)

Hla sak hi hlimpa leh lawmpa entirna a ni. Kan lungngaih lai chuan hla sak har tak a ni. Pathian chawimawina leh fakna, hla kan sak hian phur tak leh ring takin i sa thin ang u.

Mexico chhim lam rama Chol Indian hnam chuan hla an sa ngai lo va. Moody Bible Institute a Pathian thu zir chhuak pahmh chu heng mite hnena

Pathian thu hril turin an kal a. Kum 25 lai rim takin thu an hril a. Choh mite chuan Pathian thu an lo ring ve ta. Kohhran thang chak tak niin, mahni intodelh kohhran an ni hial a. Chanchin Tha an hriat a, an pawm avangin an lawm ta em em a, an kaah Pathianin hla thar a dah ta a, Pathian fakna hla an lo sa ve ta.

"Lawmna tak mai thinlunga ka neih hi,

Isua min pek a ni.

Lei lawmna aia lawmna ropui.

Van lawmnain ka khat shin,"

tiin Lal Isua i fak ve thei em ?

141. PATHIAN AWMPUI HRIATNA

"He hmunah hian Lalpa chu a lo awm ngei mai, ka lo hre si lo va." (Genesis 28:16)

Jakoba chuan a pa Isaka a buni a, a u Esauva malsawmna chan ai a chang ta a. A u Esauva chu a thinur a, Jakoba chu thah a duh hial a. Tichuan, a nu Rebeki chuan a pu Labana hnenah ilan bo turin a tir ta a.

Jakoba chu Haran khaw lam panin a kal ta a. Khawi lai hmun emaw a thlen chuan ni a tla a, khua a thim ta mai a. Chumi hmunah chuan a muhil ta a. Mumang a nei a, lei atanga van thlenga leilawn indawh chho a hmu a, chutah chuan van-tirhkohte an chhovin an chhuk zut zut a hmu a. Pathianin Jakoba a bia a, "Ngai teh, i hnenah ka awm a, i kalna apiangah ka veng zel ang chia. he ramah hian ka hruai kir leh ang che. I hnenah ka sawi hi ka tih hma loh chuan ka thlahthlam dawn lo che a ni," a ti a.

Jakoba chu a muhil a lo harh a, "He hmunah hian Lalpa chu a awm ngei mai; ka lo hre si lo va," a ti a. Keini pawh Jakoba ang hian, Pathianin min awmpui a ni tih kan hriat loh va, niin awmpui reng chang hi a awm ve thin awm e. Ani chu kan hnenah a awm reng a, min thlahthlam ngai lo a ni. A va thlamuanthlak em !

142. KA MAMAWH TINRENG MAI MIN PETU

Upa Lalthanzama hla phuah, "Amah chu malsawmna hnar a ni," Kristian Hla bu no. 525 hi ka hla duhte zinga mi a ni a. A thute hi keima chungah pawh bel theih ve niin ka hria a, tha ka tiin, ropui ka ti em em mai. Mamawh tinreng mai min petu Pathian neih hi a va vanneihthlak em !

Ka nun leh ka chungathil lo thlengte ka ngaih-tuah a, Pathian chu malsawmna hnar a ni a - ka mamawh tinreng min petu a ni, tih hi a dik hlih hlih ka hria. Mizoram Presbyterian Kohhranah kum 36 lai Pathian rawng bawlna ka nei a. Kum 1996-ab ka pension ta a. Ka nupui Zoparmawii chu a hrisel lo hle a; ka fanu Flora Lalramruati chuan hnathawh a la nei lova. Ka pension-na pawisa chu chhungkaw khawsakna daih a ni lo va. Ka rawngbaw chhungin kohhran inah ka awm a. In leh in chhung bungrua te keimahni puala neih ngai lovin, kohhranin min enkawl a. Pension hnu-ab chhin chenna in leh in chhung bungruate keimahni puala neih a lo tul ta. A leina tur pawisa neih a awm bayk si lo. Delhi-a kan awm zui rih a la tul si, engtin ngo kan khawsak tak ang le? Pathianin kan mamawh apiang, a hun takah min ngaihthlak

ta zel mai. Pathian tlangah ngaihtuah a ni ang chu - Jehovah Jireh, tih kha, a takin kan chungah a lo thleng ve ta. A va ropui em! Mission House atanga insawn chhuahna tur in chu, kan mamawh hun takah min ngaihtuahsak a. Kan fanu hnathawh tur pawh min ngaihtuahsak zui ta zel a. In chhung bungrua pawh, kan mamawh leh phak tawh ang zelin min ngaihtuahsak a. Motor pawh a hlui, pension neih tâwk âwm tak, kan nei ta bawh a. Telephone pawh kan nei ta zel a. Tunah chuan, kan mamawh, engkim min pe a ni ta mai. A va lawmawm em!

143. LAWM NACHANG HRIATNA

“Tin, an zinga mi pakhatin a dam ta tih a hriat veleh. a ke bulah a bawkkhup a, a lawnthu a sawi a.” (Luka 17.15,16)

Phâr sawm, Lal Isuan a tindamte zinga pakhat chauhvin Lal Isua hnenah lawnthu a sawi. Pakuate kha khawiah nge an awm tak? Law a nachang an hre ve lo a ni chek ang.

Mizo hnam hi lawmthu sawi nachang hre lo hnam kan ni awm e. Kan chhungte hnenah chuan lawmthu kan sawi zen zen lo, sawi tulah kan ngai lo a ni ang.

Kan dam lo va, doktor-in min enkawl a, kan lo dam ta a. Doktor hnena lawmthu sawi nachang hria hi kan tlem hle awm e. Daktorte an khawngaihthlaka ka hriatna chu - natna thu dawn tam a, lawmthu dawn tam loh hi a ni. Heti chung hian hlim takin damlote min eukawl thin hi an fakawmin, an hnenah lawmthu sawi i zir ang u.

Aizawla kum rei tak kan awm chhungin, kan hnena lo awm, min tanpuitu, mi eng emaw zat an

awm a. Kan chhungkaw zinga mi angin kan ngai a, a tul angin kan enkawlin kan buaipui a. Kan tan pawh an tangkai em em a ni. Kan fate pawhin, kan awmpuite chu kan unaute ang maiin an ngaina a. Chutianga kan hnena lo awm thin pakhat Rev. Dengthuama chu Burma Presbyterian Kohhran hruaitute zinga mi pawimawh tak a lo ni chho va. Lehkha a han thawn a, hetiangin a ziaak a: "Pathianin ka lehkha zir lehna leh tuna ka hna chelh mekah mai min sawm nasa hle mai a. Chu chu in hnenah thin ka chak a. Min lo enkawlina thinah lawmthu ka sawi bawh a ni," tiin. Hetianga lawmthu a han sawi hi kan tan pawh hriat a nuamin, a lawmawm hle u ni.

Pathian hnenah leh kan mihringpuite hnenah, lawmthu sawi a tulna ang zelin lawmthu i sawi thin ang u.

144. TUARNA RAHTE

Tuarna hian rah duhawm tak a chhuah thin. Tuarna hian kan chak lohzia leh rin tlak kan nih lohzia min hriattir a, Lal Isua chakna leh thiltih-theihna min hriat chhuattir thin. Keini chak lo mah ila Lal Isua chu a chak a ni. Keini rinawm la mah ila Lal Isua chu a rinawm a ni. Heng thin hriat chhuahna hian chakna thar leh belsena thar mah meittir thin. Mi tam tak chuan tuarna atangin Pathian kan hriat chhuah tharin, Amah kan bnaih zui thin.

Tuarna hi Pathian ropuna lan chhuahna reang-chang a hi. Lal Isua ngoin heng thote hi a sawi a ni. "Ho na hi thilna tur a ni lo, Pathian shawi mah a ni arok a, Pathian fapa chu he mi avang

hian a la mawina turin" (Joh. 11:4). "He mi hian a tisual hek lo, a nu leh a pain an tisual hek lo; Pathian hnathawh a chung a lanna tur a nih zawk hi" (Joh. 9:3). Tuarna leh natna te hi mi thenkhat chuan sualna avang niin an ngai a, a tuartute sualna avang niin an puh thin. Hei hi Judate ngaihdan pawh a ni a, Lal Isua ngaihdan erawh chu a ni lo tih kan hria. Lal Isua chuan mihringte tuarna leh natna te hi Pathian hnathawh a lanna tur leh a mawina tur niin a sawi. Kan tuarna leh natnate hi Pathianin min hremna a ni lo va, kan chung a hnathawh a lanna tura remchangah a hmang zawk a ni.

Tirhkoh Paula pawhin natna khirh tak a nei a, chu natna chu lak kiansak turin Pathian hnenah a ngen a. Mahse a dilna chu a hlawhtling lo. Amaherawhchu Pathian khawngaihna leh thiltihtheihna hriat chhuah nan a hman phah ta zawk a ni. "Ka khawngaihna i tan a tawh e, ka thiltihtheihna hi chak lohnaah asin tihfamkimin a awm ni" (II Kor. 12:9) tia hriattirna Pathian hnen atanga a hriat chuan a natna tuar chungchanga a ngaihdan a lo danglam ta a, betiang hian a sawi, "Krista thiltihtheihna chu ka chung a awm theih nan lawm em emin ka chak lohna te hi ka chhuang tawh zawk ang. Chuvangin, Krista avangin chak lohnaah te, chhiatnaah te, neksawrnaah te, tihduhdahnaah te, hnawhchepnaah te ka lawm thin a ni; ka chak loh apiangin a ni, ka chak thin ni" (II Kor. 12:9,10).

Pi Buangi, Chaltlang, Aizawl-a mi chuan Cancer natna a vei hlahu mai a, a thih phah ta nghe nghe a. Cancer natna chuan a taksa a hnehin thih-pui mah sela, a rilru leh a thlarau chu a hneh haub

lo mai. Heti hian a sawi a, "Ka tana tha ber hre-tu Lalpa hriatpuina hnuaiah chuan eng natna pawh ka vei mai tur a ni. He natna hi lo vei lo ila, Pathian hmangaihna ropuizia tuna ka hriat ang bian ka hre lo vang." Pathian ringtute chuan natna an ruar lai pawhin natna chu an hneh tlat mai Lal Isua pawh khan Kraws-a a thih lai khan khawvel a hneh tlat mai.

Thil tha lo atangin thil tha a chhuak a; fel lohna atangin felna a lo chhuak a; thimna atangin eng a lo chhuak a; chak lohna atangin chakna a lo chhuak a; tawih theihna atangin tawih theih lohna a lo chhuak a; thihna atangin chatuan nunna a lo chhuak a ni

Min hmangaihtu Pathian pawhin tuarna hmang-in a ni min zawnchhuah ni. Tuarnate hi Pathian zawnchhuah nan leh a hmangnibna leh khawngaih-na hriat chhuah nan i hmang ve ang u.

"Krista hmangaihna ata chu tuin nge min then ang? Hrehawmnain emaw, hlauhnaain emaw, khandaihin emaw, min then ang? Hrehawmnain emaw, lungngaihnaain emaw, tamin emaw, saruaknain emaw, hlauhnaain emaw, khandaihin emaw, min then ang em? Then suh e, chung zawng zawngah chuan, min hmangaihtu avang chuan, ropui taka ngamtu kan ni" (Rom 8:35-37).

145. THLAMUAN NAN I HMANG VE THEI ANG EM?

A hnuaia, thu ziate hi Pathian hnen atanga thlamuanna dawngtuten an ziate a ni a. Thlamuanna atan i hmang ve thei ang em? Chhiar la, han ngaihtuah teh.

"Lungkham neih hi rinna tawpna a ni a, rinna neih hi lungkham tawpna a ni".

George Muller

"Pathianin kan tan kawng a hawng lâwk ngai lo va. Tanpui kan ngaih hmian min tanpui a tun hek lo. Harsatnate pawh kan tawh hmian min lak kiansak ngai lo va. Amah kan mamawh tak zet hunah chuan a kut a phar chhuak thin a ni."

Mrs. Charles E. Cowman

"Pathianin ropui taka a hmante hi harsatna tam tak kal tlang an ni chawh thin. Josefa chuan a unau dangte aian harsatna a tawh hnem zawk a, mi tam tak ei tur petu a lo ni ta a ni."

The Heavenly Life

"Harsatna leh tuarnaten lung bang anga min hual lain, engmah tih theih nei lova ka awm lain; engkim mai hi (Lalpa) i kutah ka dah e. Lungngaihntaten min kiansan dawnin lang lo mah se, beidawnna hmun hi beiseina hmuhna a ni a. Chuvangin, hahdam takin Nangmah ka nghak ang che."

Rev. S. Chadwick

"Rinna nung chuan thutiam chungah lawmthu a sawi thei a; chu thutiam chu a taka a lo thlen hma pawhin, thleng tawh angah a pawm thei a. Pathian thutiamte hi pawisa hman nghal mai theih kan neih ang hi a ni."

Matthew Henry

"I lungngaihna zawng zawng Pathian chungah nghatin, thlamuanna leh lawmna i chang thei asin. Thil lo thleng engkimah hian Pathian thil tum leh a duhzawng a hmuh chhuah theih a. I chungah lo thleng chu hrehawm ti taka tuar mai lovin, lungawi takin i tuar thei asin. Pathian chakna ring la, harsatna leh manganna te chu lungawi takin, dawhthei takin, rilru thianghlim tak leh inggaitlawm takin i

dawng thei asin. Chutiang hun barsa leh khirh tak chu Pathian hnathawhna hun remchang leh a thil-tihtheihzia lantirna hun remchang a ni thei a ni."

H.C.G. Moule

"Rinna tlemte pawhin i thlarau chu vanramah a hruai thei a; mahse rinna nung leh chak chuan vanram chu i nunah a rawn thlen thei a ni."

C.H. Spurgeon

"Pathian tel lova mahni chauhva awm chu rapthlak tak a ni a; amaherawhchu, Pathian nena mahni chauhva awm erawh chu van nun tem lawk-na a ni."

Mrs Charles E. Cowman

*"Mi tumahin ka buaina min hriatpui lo va,
Mi tumahin, Krista chauh lo chuan;
Mi tumahin ka buaina min hriatpui lo va,
'Pathian ropui rawh se' tiin zai rawh.
A changin ka lawm a, a changin ka lungngai a,
A changin leiah ka tlu der shin.
A changin Pathian ropuina engin min hual a,
'Pathian ropui rawh se' tiin zai rawh.
Mi tumahin ka hnathawh an hre lo va,
Mi tumahin ka lungngaihna an hre hek lo;
Mi tumahin ka lawmna an hre lova,
Mi tumahin, Krista chauh lo chuan."*

Negto Hla

"Ka neta leh ka lungngaihna te hi, khawina neta leh khawina a rem ang a ni a. Hlan en mai chuan a tilling vekin a lung a, awmia pawh a nei lo va. Mahse, nakisah Pathianin vanramah a chhut kut hmanh erawh chuan, chiang takin kan hmu ang a; kan chhian thei dawn a ni."

Martin Luther

"Hlimna leh lawmna te hi Kristianten kan dawng thin. Mahse, chung chauh chu a ni lo va, harsatna leh manganna te pawh kan tawh bawh thin. Harsatna leh manganna kan chung a lo thleng te hi kan nun thununna leh tithianghlitmu a ni thin a ni"

London Christian

"Dawhtheihna chuan Pathian lawmzawng ni turin min siam a. Thinurna a tinem a, lei a thunun a, rilru a kaihruai a, muanna a pe a, chapona a thunun a, itsikna a tibo va, hausa a tihnam a, rethei a thlamuan a, mipat-hmeichhiatna a tithianghlim a, mi a inngaihtlawmtir a, hlawhtlinnaah inngaihtlawmna a pe a, hlawhchhamnaah chakna a pe a, mite hnehchhiaha a tuar thei a, ngaihdam theihna a pe a, thlemna a hneh a, tihduhdahna a tuar thei a, martar turin a buatsaih thin a ni."

Cyprian

146. DAMLO TLAWHTUTE TANA HRIAT TUR PAWIMAWH

Damlo chu ama inah emaw, damdawi inah emaw i tlawh a ni thei e. Damlo i tlawhin hengte hi hre reng la, ngai pawimawh ang che :

A harha a jawng peih chuan amah be mah la a pawh lo ve; mahse, be rei suh ang che

Damlo chu a chauh viau chuan amah biak tum kher suh. A chhungte leh amah enkawltute hnen atangin a chanchin i hriat duh chu zawt mai rawh.

Damlo tlawh tura i kalin, in lamah emaw, damdawi inah emaw pawh ni se, naupang hruai loh a tha. Damdawi In thenkhatab phei chuan naupang kal an phal lo a ni.

An natna anga damlote chanchin leh an that loh zui dan te damlo hnenah hrih suh. Chutiang chanchin hriat chuan an natna a tizual thein, an rilru a tihrehawm thei a ni.

Damlo pindana a tlawhtute awm tum kher a tha lo. An chhungte nen pindan danga awm a tha zawk. Damlo pindana mi dang awm hian an bo-ruak thianglim hip tur kan hipsak a, chu chu damlo tan a tha lo a ni.

Lehkhabu - an chhiar tur leh an tana tangkat tur leh hlawkpui tur pek a tha.

Pangpar leh an dam thuai duhsakna card thawn a tha a, an tan a lawmawm.

Damlo hriat turin chanchin tha lo leh lungngaih-thlak lam sawi a tha lo. An titi duhzawng leh an rilru tuina lam thil sawipui a tha.

Pathian hnena tawngtaisak a tha. A remchan loh erawh chuan tawngtai loh pawh a pawl lo.

Tanpuina thilpek - pawisa leh thil dang neih loh chhuanlama damlo tlawh thulh a tha lo. Tanpuina pek tur neih chuan pek a tha a; neih loh erawh chuan tlawh thulh phah nan hman loh tur a ni. An mamawh chu tanpuina a ni lo va; an damloh hriatpui, tuarpui leh kan hmel inlan kha a ni zawk.

Damlo chhungte pawhin, damlo dinhmun azrin tlawhtute lo dawnsawn dan thiam a pawimawh. Damlo chu a nat hle chuan tlawhtute pawh hmuhtir leh biaktir loh breh tur a ni lo. Damlo ngaih-sak a, an damna duha tlawhtute pawhin chutiang thi chu hriatthiam a pawimawh a ni.

Heng thurawn thenkhat atang hian a dangte pawh i ngaihtuah chhuak thei ang.

147. LUSUN KHAWHARTE LENPUINAA HRIAT TUR PAWIMAWHTE

I ngaihdaan i duh dana thlamuan tum suh. "Tap suh," tia inhnemna hian mi a hnem chuang lo khawp mai. Tap thei chu tap bawrh bawrh se, an intap veng mai thin. Mizo rilru-ah phei chuan "intahpui theih" hi hlu tak a ni.

"Khua reiin min hnem a, min theihngihthir thei mai," tia inhnem hi a dikna chin a awm. Mah-se, khua rei hnemna ngah chu huphurtherawm tak a ni. Min hnem theitu tak tak chu Thlarau Thianghlim a ni.

Thlamuanna thu emaw, tuarpuina thu emaw sawi tum kher a tul lo. Awm dan leh hmel lan dana tuarpuina lantir hi, tuartu tan chuan hriat theih tak a ni. Lusun khawharte bula ngawi renga awm pawh hian khawhar a hnem thei hle a ni. Chuvangin, lusun khawharte bula hun hman tam theih hi thil hlu tak leh lawmawm tak a ni.

Zing lam leh thimhlima inlenpui hi tangkai tak leh lawmawm tak a ni.

Zing lam leh thimhlimah hian khawhar a zual duh chawh a ni.

Khawhar chhungte chaw ei laia lenpui leh an chawhlui kilnaah pawh kilpui ve theih mai hi zah-thlakah ngaih tur a ni lo. Khawhar lai chuan mahni chhung chauhva chawhlui kilho hi hrehawm duh tak a ni. Mi dang-chawhlui min kilpuitu leh chaw ei laia awm an lo awm ve hi a lawmawm duh khawp mai. Khawhar ina zai tui laia thu sawi hi chin loh atan a tha. Thu sawi duh pawhin zai tui loh lai leh hun remchhang thlira thu sawi a tha.

Tanpuina thilpek tur i neih loh yang emaw, i pek theih taw k i sit vangin emaw khawhar chhungte lenpui thulh suh. Khawhar chhungte hian kan thil pek an beisei lo va, an khawharna briatpui leh tuarpui an mamawh ber a. Mahni ngei inana, an tuarna tuarpui hi a hlu a ni. Lusun khawhar tawh lai chuan kan hmangaihte leh min hmangaihtu nia kan hriatte mitthlaah leh rilruah an lang duh khawp mai. Chutianga kan ngaihte hmel hmuh chu a lawmawmin a thlamuanthlak thin a; an hmel hmuh kan beiseite hmel kan hmuh loh chuan rilru a kim duh lo hle a ni. Mihringte hi kan inmamawh tawn theuh a ni tih hriaa inggaihsak hi a pawimawh hle a ni.

Lusun chhungte'n kan chhungte thi sulhnu tlawb chhuah zung zung hi thil pawimawh leh tangkai tak a ni. An sulhnu tlawb thuai loh chuan tlawb a hreawm zui thin a, tlawb hun a awm pawhin rilru a tithar zual duh a ni.

Heng thu kan sawite atang hian briat tur pawimawh leh tangkai dang tam tak kan ngaihtuah chhuak thei ang.

148. PATHIAN RIN HI HIMNA A NI

"Mihring rin ai chuan Lalpaa rinna ngah hi a tha zawk a ni. Mi liante rin ai chuan Lalpaa rinna ngah hi a tha zawk a ni." (Sam 118:8; Sam 20:7)

Mihringte hian himna atan thil hrang hrang kan ring thin. Mi ropui leh thil tithei te, sum te, kuh te, tawlailir te, ralthuam te leh thil dang tam tak kan ring thin. Mahse hengte hi rin tlak an ni lo, himna an ting zo lo.

Khawvela kulh ropui leh hmingthang ber chu China Kulh a ni. A seizawng mel 1500, a san zawng fit 20-50 inkar, a zau zawng fit 12-40 inkar a ni. China tam hmelmate laka venhim nan siam a ni. Kulh an siam zawh atanga kum 100 chhungin hmelmaten vawi 3 an run a. Engtin nge an hneh theib le? Kulh chu nghet tak leh rinawm takin a ding reng a, mahse a luhna kawngka vengtute an hmelmaten an bum/tham a, hmelmate kulh chhungah an lut thei thin a ni. China sorkar leh mipuite chuan an kulh ropui tak sak nan sum tam tak an seng a, mahse a venghim zo lo. A khua leh tuite mi rinawm leh rintlak ni tura a buatsaih loh avangin an kulh ropui chuan a venghim zo lo a ni.

“Felnain hnam a chawimawi a, suauna erawh chu hnam tin tan hmingchhiatna a ni.”
(Thufingte 14:34)

149. HLAU SUH U

“Hlau suh u, kei in hnenah ka awm si a, mangang suh u, kei in Pathian ka ni si a; Ka tichak ang che u a, a ni, ka tanpui ang che u; a ni, ka felna kut dinglamin ka chelh reng ang che u.” (Isaia 41:10)

Heng thute hi Pathianin Israel sal tangte hnena a sawi a ni. Mi salah an tang a, an tang rei tawh hle; chhuah beiseina pawh an nei tawh lo hial awm e! Chutianga beidawng taka an awm lai chuan heng thute hi an hnenah a lo thleng a. A lawm-awmin a va thlamuantlak dawn em!

Pathianin hlau lo tur leh mangang lo turin a hribh a ni. Pathian an hnenah a awm reng a, hlau tur an ni lo. An Pathian a ni a, an mangang tur

a ni lo. Pathianin an hnenah hengte hi a tiam a ni : anmahni tanpui, anmahni tihchak leh a felna kut dinglama chelh reng.

Harsatna leh buaina kan tawh laiin, tanpuitu, tichaktu leh min chelh rengtu kan ngai thin. Isua Krista hi tanpuitu, tichaktu, a kut ding lama min chelh rengtu a ni. Pathian nung, thiltithe, min tanpuitu, min tichaktu, min chelh rengtu kan nei hi kan va vannei em ! A hnenah awm ila thla-muang takin kan awm dawn a ni.

150. LAWM THEIH LOH HUN PAWHA LAWMNA

"Krista avangin chak lohnaah te, chhiatnaah te, neksawrnaah te, tihduhdahnaah te, hnawhchep-naah te ka lawm thin a ni; ka chak loh apiangin a ni ka chak thin ni." (2 Kor. 12:10.)

Tirhkoh Paula hian Krista avangin a tuar nasa em em mai. Ringtute leh ring lo mite sawichhiatna te, vuakna te, lunga den te, tan ina tanna te, lawng chhiatna te, thawhrimna te, rilamna te, khawsik leh saruaka awmna te, kohbranho a ngaihtuahna amah delbtu te a tuar thin. Heng harsatna leh tuarna chi hrang hrang hian a tlakbuak a. "Eng-tizia nge ni Lalpa, heti em em chu?" tia a zawh chang pawh awm ve hial awm a ni ! Mahse chutiang lam chuan a ngaihtuah ngai hauh lo. Pathian lakah a vui mai lo va, a tuarnate chu a chhuang zawk thin a ni. Tiuk loh rim a namin, a va entawntlak em ! Keini zawng, tiemte kan tuar a, tuar hrehawm kan ti a, Pathian lakah kan vui mai thin a nih hi !

Pastor pakhat chuan hetiang hian a sawi a :
 “Ka rawngbawl tantirh laiin kohhran member
 pakhatin member dangte hnenah ka sermon a ngaih
 thlak nawm lohzia a hrilh a, ka zak hle mai. Chu
 mi hnu lawkah kohhran Upa pakhatin ka hnenah,
 ‘J sermon chu a ngaihthlak nawm viau a, mahse a
 mawl deuh va, Naupang Sande Skula sawi awm taw
 a ni,’ tiin min hrilh baw a, a va beidawnthlak em !”
 An hnenah lawmthu sawi harsa tak a ni. Anni
 hnen chu sawi loh, Pathian hnenah pawh lawmthu
 sawi harsa ka ti.

Ka rawngbawl hna chu ka chhonzawin zel a.
 Zawi zawiin chutiang sawiselna te pawh chu ka hre
 thiam chho ta zel a. Tirhkoh Paula nun leh a thil
 tawh ka hriatte hian nasa takin min tanpui a ni.
 Mite sawiselna dik lo tak tak a taw a, mahse
 anmahni a hmangaib thei zel mai. Mi harsa leh
 khirh tak takte a taw a, anmahni rawngbawlsakin
 a thawk zel a.

Sawiselna leh hlawhchhamna te hi tuar lai chuan
 tuar thiam a har thin, mahse kan nun siamthatu,
 tichaktu leh hruai ngiltu a lo ni thin. Chuvangin,
 harsatna te avangin lawmthu i sawi zawk ang u.

“Sawichhiatna nasa ber chuan i nunah thil tha
 ber a thlen thei a ni.”

151. THLARAU LAM MALSAWMNA KRISTA AH

“Kan Lalpa Isua Krista Pathian leh Pa chu
 fakin awm rawh se. Ani chuan van hmunah
 te khian Kristaah chuan thlarau lam malsawm-
 na tinrengin mal min sawm a.” (Ephesi 1:3)

Malsawmna kan ngaihtuah hian taksa lam malsawmna kan rilruah a lang lian ber fo. Mihringte hian taksa mamawh tam tak kan nei a, chungte chu nei ila lawm tak leh hlim takin awm ila kan duh thin. Taksa mamawh thilte neih hi lawmna leh hlimna a ni chuang hauh lo mai! Taksa mamawh engkim nei hlim lo leh lawm lo an tam mai! Taksa lam malsawmna ai chuan thlarau lam malsawmna dawn hi a duhawm zawk.

Tirhkoh Paula chuan Ephesi khuua mite hnenah lehkhathawn a ziakeh chuan Pathianin Kristaah chuan thlarau lam malsawmna tinreng a vurzia a hrilh. Lal Isua ngei pawhin taksa lam malsawmna ai chuan thlarau lam malsawmna min kawhhmuh. "Nangni thawkrim leh phurrit phur zawng zawngte u, ka hnenah lo kal ula, keiman ka chawhlthir ang che u. Ka nghawngkaw chu a nuam a, ka phur pawh a zang a ni... chutichuan in thlarau tan chawlhna in hmu ang," a ti. Lal Isua hian amah ringtute chu thlarau lam malsawmna leh chawlhna pek a tiām a ni.

Terry Waite chu sapho sal tâng chhanchhuak turin Lebanonah a kal a, an man a, lung inah an tãntirta a. Lung ina a tãn chhung zawngin tuk tin, heng thu hmang hian Pathian hnenah a tawngtai thin: "I malsawmna chhiar sen loh ka dawn te leh i mi siam leh onkawlna ka dawn leh Isua Kristaa khawngaihna ropui i lantir avangin, i hnenah lawm thu ka sawi e," tiin. Keini hi lung inah tâng ve ta ila, Pathian hnenah engtin nge kan tawngtai ve ang le? Min chhuabtir turin tuk tin kan tawngtai mai lo ang man? Pathian hnenah lawmthu kan sawi ve thei ang em le?

152. LALPA RIN LEH AMAHA CHAWLH

"Lalpa chu ring la thil tha ti raw... Lalpaah chuan chawl la, amah chu nghak fan fan rawh." (Sam 37:3,7)

Rinna leh thiltih hi a then theih lo va, a in-kawp tlat a ni. Lalpa ringtu chuan thil tha a ti thin. Thil tha ti si lo va, Lalpa ka ringtu chuan Bible zirtirna a kalh a ni. Isua ringtu kan nih chuan a duhzawng thil tha kan ti ngei tur a ni. A duhzawng thil ti turin theihna kan nei tlem hle a ni thei e, amah kan rin tlat chuan min tichakin, theihna min pe dawn a ni. Ama zarah leh ama tanpuinain thil engkim kan ti tnei a ni. Tirhkoh Paula chuan, "Mi tichaktu Kristaah chuan engkim ka ti thei a ni," a ti. Lalpaah kan chawlh chuan nghah peihna leh hahdamna nun kan nei thin. Tichuan, Lalpa ring la, amahah chuan chawl ang che.

153. PATHIAN CHET HUN

Kan nun leh thiltib a kal tuan viau chuan Pathian kan mamawhna leh a tanpui kan ngaihzia hriat a har duh khawp mai. Ni tur rênga ngaihna kan nei thin. Pathian chu mangan laia tanpui vartu hnai reng a ni a; kan mangan lohva tanpui kan ngaih loh chuan Pathian tan tih tur a awm lo a ni mai lawm ni? Pathian a chet a hun lo a ni mai lo maw? Harsatna leh manganna kan neih meuh chuan, Pathian ngaihsak ngai lo pawhin, kan au ruaí mai a ni lawm ni?

Ni 13 July 1998 khan All India Institute of Medical Science Hospital, New Delhi-an kan nau Ropuli, Headmistress, Presbyterian Church Girls'

School doktor hmu turin ka kalpui a, nilengin kan buai a. Tlai lamah Mizo nula pakhat Rosie Mapui a awm thu leh a tukah an zai dawn tih kan hria a. A awmna pindanah kan kal a, kan han hmu a. A nat dan te min lo hrih a. A natna a hriat chhuah tan ni chuan a hlauthawngin, a mangang em em mai a. Pathian hnenah a tawngtai a, Pathianin a hlauhna leh manganna a lak kiansak thu min hrih a. Pathian hnenah tawngtaina ka hlan a, hlawhtling taka zai a nih theih nan leh Pathian thlamuanna leh awmpuina ka dilsak a. Daktorten an zai ta a, hlawhtling takin an zai a, a dam leh ta. A va lawmawm em ! Pathian chu mangan laia tanpui vartu hnai reng a ni. Pathian a chet meuh chuan thil a danglam thin a ni !

154. HLAU LOVA AWM HLE HLE

“Ka thu pawm apiangte erawh chu him takin an awm ang a, thil tha lo hlau lovin an awm hle hle ang.” (Thufingte 1:33)

Kan nun hi him lova kan hriat chang te, thil tha lo hlauva kan awm chang te a awm thin. Chutiang hunah chuan kan mangang a, hrehawm kan ti thin. Thufing ziaktu hian him taka awm theih dan leh hlau lova awm hle hle theih dan thuruk min hrih a ni. Chu thuruk chu - Pathiap tau pawm leh zawm a ni. Pathian thu hi hriat mai a tawh lova, pawm a, zawm a, kan nuna hman tangkai tur a ni.

Hlaubna hi Pathian kan rin zawh loh vang nun an sawi thin, a dik awm e. Pathian chuan hlau lo turin min dun a. “Hlau suh u, kei in hnenah ka

awm si a, mangang sub u, kei in Pathian ka ni si a," a ti alawm. Pathian kan rin a, a thu kan pawm a, kan zawm chuan thil tha lo hlau iovin kan awm hle hle dawn a ni.

*"Thihna ka hnaih pawhin Isuan min zui,
A hnenah min hruai ang,
Vanram thlengin."*

"Thihna hlim kawr ruam zawh mah ila, thil tha lo rêng rêng ka hlau lo vang. Nang ka hnenah i awm si a. I talhtum leh i tiangin min thlamuan thin a ni.

155. CHANCHIN THA TIHDARHNA

"Ka chung a thil lo thleng te kha Chanchin Tha tihdarhna a lo ni ta hlah zawk a." (Philippi 1:12)

Ni 20 March 1998 Zirtawpni chawhnu khan New Delhi-a Asha Project-a thawk Vijay David (missionary nurse Ralkapthangi pasal) pa Prem David hriat rengna inkhawm an siam a. Prem David hi kristian doktor David-an Pathian thu a brilh atanga kristiana inpe a ni a. Tun thlengin a unaute chu kristian an la ni lo. Kristiana hruaitu Dr. David hming hi a hmingah a pu ta nghe nghe a ni. Autorickshaw a nei a, a khalh thin a. Dr. Davidan ram a leisak a, chu ramah chuan in tha tak a sa a, a nupui leh a fate nen an cheng a ni. Krista a rin vangin Pathian hausakna zar a zo a ni. A va lawm-puiawm em !

A chanchin mi pali laiin an sawi a. A sawitute zingah chuan a than tha tak, Hindu mi a awm ve a. A chanchin sawi tur a hre hle a. An sakhaw zirtirna thu te pawh a sawi tel a, a sawi rei hle. Engati

nge Hindu pa thu an sawitir ve chu, tiin mak kan ti deuh va. Kristian ni lo thahnem tak an tel ve a.

A awmna kohhran member zinga Pathian thu sawi mi pakhat S.K. Robert chuan thu a han sawi ve ta a. Hindu pa thusawi chu thiam takin Pathian Thu hmangin a let thla a. Ringtute dinhmun leh kristian nih hlawkzia te a sawi a. Vijay pa hriat rengna inkhawm chu kristian ni lo, a chhungte leh a thiante hnenah Chanchin Tha hrilna remchang tak a ni ta.

"A mi thianghlimte thihna chu Lalpa ngaihin hlu tak a ni" (Sam 116:15)

156. HLOHNA AṬANGA HLAWKNA

Mihringte thirna aṭang chuan hlohna hi hlawknaa ngaih har tak a ni. Hlohna chu chāna a ni. Mahse hlohna hi hlawknaah a chang thei tlat mai. Isua thihna chu amah ringtute tan chhandamna, hlawkna a ni. Chutiang bawkin hlohna nia kan ngaih hi hlawkna a ni thei asin.

Football khel thiam hmingthang Drave Dravecky chuan cancer natna a vei hlah mai a. A kut an tansak a, kut siam chawp an vuah ta a ni. A chunga thil lo thleng chu a tirah chuan hriat thiam har a ti em em mai. A chhan a ngaihtuah a, a bre chhuak ta. Pathian thil tum a hmu chhuak ta. A thil hmu chhuah chu hengte hi a ni : Pakhatna : Daktortan a cancer natna an enkawl aṭangin cancer natna chungchang an hriat chian zual phah ta. Pahnihna : Kut siam chawp vuah tur siamtuten kut siam chawp siam an thiam zual phah ta. Pathumna : A hmu chhuah pawimawh ber chu - "keimah ka lo iaring tawk thin a, tunah chuan rintlak ka nih

lohzia leh Pathian chauh rintlak a nihzia ka hre chhuak ta."

Kan chung a tiil lo thlengte hi kan thunun thei lo, mahse kan tana tha zir chhuah tur pawimawh tak kan hmu chhuak thei a ni. Kan chung a thul lo thleng atang hian eng nge zir chhuah tur ka neih tiin i ngaihtuah thin ang u.

157. I DUHZAWNG TIH KA LAWMNA

"Aw ka Pathian, i duhzawng tih hi ka lawm-zawng tak a ni. A ni, i dan thu chu ka thin-lungah a awm reng e." (Sam 40:8)

Mihring hi mahni hmasial tak kan ni a. Kan rilru, ngaihtuahna leh tawngkam thlengin "Ka" tih leh "Keimah" tih hi a lian ber fo mai. Mi dang duhzawng tih aiin keima duhzawng tih leh Pathian duhzawng tih aiin keima duhzawng tih kan thlang fo thin.

America rama zaithiam pakhat Frank Smitra chu a hun lai chuan, "America ram mite tihlimtu ber" tiin an ngai hial thin. A bla sak, mite ngaih-san em em chu, "Ka duhzawngin ka ti thin," tih a ni. Mihringte hian mahni duhzawng tih leh mahni duhzawnga awm hi nuam kan tih ber a ni fo. Mahse mahni duhzawng tih leh mahni duhzawnga awm hi, kan tana tha ber a ni lo fo. Kan tana tha lo tur kan ti thin. Kan hmingchhiatna tur pawh kan ti bawh thin. Kan thiltih leh kan awmdan hi ngaihtuah ngun leh fiinkhur a tul hle mai.

Ringtu leh Pathian inkarah chuan, "Ka duhzawng tih," tih aiin "Pathian duhzawng tih" "Ka thu ni se," tih aiin "I thu ni se," tih hi tha a ber fo.

Lal Isua pawh khan a duhzawng tih aiin A Pa duhzawng tih a thlang a nih kha !

Duhthlan tur kan neih hunah, "Ka duhzawng nge Pathian duhzawng," tiin inzawt thin ila. "Ka duhzawng tih," aiin "Pathian duhzawng tih," i thlang thin ang u.

158. THLEMNA HNEH THEIH DAN

"Mibring tuar theih ang chauh lo chu thlemna in chungah a thleng ngai lo. Pathian zawng a rinawm a ni, ani chuan in tuar theih tawh a liam chu thlemna in tawh a phal lo vang; in tuar theihna turin thlemna rualin tlanchnuahna kawng a siam nghal zawk ang." (I Kor. 10:13)

Thlemna hi thil tisual tura thlemna niin kan ngai thin. Fiahna angin an sawi bawh thin. Thlemna kan tawh hian fiahna kan tawh a ni. Thlemna tawh hi thil sual a ni lo. Lal Isua pawhin kawng tinrengin thlemna a tawh a, a sual lo. Kan tan entawn tur pha tak a ni_Nawh.

Thlemna kan tawhin hengte hi hre reng ila :

1. Lal Isua pawh keimahni ang bawka kawng tinrenga thlemna tawh a ni. Thlemnain a hneh lo va, thlemna a hneh zawk. Keini pawhin thlemna kan hneh thei tih i hria ang u.
2. Thlemna kan tawhin Pathian lal thutthleng huai taka hnaihin a tanpuina i dil ang u.
3. Thlemna rualin tlanchnuahna tur a awto thin, chu chu i zoi ang u.
4. Thlemtu chu do tur, Pathian hnaihin tur, tichuan thlemtu chu a kal bo ang.

5. Josefa chuan thlemna a tawh a. A thlemna tawh a hautak hle. Engtin nge a hneh theih? Thlem thluka awm chu Pathian duh loh zawng a ni tih a hria. Thlem thluka a awm chuan Pathian chungah thil tisual angah i inggai. "Engtin nge he sual lian tak hi tiin Pathian chungah thil ka tihsual theih ang?" a ti.
6. Davida pawh khan thlemna do zo lova thil a tihsual khan mihring chungah tisualah a inggai lo, Pathian chungah tisualah a inggai. "I chungah, i chung chauhvah thil ka tisual a, i mithmuha thil sual chu ka lo ti taa," tiin Pathian hnenah a inpuang a ni. Kan lo tihsual pawhin mihring chungah leh Pathian chungah kan tisual tih hriain, inpuangin, ngaihdam i dil ang u.
7. Thlemna hi tuar hram hram tur a ni. Kan tuar chhuah chuan nunna lallukhum Pathianin min pe dawn a ni.

159. ZANLAIAH HLA AN SA

"Nimahsela, zanlaiah Paula leh Sila chuan Pathian hnenah an tawngtai a, hla an sa a." (Tirkkohte 16:25)

"Min siamtu Pathian... zana hla mi saktirtu" (Joba 35:10)

Sava chi hnih zana hram thin an awm. Chungte chu Skylark leh Nightingale an ni. Chhun engah an hram ngai lo va, zan thim hnuaiah mawi takin an hram thin.

Thlarau lam nunah kristian tam tak chu hun that laia hlim a, hun harsat laia hlim thei lo, hla

sa thei lo an awm. Krista ringtute chu hun that lai leh hun harsat lai pawhin hlim taka Pathian chawimawina hla sa thei tur kan ni.

Kan lawmna hi keimahni leh kan chung a thil lo thlengah a inngah chuan, chung thilte a danglam rualin kan lawmna a danglam thin. Danglam ngai lo Kristaa a inngah erawh chuan kan lawmna leh hlimna a danglam lo vang.

Paula leh Sila chu tân inah an tâng a. Lungngai takin kun reng mah se an thiamawm hle awm e. Mahse, an lungngai lo, an mangangin an buai chuk lo. Kristaah an inngah avangin zan thim hnuaiah leh harsatna karah hlim takin hla an sa. Pathian awmpuina leh a hnathawh ropui tak leh mak tak a lo thleng. M.R. Daan chuan hetiangin thu a zia : "Kristian tha leh entawntlak ka hriatte chu natna avanga thutthleng nawrlirha thu leh khuma mu rengte an ni. Chung mite chuan zanah hla an sa thin."

Kan dinhmun eng nge ni ve le ? Zanah hla kan sa thei ve em ? Lungngaih, mangan, buaina chhum pui zing hnuaiah Pathian chawimawina hla kan sa thei em ?

160. CHHUNGLAM MIHRING SIAM THAR

"Kan pawnlam taksa hi lo awngrawp telh telh mah sela, kan chhunglelam mihring chu ni tin siam thar zelin a awm zawk a ni." (II Kor 4:16)

Kan mihring taksa hi a kumhlum dawn lo va. Zawi zawiin a lo awngrawp telh telh ang a; a tawpah chuan a la thi dawn a ni. Kan taksa nun tawp hi ni tin hmabak a ni. Engtikah nge a lo thlen dawn erawh kan bre lo. Upat vang emaw,

natna avang emawin kan taksa hi a lo chak lo tial tial ang a, a tawp hun a la thleng dawn, chu chu thihna a ni. Hei hi a tawpna tur ni mai sela, a va pawl dawn em !

Kan taksa thihna hi tawpna a ni lo va, chhunglam mihring nun inanna a ni. Kan taksa hi a thi ang a, thlarau taksa changin nun thar kan nei dawn a ni. Taksa thi thei neia dam reng ai chuan thlarau nun thi thei lo neia awm chu a thlanawm zawk a ni.

Kan taksa dam lai hian hrehawm tam tak kan tuar thin. Kan hrehawm tuar chu hun rei lo te atan a ni. Kan thlarau nun ropui chan tur nen tuna kan taksa tuarna hi tehkhin tham a ni lo. Thil hmuh theih te hi rei lo te atan a ni a, thil hmuh theih loh te hi chatuan atan a ni. Chuvangin, thil hmuh theihte chu en lovin, thil hmuh theih loh te chu i en zawk ang u. "Chunglama thil awmahte chuan in rilru nghat tlat rawh u, leia thil awmahte nghat lovin. In thi tawh a, in nunna chu Pathianah chuan Krista hnenah thuhrukin a awm si a." (Kolossa 3:2,3)

Joy Laldini, Lalhmachhuana leh Muantei te fanu chuan Cancer natna kum 4 zet a tuar a. Dak-torte an beidawn hnuin Pathian tihdamna a chang leh thin a. A chung a thil lo thleng hi thil ropui tak a ni. Natna a tuar lai pawhin hlim takin a awm a, Pathianin thlamuanna a pe. A nu leh a pa pawh Pathianin chakna leh tuarchhelna a pe a, an rawngbawlna bahlah lovin an thawk zel. Pathianin taksa natna a tuar chu a tawh tawh a ti a ni ang, ni 15 March 1998 khan a hnenah a chawlh-tir ta.

A thih dawn hnaih hian NI. J. Romawii, Dar Ul Fazl Children's Home hotunu chu a kiangah awmin an inbia a. A Lalpa leh chhandamtu Isua nen inpawlina neiin an inbia a, tawng hriat lohvin a tawng thin. Hahdam tak leh thlamuang takin a awm a. A kalna tur nawmzia a hria a, kal a hreh lo. A thih dawnin he thu hi a sawi: "Lalpa, waviinah hian i hming a va ropui dawn em!"

Shantiniketan Children's Home, Sabathu, Himachal Pradesh compound-ah an phum a, ropui taka thlah liam a ni ta.

"Nakinah van inah min la hruai khawm ang a, Chatuanin ropuina kan chang ang."

161. DAWHTHEIHNA LEH NGAIHDAMNA

"Tupawhin tu chungah pawh thu pawl nei ang ula, indawhtawnin inngaidam tawn ula; Lalpa chuan a ngaidam che u ang tak khan ngaidam ve rawh u." (Kolossa 3:13)

He Pathian thu chang hian ka rilruah nasa takin thu a sawi a. Biak ina thusawina hun remchangah sawi ka chak fo thin. He Pathian thu zirtirna hi mi tinin kan mamawh niin ka hria a. Dawhtheihna nun leh ngaihdamna nun neih hi har tak a ni. Thu mawi tak leh zawm atana tha a ni a, mahse zawm har tak a ni!

Ni 12 September 1998 khan Apostolic Indian Mission Council meeting, Apostolic Centre, Rohini, Delhi-ah zing dar 11-a neih tur a ni a, chawhnua lamah Delhi Mizo Inkhawm Committee neih tur a ni bawh a. Heng committee pahnihah hian Chairman ka ni ve ve a, ka tel ngei a tul a.

Dar 9:30 A.M. velah motor kawng tan zawnga ka motora ka kal chu, ka chhuah fel hman hmain motor cycle-in mi han su a. Motor cycle-ah chuan nula leh tlangval an chuang a, an tlu a, nula chuan a lu a sawh na a, hliam erawh a awm lo. Tlangval chuan mi rawn bia a, "Ka motor cycle chhe siamna i chawi tur a ni, i motor chahbi mi pe rawh," a rawn ti a. Min sutu zawk a ni a. nula chuan lukhum a khum lo bawk a, an thiam lo a ni. Pathianin dawhtheihna leh ngaihdamna rilru min pe a, tha takin ka chhang a. Kawngpui sir hnai teah Dispensary a awm a, motorin ka hruai a, daktarin nula chu a en a, inhliam na leh hlauh tur a awm loh thu a hrilh a. Motor cycle siamna turah ka kalpui zel a, a siam man an hisap a, Rs. 500/- a ni a. Tlangval hnenah chuan Rs. 500/- chu ka pe a. An motor cycle-ah Kros chhianchihahna ziaak a awm a, kristian in ni maw, tiin ka zawt a. Roman catholic kristian an nih thu min hrilh a. Kei pawh-in Pastor ka nih thu ka hrilh a. Innei tura Inhualna an neih turah an chhungte sawm tura kal chhuak an ni a. An hming chu John Francis leh Anamika a ni a. Inhualna tuang taka an neih theih nan leh anmahni tan tawngtaina ka nei a, tha takin kan inthen ta a.

Committee-a ka kalpui turten min lo nghak a, kan tlai phah ta deuh hlek a. Committee member te kan kal tha a, kan committee pawh hlim tak leh tuang takin kan nei a. Chawhnu lama Delhi Mizo Inkhawm committee pawh tuang tak leh hlim takin kan nei ta bawk a.

Ina ka haw chuan ka nupui Zoparmawii ka hrilh a. Pathian tanpuinaa dawhtheihna leh ngaih-

damna ka neih theih dan leh committee pahnih
tluang taka kan neih thu ka hrilh a. Motor cycle
siamna tur Rs. 500 ka pe a, motor siam that a ngai
dawn bawka. Engmah dang sawi lo chuan, "Mo-
tor siam thatna tur pawisa Pathian hnenah ka dil
anga, min pe mai ang," a ti a. A dilna chu kar
khat hnu velah Pathianin a chhang a, motor siam
thatna tur pawisa Rs. 100 kan hmu ta. A va lawm-
awm em !



LEHKHABU RAWNTE

1. **The Friendship Book** of Francis Gay, 1965
2. **Matters of Moment** F. Wilkinson Kiddle
3. **My Devotion** 1979, Concordia Publishing House
4. **Hla leh a phuahtute**, P.D Sêna
5. **Decision**, June 1982
6. **Streams in the desert**, Mrs Charles Cowman
7. **Our Daily Bread** (Indian Edition)